



სახელმწიფო გამომცემლობა

11-12

750



750

ს ა რ ჩ ე ზ ი

ბ. ბ. სტალინი — ამხანაგ ი. ბ. სტალინის სიტყვა, წარმოთქმული ქალაქ მოსკოვის სტალინის საარჩევნო ოლქის ამომრჩეველთა წინასაარჩევნო კრებაზე 1937 წლის 11 დეკემბერს დიდ თეატრში	3
ლ. პ. ბერია — სიტყვა ქალაქ თბილისის საბჭოთა მშრომელი ინტელიგენციის საერთო-საქალაქო წინასაარჩევნო კრებაზე 1937 წელს	9
შოწინავე — ქართული კულტურის დიდი ზეიმო	17

მხატვრული ლიტერატურა

ელიზბარ უბილავა — კიროვის ძეგლი ვარდების ხეივანში	26
სევერიან ისიანი — რუსთაველი კრემლში	24
შალვა ამისულაშვილი — ომგადახდილი წიგნი	26
ვ. კალანდაძე — რუსთაველს	28
ვასილ ლომიძე — რუსთაველი	29
აპოლონ ქუთელია — რუსთაველს	31
კოტე ხიმშიაშვილი — ქაჯთა სასძლოს სახსოვარი	32

კ რ ი ტ ი კ ა

გერონტი ქიქოძე — შოთა რუსთაველი	46
კონსტანტინე ჭიჭინაძე — შოთა რუსთაველი და მისი პოემა	49
დ. ჯანელიძე — ბრძოლა „ვეფხის-ტყაოსნის“ გარშემო	61
აკ. გაწერელია — რუსთაველის პოეტის საკითხები	69
სიმონ ჩიქოვანი — სიყვარული, მეგობრობა და გმირობა „ვეფხის-ტყაოსანში“	78



0. 2. 6023050

ი. ბ. სტალინი

სიტყვა ქალაქ მოსკოვის სტალინის საარჩევნო ოლქის
ამომრჩეველთა წინასაარჩევნო კრებაზე 1937 წლის 11 დე-
კემბერს დიდ თეატრში

თავმჯდომარე. სიტყვა ეძლევა ჩვენს კანდიდატს ამხანაგ სტალინს. ამხანაგ სტალინის გამოჩენას ტრიბუნაზე ამომრჩევლები ხვდებიან მქუხარე ოვაციით, რომელიც რამდენიმე წუთის განმავლობაში გრძელდება. დიდი თეატრის მთელი დარბაზი ფეხზე ამდგარი მიესალმება ამხანაგ სტალინს. დარბაზიდან განუწყვეტილად გაისმის შეძახილები: „გაუმარჯოს დიდ სტალინს, ვაშა!“ „მსოფლიოში ყველაზე დემოკრატიული საბჭოთა კონსტიტუციის შემოქმედს ამხანაგ სტალინს, ვაშა!“ „გაუმარჯოს მთელი მსოფლიოს ჩაგრულთა ბელადს, ამხანაგ სტალინს, ვაშა!“

სტალინი. ამხანაგებო, უნდა გამოვტყდე, მე არ მქონდა განზრახვა გამოვსულიყავი. მაგრამ ჩვენმა პატივცემულმა ნიკიტა სერგეის ძემ, შეიძლება ითქვას, ძალით მომიყვანა აქ, კრებაზე: გვიტხარი კარგი სიტყვაო. რაზე ვთქვა, სახელდობრ რა სიტყვა? ყველაფერი, რისი თქმაც საჭირო იყო არჩევნების წინ, უკვე არის ნათქვამი და არაერთხელ ნათქვამი ჩვენი ხელმძღვანელი ამხანაგების კალინინის, მოლოტოვის, ვოროშილოვის, კაგანოვიჩის, ეჟოვის და მრავალი სხვა პასუხისმგებელი ამხანაგის სიტყვებში. რა შეიძლება კიდევ დაემატოს ამ სიტყვებს?

ამბობენ, საჭიროა განმარტებანი საარჩევნო კამპანიის ზოგიერთ საკითხზეო. რა განმარტებანი, რა საკითხებზე? ყოველივე ის, რისი განმარტებაც საჭირო იყო, უკვე განმარტებული არის და არაერთხელ განმარტებული ბოლშევიკთა პარტიის, კომკავშირის, პროფესიულ კავშირთა სრულიად-საკავშირო ცენტრალური საბჭოს, თავდაცვა-ავიაქიმის, ფიზკულტურის საქმეთა კომიტეტის ცნობილ მიმართებებში. რა შეიძლება კიდევ დაემატოს ამ განმარტებებს?

რასაკვირველია, შეიძლებოდა თქმულიყო ერთგვარი მსუბუქი სიტყვა ყველაფერზე და არაფერზე (ნელი სიცილი). შესაძლოა, რომ ასეთი სიტყვა გაართობდა საზოგადოებას. ამბობენ, რომ ასეთი სიტყვების ოსტატები მოიპოვებიან არა მარტო იქ, კაპიტალისტურ ქვეყნებში, არამედ ჩვენშიაც, საბჭოთა ქვეყანაში (სიცილი, ტაში). მაგრამ ჯერ ერთი, მე არა ვარ

ასეთი სიტყვების ოსტატი. მეორე, ვანა ღირს გასართობ საქმეებს. მიე-
ყოთ ხელი ახლა, როდესაც ჩვენ ყველას, ბოლშევიკებს, როგორც იტყვი-
ან, „მუშაობა თავზე საყრელი ვეაქვს“. მე ვფიქრობ, რომ არა ღირს.

ცხადია, რომ ასეთ პირობებში კარგ სიტყვას ვერ იტყვი.

და მაინც რაკი მე ტრიბუნაზე გამოვედი, რასაკვირველია, მიხდება
ასე თუ ისე ვთქვა ცოტა. რამ მაინც (მქუხარე ტაში).

უწინარეს ყოვლისა მე მინდოდა მადლობა გადამეხადა (ტაში) ამომრ-
ჩეველებისათვის იმ ნდობისათვის, რომელიც მათ გამოიჩინეს (ტაში).

მე დამასახელეს დეპუტატობის კანდიდატად და საბჭოთა ღედაქალა-
ქის სტალინის ოლქის საარჩევნო კომისიამ რეგისტრაციაში გამატარა, მე,
როგორც დეპუტატობის კანდიდატი. ეს, ამხანაგებო, დიდი ნდობაა. ნება
მიბოძეთ დიდი ბოლშევიკური მადლობა გადაგიხადოთ იმ ნდობისათვის,
რომელიც თქვენ გამოიჩინეთ ბოლშევიკთა პარტიისადმი, რომლის წევ-
რიც მე ვარ, და პირადად ჩემდამი, როგორც ამ პარტიის წარმომადგენ-
ლისადმი (მქუხარე ტაში).

მე ვიცი, რას ნიშნავს ნდობა. იგი, ცხადია, მაკისრებს ახალ, დამატე-
ბითს მოვალეობებს და, მაშასადამე, ახალ, დამატებითს პასუხისმგებლო-
ბას. რა გაეწყობა, ჩვენ, ბოლშევიკებს, არ გვჩვევია უარი ვთქვათ პასუხის-
მგებლობაზე. მე მას ხალისით ვკისრულობ (მქუხარე ხანგრძლივი ტაში).

ჩემი მხრით მე მინდა დაგარწმუნოთ თქვენ, ამხანაგებო, რომ თამამად
შეგიძლიათ ენდოთ ამხანაგ სტალინს (მქუხარე, ხანგრძლივი ოვაცია. შე-
ძახილები დარბაზიდან: „ჩვენ კი ყველანი ამხანაგ სტალინთან ვართ!“).
შეგიძლიანთ იქონიოთ იმის იმედი, რომ ამხანაგი სტალინი შესძლებს შეას-
რულოს თავისი მოვალეობა ხალხის წინაშე (ტაში), მუშათა კლასის წი-
ნაშე (ტაში), გლეხობის წინაშე (ტაში), ინტელიგენციის წინაშე (ტაში).

შემდეგ, მე მინდა, ამხანაგებო, მოგილოცოთ მომავალი საყოველთაო-
სახალხო დღესასწაული, საბჭოთა კავშირის უმაღლესი საბჭოს არჩევნების
დღე (ძლიერი ტაში). მომავალი არჩევნები — ეს უბრალო არჩევნები რო-
დია, ამხანაგებო. ეს მართლაც ჩვენი მუშების, ჩვენი გლეხების, ჩვენთ ინ-
ტელიგენციის საყოველთაო-სახალხო დღესასწაულია (მქუხარე ტაში).
ჯერ არასოდეს არ ყოფილა მსოფლიოში ასეთი ნამდვილად თავისუფა-
ლი და ნამდვილად დემოკრატიული არჩევნები, არასოდეს! ისტორიამ არ
იცის მეორე ასეთი მაგალითი (ტაში). ლაპარაკია არა იმაზე, რომ ჩვენ
გვექნება საყოველთაო, თანასწორო, ფარული და პირდაპირი არჩევნები,
თუმცა უკვე ამას თავისთავად დიდი მნიშვნელობა აქვს. ლაპარაკია იმა-
ზე, რომ საყოველთაო არჩევნები ჩვენში ჩატარდება, როგორც ყველაზე
უფრო თავისუფალი არჩევნები და ყველაზე უფრო დემოკრატიული
მსოფლიოში, ყოველივე სხვა ქვეყნის არჩევნებთან შედარებით.

საყოველთაო არჩევნები ტარდება და მათ ადგილი აქვს ზოგიერთ კა-
პიტალისტურ, ეგრეთწოდებულ, დემოკრატიულ ქვეყნებშიც. მაგრამ რა
ვითარებაში ტარდება იქ არჩევნები? კლასობრივ შეტაკებათა ვითარე-
ბაში, კლასობრივი შუღლის ვითარებაში, კაპიტალისტების, მემამულეე-
ბის, ბანკირებისა და კაპიტალიზმის სხვა ონავრების მხრით ამომრჩეველ-

ბის მიმართ დაწოლის ვითარებაში. ასეთ არჩევნებს, ისინი რომ კიდევ საყოველთაო, თანასწორი, ფართული და პირდაპირი იყოს, არ შეიძლება ეწოდოს სავსებით თავისუფალი და სავსებით დემოკრატიული არჩევნები.

ჩვენთან, ჩვენს ქვეყანაში, პირიქით, არჩევნები ტარდება სულ სხვა ვითარებაში. ჩვენში არ არიან კაპიტალისტები, არ არიან მემამულეები, მასადავთ, არც მქონებელი კლასების დაწოლა არის უქონლების მიმართ. ჩვენში არჩევნები ტარდება მუშების, გლეხების, ინტელიგენციის თანამშრომლობის ვითარებაში, მათი ურთიერთ ნდობის ვითარებაში, მე ვიტყვოდი, ურთიერთმეგობრობის ვითარებაში, იმიტომ რომ ჩვენში არ არიან კაპიტალისტები, არ არიან მემამულეები, არ არის ექსპლოატაცია და კაცმა რომ სთქვას, არავინ არის, ვისაც შეეძლოს დაწოლის მოხდენა ხალხზე მისი ნებისყოფის დასამახინჯებლად.

აი რატომ არის ჩვენი არჩევნები ერთადერთი ნამდვილად თავისუფალი და ნამდვილად დემოკრატიული მთელს მსოფლიოში (ძლიერი ტაში).

ასეთი თავისუფალი და ნამდვილად დემოკრატიული არჩევნები შეიძლებოდა აღმოცენებულიყო მხოლოდ სოციალისტური წესწყობილების გამარჯვების ნიადაგზე, მხოლოდ იმის ბაზაზე, რომ ჩვენში სოციალიზმი არა მხოლოდ შენდება, არამედ უკვე დამკვიდრდა ყოფაცხოვრებაში. ხალხის ყოველდღიურ ყოფაცხოვრებაში. 10 წლის წინათ შეიძლებოდა დისკუსია იმაზე, შეიძლება თუ არა ჩვენში სოციალიზმის შენება. ახლა ეს აღარ არის სადისკუსიო საკითხი. ახლა ეს არის ფაქტების საკითხი, ცოცხალი ცხოვრების საკითხი. ყოფაცხოვრების საკითხი. რომლითაც გამსჭვალულია ხალხის მთელი ცხოვრება. ჩვენს ფაბრიკებსა და ქარხნებში მუშაობენ უკაპიტალისტებოდ. მუშაობას ხელმძღვანელობენ ხალხიდან გამოსული ადამიანები. სწორედ ამას უწოდებენ ჩვენში ნამდვილ სოციალიზმს. ჩვენს მინდვრებში მიწის მუშაკები მუშაობენ უმემამულეებოდ, უკულაკებოდ. მუშაობას ხელმძღვანელობენ ხალხიდან გამოსული ადამიანები. სწორედ ამას უწოდებენ ჩვენში სოციალიზმს ყოფაცხოვრებაში. სწორედ ამას უწოდებენ ჩვენში თავისუფალ, სოციალისტურ ცხოვრებას.

აი ამ ბაზაზე აღმოცენდა სწორედ ჩვენში ახალი, ნამდვილად თავისუფალი და ნამდვილად დემოკრატიული არჩევნები, არჩევნები, რომლის მაგალითი არ არის კაცობრიობის ისტორიაში.

როგორ არ უნდა მოგილოცოთ ამის შემდეგ საყოველთაო-სახალხო ზეიმის დღე, საბჭოთა კავშირის უმაღლესი საბჭოს არჩევნების დღე! (მთელი დარბაზის მქუხარე ოვაცია).

შემდეგ, ამხანაგებო, მე მინდა მოგცეთ თქვენ რჩევა, დეპუტატობის კანდიდატის რჩევა თავისი ამომრჩევლებისადმი. თუ ავიღებთ კაპიტალისტურ ქვეყნებს, იქ დეპუტატებსა და ამომრჩევლებს შორის არსებობს ერთგვარი თავისებური, მე ვიტყვოდი, საკმაოდ უცნაური ურთიერთობა. სანამ არჩევნები მიმდინარეობს, დეპუტატები ელაციცებიან ამომრჩევლებს, ელაქუცებიან მათ, ეფიცებიან ერთგულებას, აძლევენ ათასგვარ დაპირებას. გამოდის, რომ დეპუტატები სავსებით დამოკიდებული არიან ამომრჩევლებზე. როგორც კი არჩევნები მოხდა და კანდიდატები დეპუტატებად

გადაიქცენ, — ურთიერთობა ძირფესვიანად იცვლება. ამომრჩევლებზე დეპუტატების დამოკიდებულების ნაცვლად გამოდის მათი სრული დამოუკიდებლობა, 4 თუ 5 წლის მანძილზე, ე. ი. ახალ არჩევნებამდე. დეპუტატი ისე გრძნობს თავს, რომ რგი არის სრულიად თავისუფალი ხალხისაგან, თავისი ამომრჩევლებისაგან დამოუკიდებელი. მას შეუძლია გადავიდეს ერთი ბანაკიდან მეორეში, მას შეუძლია გადაუხვიოს სწორი გზიდან არასწორზე, მას შეუძლია გაებას ზოგიერთ არა მთლად საკადრისო ხასიათის მახინციებშიც კი, მას შეუძლია ყირაზე გადავიდეს, როგორც მას ნებაეს, — იგი დამოუკიდებელია.

შეიძლება თუ არა ნორმალურად ჩაითვალოს ასეთი ურთიერთობა? არავითარ შემთხვევაში, ამხანაგებო. ეს გარემოება გაითვალისწინა ჩვენმა კონსტიტუციამ და მან გაატარა კანონი, რომლის ძალით ამომრჩევლებს უფლება აქვთ ვადამდე გაიწვიონ უკან თავისი დეპუტატები, თუ ისინი იწყებენ მელაკუდაობას, თუ ისინი უხვევენ გზიდან, თუ მათ ავიწყდებათ, რომ დამოკიდებული არიან ხალხისაგან, ამომრჩევლებისაგან.

ეს შესანიშნავი კანონია, ამხანაგებო. დეპუტატმა უნდა იცოდეს, რომ იგი არის ხალხის მსახური, მის მიერ წარგზავნილი უმაღლეს საბჭოში და იგი უნდა გაჰყვეს იმ ხაზს, რომელზედაც მას მიცემული აქვს განაწესი ხალხის მიერ. თუ გზას გადაუხვია, ამომრჩევლებს უფლება აქვთ მოითხოვონ ახალი არჩევნების დანიშვნა, და მათ უფლება აქვთ ის დეპუტატი, რომელმაც გზას გადაუხვია, ყორანივით გააშავონ (სიცლი, ტაშა). ეს შესანიშნავი კანონია. ჩემი რჩევა, დეპუტატობის კანდიდატის რჩევაა ჩემი ამომრჩევლებისადმი, ახსოვდეთ ამომრჩეველთა ეს უფლება, — დეპუტატთა ვადამდე უკან გაწვევის უფლება, თვალყური ადევნონ თავის დეპუტატებს, კონტროლი გაუწვიონ მათ და, თუ ისინი განიზრახავენ სწორი გზიდან გადახვევას, თავიდან მოიშორონ ისინი, მოითხოვონ ახალი არჩევნების დანიშვნა. მთავრობა ვალდებულია დანიშნოს ახალი არჩევნები. ჩემი რჩევაა — გახსოვდეთ ეს კანონი და გამოიყენოთ იგი საჭიროების შემთხვევაში.

დასასრულ, დეპუტატობის კანდიდატის კიდევ ერთი რჩევა თავის ამომრჩევლებისადმი. საერთოდ რა უნდა მოეთხოვოთ ჩვენს დეპუტატებს, თუ ყველა შესაძლო მოთხოვნიდან ავიღებთ ყველაზე ელემენტარულ მოთხოვნებს?

ამომრჩევლებმა, ხალხმა თავის დეპუტატებს უნდა მოსთხოვონ, რომ ისინი დარჩნენ თავიანთი ამოცანების სიმაღლეზე, რომ ისინი თავის მუშაობაში არ დაეშვნენ პოლიტიკური ობივატელების დონემდე, რომ ისინი დარჩნენ ლენინის ტიპის პოლიტიკურ მოღვაწეთა პოსტზე, რომ ისინი იყვნენ ისეთივე ნათელი და გამორკვეული მოღვაწეები, როგორც ლენინი (ტაში), რომ ისინი იყვნენ ისეთივე უშიშარნი ბრძოლაში და შეუბრალებლნი ხალხის მტრების მიმართ, როგორც იყო ლენინი (ტაში), რომ ისინი იყვნენ თავისუფალნი ყოველგვარი პანიკისაგან, პანიკის ყოველგვარი ნასახისაგან, როდესაც საქმე გართულებას იწყებს და ჰორიზონტზე ისახება რაიმე საფრთხე, რომ ისინი იყვნენ ისევე თავისუფალნი პანიკის ყო-



©
B. A. JOHNSON

ველგვარი წასახისავან, როგორც თავისუფალი იყო ლენინი (ტაში), რომ ისინი იყვნენ ისევე ბრძენნი და აუჩქარებელნი რთული საკითხების გადაჭრის დროს, სადაც საჭიროა ყოველმხრივი ორიენტაცია და ყველა პლუსისა და მინუსის ყოველმხრივ გაფაღისწინება, როგორც იყო ლენინი (ტაში), რომ ისინი იყვნენ ისევე მართალნი და პატიოსანნი, როგორც იყო ლენინი (ტაში), რომ მათ ისევე უყვარდეთ თავისი ხალხი, როგორც უყვარდა იგი ლენინს (ტაში).

შეგვიძლია თუ არა ჩვენ ვთქვათ, რომ დებუტატობის ყველა კანდატი სწორედ ამგვარი მოღვაწეა? მე ამას ვერ ვიტყვოდი. ათასნაირი ადამიანი ამ ქვეყნად, ათასნაირი მოღვაწეა ამ ქვეყნად. არიან ადამიანები, რომლებზედაც ვერ იტყვი, ვინ არის იგი, კარგია თუ ცუდი, მამაცია თუ მხდალი, ბოლომდე ხალხის მხარეზეა თუ ხალხის მტრების მხარეზე. არიან ასეთი ადამიანები და არიან ასეთი მოღვაწეები. ისინი ჩვენშიაც არიან, ბოლშევიკებს შორის. თვითონ იცით, ამხანაგებო, რომ ყოველ ოჯახშია თითო მახინჯი (სიცილი, ტაში). ასეთი გამოურკვეველი ტიპის ადამიანებზე, იმ ადამიანებზე, რომლებიც უფრო გვაგონებენ პოლიტიკურ ობიექტებს, ვიდრე პოლიტიკურ მოღვაწეებს, ასეთ გამოურკვეველი, ჩამუყალიბებელი ტიპის ადამიანებზე, საკმაოდ მოსწრებულად სთქვა დიპა რუსმა მწერალმა გოგოლმა: „გამოურკვეველი ადამიანებიაო, არც ეს რიან არც ისო, ვერ გაიგებ რა ხალხია, არც ბოგდანია ქალაქში და არც სელიფანი სოფელში“ (სიცილი, ტაში). ასეთ გამოურკვეველ ადამიანებზე და მოღვაწეებზე აგრეთვე საკმაოდ მოსწრებულად ამბობს ჩვენი ალხი: „არის რაღა — არც წყალია და არც ღვინო“ (საერთო სიცილი-ლიტაში), „არც ღვთისაა და არც ეშმაკისა“ (საერთო სიცილი, ტაში).

ე) არ შემიძლია სრული დარწმუნებით ვთქვა, რომ დებუტატობის კანდატთა შორის (მე, რა თქმა უნდა, დიდ ბოდიშს ვიხდი მათ წინაშე) დაკენს მოღვაწეებს შორის არ მოიპოვებიან ისეთი ადამიანები, რომლებიც ყველაზე უფრო მოგვაგონებენ პოლიტიკურ ობიექტებს, რომლებიც თავისი წასიათით, თავისი ფიზიონომიით მოგვაგონებენ. ისეთი ტიპი ადამიანებს, რომლებზედაც ხალხი ამბობს: „არც ღვთისაა და არც ეშმაკისა“.

მინდა, ამხანაგებო, რომ თქვენ სისტემატურად აზღვრდეთ გავლენას თქვენი დებუტატებზე, რათა მათ ჩააგონებდეთ, რომ მუდამ თვალწინ ედგა დიდი ლენინის დიდი სახე და ყველაფერში ჰბაძავდნენ ლენინს (ტ).

ამრჩეველთა ფუნქციები არჩევნებით არ თავდება, ეს ფუნქციები გრიდება ამათუიმ მოწვევის უმაღლესი საბჭოს არსებობის მთელი პერიოდის მანძილზე. მე უკვე ვილაპარაკე იმ კანონზე, რომელიც უფლებას ანის ამომრჩევლებს ვაღამდე გაიწვიონ უკან თავისი დებუტატები, თუ ისინი ვეცვენ სწორი გზიდან. მაშასადამე, ამომრჩეველთა მოვალეობა და უფლება მდგომარეობს იმაში, რომ მათ მუდამ კონტროლქვეშ იყოლიონ დებუტატები და რომ ისინი ჩააგონებდნენ მათ — არავითარ შემთხვევაში არ შენენ პოლიტიკური ობიექტების დონემდე, რომ ისინი — ამო-

მრჩევლები ჩააგონებდნენ თავის დებუტატებს — იყვნენ ისეთნი, როგორიც იყო დიდი ლენინი (ტაში).

ასეთია, ამხანაგებო, ჩემი მეორე რჩევა თქვენდამი, დებუტატობის კანდიდატის რჩევა თავის ამომრჩევლებისადმი. (მქუხარე, ხანგრძლივი ტაში, რომელიც ოვაციაში გადადის. ყველანი ფეხზე დგებიან და თვალს აურობენ მთავრობის ლოჟას, საიტკენაც მიდის ამხანაგი სტალინი. გაისის შეძახილები: „დიდ სტალინს ვაშა!“ „ამხანაგ სტალინს, ვაშა!“ „გაუმარჯოს ამხანაგ სტალინს, ვაშა!“ გაუმარჯოს პირველ ლენინელს—კავშირის საბჭოს დებუტატობის კანდიდატს — ამხანაგ სტალინს! ვაშა!“).



В. С. ЗОБОВ

ლ. კ. გურია

სიტყვა ქალაქ თბილისის საბჭოთა მუშაკელი ინტელიგენციის საერთო-საქალაქო წინასაარჩევნო კამბაზე
1937 წლის 9 დეკემბერს

(დარბაზი ამხანაგ ბერიას მქუხარე ოვაციით ხვდება. ადგილებიდან გაისმის შეძახილები: „გაუმარჯოს ამხანაგ სტალინს!“ „ვაშა დიდ სტალინს!“ „გაუმარჯოს ჩვენი კონსტიტუციის შემომქმედს ამხანაგ სტალინს!“).

ამხანაგებო!

ადამიანთა საზოგადოების განვითარების ისტორიაში ინტელიგენცია დიდ როლს თამაშობდა.

არ ყოფილა არცერთი გაბატონებული კლასი, რომელსაც თავისი საკუთარი ინტელიგენცია არა ჰყოლოდეს.

მარქსიზმმა გამოამჟღავნა და გამანადგურებელი კრიტიკის ქარცეცხლში გაატარა ბურჟუაზიული იდეოლოგიების ცდა განეხილათ ინტელიგენცია, როგორც განსაკუთრებული ზეკლასობრივი კატეგორია ადამიანებისა, რომლებიც ვითომდაც მოწოდებული არიან ემსახურონ მთელი ხალხის ინტერესებს, კლასების განურჩევლად.

ჩვენში ძველი რევოლუციამდელი ინტელიგენციის ძირითადი მასა ემსახურებოდა მემამულეებსა და კაპიტალისტებს, ერთგულად ოცავდა თავის მემპატრონეთა ინტერესებს. ძველი ინტელიგენციის კადრების დიდი უმრავლესობა გაბატონებული კლასებისა და წოდებების წარმომადგენელთაგან შესდგებოდა.

ასეა ახლაც კაპიტალისტურ ქვეყნებში. საერთო კრიზისისა და კაპიტალიზმის ლაზობის პირობებში ფაშისტებს არ შეუძლიან შეურიგდნენ არა მარტო მარქსიზმს, არამედ ბურჟუაზიული მეცნიერების იმ წარმომადგენლებსაც, რომლებიც თუნდაც ოდნავ იჩინენ მიდრეკილებას დაიცვან ბურჟუაზიული დემოკრატიზმის ტრადიციები. მეცნიერების, ხელოვნებისა და ლიტერატურის საუკეთესო წარმომადგენლები, რომელთა შორისაც ბევრმა საქვეყნოდ გაითქვა სახელი, იძულებული გახდნენ ვაქ-

ცეულიყენენ ფაშისტური გერმანიიდან. ინტელიგენციის მნიშვნელოვანი ნაწილის უმუშევრობა ჩვეულებრივი მოვლენაა კაპიტალისტურ ქვეყნებში.

სულ სხვა მდგომარეობაა ჩვენში, საბჭოთა კავშირში.

ოქტომბრის დიდი სოციალისტური რევოლუციის შემდეგ განვლილი 20 წლის მანძილზე, — ამ მეტად მოკლე ისტორიულ ვადაში, — ძირფესვიანად შეიცვალა ჩვენი ქვეყნის ეკონომიკა და კულტურა. ძირითადად უკვე აგებულია სოციალისტური საზოგადოება. იარაღებისა და საწარმოო საშუალებათა საზოგადოებრივი სოციალისტური საკუთრება საბჭოთა საზოგადოების ურყევ და განუყოფელად გაბატონებულ საფუძველს წარმოადგენს.

ქვეყნის ეკონომიკაში მომხდარ რადიკალურ ცვლილებათა ბაზაზე ძირფესვიანად შეიცვალა ჩვენი საზოგადოების კლასობრივი სტრუქტურაც. ჩვენში გაჩნდა სრულიად ახალი, საბჭოთა ინტელიგენცია, რომელიც ყველა თავისი ფესვებით მტკიცედ არის დაკავშირებული მუშათა კლასსა და გლეხობასთან.

ჩვენს ქვეყანაში ძლიერამოსილი სოციალისტური მშენებლობის შედეგად, რამაც გააძლიერა ხალხის უფართოესი მასების აქტივობა და შემოქმედებითი ენთუზიაზმი, ძველი ინტელიგენციის დიდი უმრავლესობის მსოფლმხედველობაში გადამწყვეტი გარდატეხა მოხდა და იგი პატრიოსანად დადგა სოციალიზმის მხარეზე.

საბჭოთა ხელისუფლებამ შექმნა მძლავრი ქსელი დაწყებითი და საშუალო სკოლებისა და უმაღლესი სასწავლებლებისა, რომლებშიც, სახელმწიფო სტიპენდიების ზისტიემის პირობებში, უფასო განათლებას იღებს მშრომელთა შვილების უდიდესი რაოდენობა.

ამჟამად, როგორც რიცხობრივად, ისე ხარისხობრივად განუზომელად გაზრდილი საბჭოთა ინტელიგენციის 80 — 90 პროცენტს მუშათა კლასიდან, გლეხობიდან და მშრომელთა სხვა ფენებიდან გამოსულნი შეადგენენ.

შეიცვალა ინტელიგენციის საქმიანობის თვით ხასიათიც. „წინათ მას უნდა ემსახურნა მდიდარი კლასებისათვის, ვინაიდან მას სხვა გამოსავალი არ ჰქონდა. ახლა იგი უნდა ემსახუროს ხალხს, ვინაიდან უკვე აღარ არიან ექსპლოატატორული კლასები. და სწორედ ამიტომ იგი ახლა წარმოადგენს საბჭოთა საზოგადოების თანასწორუფლებიან წევრს, სადაც იგი მუშებთან და გლეხებთან ერთად, მათთან ხელიხელ ჩაკიდებული, ეწევა ახალი უკლასო სოციალისტური საზოგადოების შენებას.

როგორც ხედავთ, ეს საფესვით ახალი, მშრომელი ინტელიგენცია, რომლის მსგავსს დედამიწის ვერცერთ ქვეყანაში ვერ იპოვით“ (სტალინი).

საბჭოთა ხელისუფლებამ შექმნა ყველა პირობა ადამიანის პიროვნების თავისუფალი და ყოველმხრივი განვითარებისათვის. მეცნიერებისა და კულტურის მუშაკთა წინაშე გადაშლილია შემოქმედებითი საქმიანობის უფართოესი ახპარეზი.

საბჭოთა ინტელიგენციის გარშემორტყმულია პარტიისა და მთავრობის ყურადღებითა და მზრუნველობით, მთელი ხალხის სიყვარულით. ასეთია საქმის ვითარება ჩვენში.

როგორც ხედავთ, ჩვენი სამშობლოს ინტელიგენცია ხალხის, პარტიისა და მთავრობის მიერ აყვანილია ისეთ სიმალღეზე, რომელზეც იგი წინათ, ბურჟუაზიული წყობილების დროს, არასოდეს არ ყოფილა და არც შეიძლება ყოფილიყო.

ძველ ქართველ ინტელიგენციას ახასიათებდა ყველა ის თვისება, რაც სჩვევია ბურჟუაზიულ-მემამულურ ინტელიგენციას და რაზედაც მე უკვე ვილაპარაკე.

საქართველოში საბჭოთა ხელისუფლების არსებობის პირველ წლებში ქართველი ინტელიგენციის გარკვეული ნაწილი ძველ პოზიციებზე რჩებოდა. გულმოდგინედ ინარჩუნებდა რა ძველ მემამულურ და ბურჟუაზიულ-ნაციონალისტურ ტრადიციებს და იღებდა რა ორიენტაციას კაპიტალისტურ დასავლეთზე, იგი არა მარტო მიჰყვებოდა ანტი-საბჭოთა პარტიებს — მენშევიკებს, ნაციონალ-დემოკრატებს, ფედერალისტებს და სხვებს, არამედ შეადგენდა ამ პარტიების ძირითად ხელმძღვანელ ბირთვის და აწარმოებდა აქტიურ ბრძოლას საბჭოთა ხელისუფლების წინააღმდეგ, კომუნისტური პარტიის წინააღმდეგ.

ქართველი ხალხის საზიზღარი მოღალატეები: ნ. ჟორდანიას, ი. წერეთელი, ე. გეგეჭკორი, მ. წერეთელი, ა. ჩხენკელი, გრ. რომაქიძე და სხვ. ერთ დროს თავის თავს სთვლიდნენ ქართველი ინტელიგენციის რჩეულ ნაწილად, ქართველი ხალხის წარმომადგენლებად.

საქართველოს მშრომელთა მიერ გაძევებულნი, ისინი გაიქცნენ თავიანთ საზღვარგარეთელ პატრონებთან, აშკარად და ცინიკურად გახდნენ ფაშისტურ დაზვერვათა აგენტები და ლაქები.

მიჰყიდნენ რა ხოლმე თავს განურჩევლად ყველას, ოღონდ კი ფული უძლიათ, ერთსა და იმავე დროს მსახურობდნენ რა უცხოეთის რამდენსამე დაზვერვაში, ეს საზიზღარი გამცემლები ერთი წუთითაც არ სტოვებდნენ თავიანთ შავ ზრახვებს საბჭოთა საქართველოს წინააღმდეგ. ქართველი ხალხის წინააღმდეგ.

1924 წელს მათ შესძლეს ქართველი ინტელიგენციის ერთგვარი ნაწილისათვის, განადგურებული თავადაზნაურობისა, კულაკობისა და ოფიცრობის ნარჩენებთან ერთად, მონაწილეობა მიეღებინებინათ სისხლიან ავანტიურაში, რომელიც, როგორც ცნობილია, მის დამწყებთა სრული განადგურებით დასრულდა.

ქართველმა ხალხმა შეაჩვენა ისინი, როგორც ყველაზე მოსისხლე მტრები. მაგრამ ხალხის საზიზღარმა მტრებმა არ შესწყვიტეს თავიანთი ძირგამომთხრელი მუშაობა, ცდილობენ რა თავისი აგენტების საშუალებით თავიანთ მოღალატურ ბადეში მოაქციონ ზოგიერთი ქართველი ინტელიგენციიდან, რომლის ძირითადი მასაც უკვე დადგა საბჭოთა ხელისუფლების მხარეზე.

ფაშისტური ოხრანების აგენტები, მოლაღატეები და გამცემლები აღ-
მოჩნდნენ პროფესორები: გ. ელიავა, ჯანდიერი, ცქიტიშვილი, ა. წერე-
თელი, ლენიძე, ინჟინერი ჭიჭინაძე, რუსთაველის თეატრის ყოფილი
დირექტორი ს. ახმეტელი, მწერლები: მ. ჯავახიშვილი, ტ. ტაბიძე, სა-
ქართველოს საბჭოთა მწერლების კავშირის ლიტფონდის ყოფ. დირექ-
ტორი დავით წერეთელი, ცნობილი მენშევიკი გაიძვერები ნ. ქარცივაძე,
სეით დედარიანი, გ. მახარაძე და სხვ.

ისინი ეწეოდნენ ძირგამომთხრელ დივერსიულ-მავნებლურ მუშაობას
საბჭოთა საქართველოს სახალხო მეურნეობაში, ამზადებდნენ ტერორის-
ტულ აქტებს პარტიისა და მთავრობის ხელმძღვანელთა წინააღმდეგ.

ისინი, უკლებლივ ყველანი, ეწეოდნენ ჯაშუშობას, მკიდროდ იყვ-
ნენ დაკავშირებულნი უცხოეთის დაზვერვებთან, აგროვებდნენ და მათი
საშუალებით საზღვარგარეთ ჰგზავნიდნენ ჯაშუშური ხასიათის ცნობებს.

თავიანთ შავბნელ ძირგამომთხრელ მუშაობაში ისინი არ თაკილობდ-
ნენ არავითარ საშუალებას, არაფრის წინაშე არ ჩერდებოდნენ. ისინი ამ-
ზადებდნენ წყლის მოწამლვას ნატახტარის წყალსადენში, ამზადებდნენ
ბაქტერიოლოგიურ დივერსიას, რომელიც ნაწილობრივ განახორციელეს
სიღნაღის რაიონში, სადაც ბაქტერიების გამოყენების გზით შარშან მათ
მოახერხეს გამოწვევა მასობრივი დაავადებისა მუცლის ტიფით, რამაც
50 კაცზე მეტი იმსხვერპლა.

მერე რით დასრულდა მთელი ეს დანაშაულებრივი მუშაობა ხალხის
მოსისსლე მტრებისა, რომლებიც ადამიანთა საზოგადოების ნაძირალთა
ფსკერზე მოექცნენ?

საბჭოთა ხელისუფლების ორგანოებმა ყველა ისინი შეიპყრეს, გაა-
წადგურეს და მოსპეს. (ხანგრძლივი ტაში) მთელი ქართველი ხალხი ზიზ-
ლითა და კრულვით იხსენიებს მათ.

ასეთივე ბედი მოელის ყველას, ვინც გაბედავს მძლავრი საბჭოთა
ხალხის წინააღმდეგ, საბჭოთა ხელისუფლების წინააღმდეგ წასვლას
(ხანგრძლივი ტაში).

თქვენ უნდა იცოდეთ, რომ მტრები კიდევ დარჩნენ, რათა განაგრ-
ძონ ფარული ძირგამომთხრელი მუშაობა. ჩვენ უნდა გვახსოვდეს და
არასოდეს არ უნდა დავივიწყოთ დიდი სტალინის ბრძნული მითითებები,
რომ ვიდრე არსებობს კაპიტალისტური გარემოცვა, ჩვენში გამოგზავნიან
ჯაშუშებს. დივერსანტებს, მავნებლებს, ჩვენსკენ საზღვარგარეთიდან გა-
შოაწვდიან ბინძურ, სისხლიან ხელებს. ჩვენ კიდევ უფრო უნდა გავაძ-
ლიეროთ რევოლუციური სიფხიზლე. საბჭოთა ინტელიგენცია ჩვენი
ქვეყნის ყველა მშრომელთან ერთად უნდა იბრძოდეს პარტიისა და ხალ-
ხის ყველა მტრების წინააღმდეგ (ტაში).

ამხანაგებო! მე უკვე ვთქვი, რომ ხალხმა, პარტიამ და მთავრობამ
საბჭოთა ინტელიგენცია არნახულ სიმადლეზე აიყვანეს. ამის შესახებ ჩვენ
შეგვიძლია ვიმსჯელოთ საბჭოთა საქართველოს ინტელიგენციის მაგალი-
თის მიხედვით.

თქვენ კარგად იცით, რომ რევოლუციამდე საქართველოში არ იყო არც ერთი უმაღლესი სასწავლებელი და სამეცნიერო დაწესებულება.

ქართველი მენშევიკების — ხალხის ინტერესების ამ საზიზღარი გამცემლების — ბატონობის პერიოდმა არა თუ არ შეუწყო ხელი საქართველოს ეკონომიკისა და კულტურის განვითარებას, არამედ საბოლოოდ განადგურა ის მცირე მემკვიდრეობაც, რომელიც მეფის თვითმპყრობელობისაგან იყო მიღებული.

მხოლოდ საბჭოთა ხელისუფლების დამყარების დღიდან საქართველოში, მრეწველობისა და სოფლის მეურნეობის სწრაფ განვითარებასთან ერთად, იწყება ნაციონალური კულტურის აყვავება.

საქართველოში საბჭოთა ხელისუფლების არსებობის განმავლობაში ერთისამად გაიზარდა საშუალო და დაწყებითი სკოლების რაოდენობა, ხოლო მათში მოსწავლეთა რიცხვი გაიზარდა ერთიოთხად. მენშევიკების დროს ვაიხსნა და ძლივსძლიევობით ბოგინობდა თბილისის უნივერსიტეტი — საქართველოში ერთადერთი უმაღლესი სასწავლებელი, რომელიც უმთავრესად მოსწავლეთაგან შემოსული ფულით არსებობდა, რამაც განსაზღვრა სტუდენტთა თავადაზნაურულ-მემამულური, ბურჟუაზიული შემადგენლობა.

ამჟამად კი საქართველოში არის სახალხო მეურნეობისა და კულტურის სხვადასხვა დარგის 19 უმაღლესი სასწავლებელი, რომლებშიც სწავლობს 22 ათასზე მეტი სტუდენტი — მუშების, გლეხებისა და მშრომელი ინტელიგენციის შვილები.

ფართოდ გაიშალა აგრეთვე სამეცნიერო დაწესებულებათა ქსელი, მეცნიერების განვითარებაზე ჩვენში ყოველწლიურად ათეულ მილიონ მანეთობით იხარჯება.

თუ საბჭოთა ხელისუფლების დამყარებამდე მეცნიერ მუშაკთა რაოდენობა რამდენიმე ათეულს არ აღემატებოდა, ამჟამად საქართველოში გვყავს სამასზე მეტი პროფესორი, 700-მდე დოცენტი და ათასამდე სხვა მეცნიერი მუშაკი. (ტაში).

ფართოდ არის ცნობილი ჩვენი მეცნიერების პროფესორების ივანე ჯავახიშვილის, ნიკოლოზ მუსხელიშვილის, ივანე ბერიტაშვილის, ალექსანდრე ჯანელიძის, ალექსანდრე თვალჭრელიძის, აკაკი შანიძის, გიორგი ახვლედიანის, სიმონ ჯანაშიას, არნოლდ ჩიქობავას, კონსტანტინე ერისთავის, ალექსანდრე მაჭავარიანის, გიორგი მუხაძის, ალადაშვილის და სხვათა სახელები (მჭუხარე ტაში).

აყვავდა ქართული საბჭოთა ლიტერატურა, გაიზარდნენ საბჭოთა მწერლებისა და პოეტების კადრები. საქართველოს მშრომელებისათვის კარგად ცნობილია შ. დადიანის, ს. ჩიქოვანის, ა. მაშაშვილის, გ. ლეონიძის, ი. მოსაშვილის, ვ. გაფრინდაშვილის, დ. შენგელაიას, კ. ლორთქიფანიძის, ა. აბაშელის და სხვათა სახელები (ტაში).

ქართველ ხალხს შეუძლია იამაყოს თავისი თეატრებით და აქტიორ-რეჟისორთა კადრებით, რომლებიც საბჭოთა ხელისუფლების პერიოდში

გაიზარდნენ. არტისტების, რეჟისორებისა და კომპოზიტორების: ა. ხორავას, პ. ვასაძის, ლამბაშიძის, თ. ჭავჭავაძის, წუწუნავას, ამირანაშვილის, სიხაძის, გამრეკელის, ქუმსიაშვილის, ანდლულაძის, არაყიშვილის, ფოცხვერაშვილის, ტუსკიას, კილაძის და სხვ. სახელები დიდ პოპულარობით სარგებლობენ (ტაში).

გაიზარდნენ და ფართოდ ცნობილი გახდნენ ქართული კინემატოგრაფიის რეჟისორები და აქტიორები: მ. ჭიაურელი, ს. დოლიძე, ნ. შენგელაია, ნ. ვაჩნაძე, გელოვანი, უორჟოლიანი და სხვ. (ტაში).

გაიზარდნენ ქართველ მხატვართა და მოქანდაკეთა კადრები: ვეფხვაძე, უჩა ჯაფარიძე, მ. თოიძე, ელენე ახვლედიანი, თამარ აბაკელია, კროტკოვი, გამრეკელი, სიღამონ-ერისთავი, ი. ნიკოლაძე, თავაძე, კაკაბაძე, მერაბიშვილი და სხვ. მშრომელთათვის ცნობილი არიან თავიანთი მაღალხარისხოვანი მხატვრული ნაწარმოებებით (ტაში).

შეიძლებოდა კიდევ დაგვესახელებინა მრავალი ათეული და ასეული სხვა ახალგაზრდა მეცნიერები, ინჟინრები, გეოლოგები, ელექტრიკოსები, ჰიდროტექნიკოსები, არქიტექტორები, აგრონომები, ექიმები, მწერლები, არტისტები, მხატვრები, მოქანდაკეები, რომლებიც გაიზარდნენ საბჭოთა ხელისუფლების არსებობის პერიოდში და რომლებიც ეწევიან ხელმძღვანელ მუშაობას მეცნიერების, ტექნიკის, ლიტერატურისა და ხელოვნების სხვადასხვა დარგებში.

ძღევამოსილი სოციალისტური მშენებლობის პათოსი აღაფრთოვანებს ინტელიგენციის არა მარტო ახალგაზრდა კადრებს, არამედ მოხუცებსაც, რომლებიც საბჭოთა ხელისუფლების დროს გაახალგაზრდადნენ და ახალი შემოქმედებითი ძალები მოიციეს. (ტაში).

ნაციონალური კულტურის ასეთი აყვავება შესაძლებელი გახდა მხოლოდ საბჭოთა ხელისუფლების პირობებში, მხოლოდ ბრძნული ლენინურ-სტალინური ნაციონალური პოლიტიკის განუხრელად განხორციელების საფუძველზე.

ქართული კულტურის აყვავება სსრ კავშირის ყველა ხალხთა ნაციონალური კულტურების აყვავების ერთერთ მკაფიო მაგალითს წარმოადგენს.

დიდი რუსი ხალხი სწავლობს და სიყვარულით უფროთხილდება წინათ ჩაგრულ ხალხთა კულტურულ სიმდიდრეებსა და მიღწევებს, ყოველმხრივ დახმარებას უწევს ამ ხალხებს მათი ნაციონალური კულტურის განვითარებაში. (ტაში).

ქართული ოპერები ედგმება მოსკოვის, ლენინგრადის და სხვა ქალაქების თეატრებში, ქართულ ხალხურ სიმღერებსა და ცეკვებს სწავლობენ წითელი დედაქალაქის მშრომელები. ტრეტიაკოვის გალერიაში მოწყობილია ქართველ მხატვართა სურათების გამოფენა. მოსკოვში, ლენინგრადში და რუსეთის სხვა ქალაქებში დიდი აღფრთოვანებით ემზადებიან უდიდესი ქართველი პოეტის შოთა რუსთაველის გენიალური პოემის დაწერიდან 750 წლისთავის აღსანიშნავად. (მქუხარე ტაში).

ჩვენც ჩვენი მხრივ უფრო ღრმად უნდა შევისწავლოთ უმდიდრესი რუსული კულტურა და რუსული ენა (ტაში). ეს კიდევ უფრო გაამდიდრებს ჩვენს ნაციონალურ კულტურას, გააფართოვებს მეცნიერების, ტექნიკის, ლიტერატურისა და ხელოვნების მუშაკთა გონებრივ ჰორიზონტს.

ამხანაგებო! მხოლოდ სამხ დღე გვაშორებს იმ ისტორიულ თარიღს, როდესაც საბჭოების ქვეყნის მრავალმილიონიანი ხალხი აირჩევს საბჭოთა სახელმწიფოს უმაღლეს ორგანოს მსოფლიოში ყველაზე დემოკრატიული სტალინური კონსტიტუციის საფუძველზე (ტაში).

უდიდესი მიღწევებით, ურყევი შინაგანი მორალური და პოლიტიკური ერთიანობით ეგებება საბჭოთა ხალხი ამ ისტორიულ დღეს.

ჩვენს გამარჯვებებს უნდა ვუმაღლოდეთ ბოლშევიკურ პარტიას, ხალხთა საყვარელი ბელადის დიდი სტალინის ბრძნულ ხელმძღვანელობას (მქუხარე ოვაცია. დარბაზი დიდხანს უკრავს ტაშს. გაისმის შეძახილები ქართულ, რუსულ, სომხურ ენებზე: „გაუმარჯოს დიდ სტალინს, „ურა“, ვაშა—ამხანაგ სტალინს!“ „მაღლობა ამხანაგ სტალინს ბედნიერი სასიხარულო ცხოვრებისათვის!“

ორკესტრი უკრავს „ინტერნაციონალს“, ოვაცია ახლდება ახალი ძაღლით. ხელახლა გაისმის შეძახილები დიდი სტალინის პატივსაცემად).

პარტიისა და მთავრობის მიერ აღზრდილი, მთელი ხალხის სიყვარულითა და მზრუნველობით გარშემორტყმული საბჭოთა ინტელიგენცია სოციალისტური საზოგადოების თანასწორუფლებიანი წევრია. (ტაში). საბჭოთა ინტელიგენციის ცოტა წარმომადგენლები როდია წამოყენებული პარტიული და საზოგადოებრივი ორგანიზაციების მიერ სსრ კავშირის უმაღლესი საბჭოს დეპუტატობის კანდიდატებად.

საბჭოთა ინტელიგენცია ჩვენი სამშობლოს ყველა მშრომელებთან ერთად უდიდესი სიხარულით შეხვდა სრულიად-საკავშირო კომუნისტური პარტიის (ბოლშევიკების) ცენტრალური კომიტეტის მიმართვას ყველა ამომრჩევლისადმი — ისტორიულ დოკუმენტს, რომელშიც აღნიშნულია ჩვენს ქვეყანაში სოციალიზმის მსოფლიო-ისტორიული გამარჯვებანი და ასახულია მთელი საბჭოთა ხალხის გრძნობები და განწყობილება.

ჩვენი ამოცანა იმაში მდგომარეობს, რომ თვითეულ მშრომელამდე დავიყვანოთ უდიდესი ისტორიული აზრი საკ. კ. პ. (ბ) ც. კ-ის მიმართვისა ყველა ამომრჩევლებისადმი. ამ უმნიშვნელოვანესი ამოცანის შესრულებაში საბჭოთა ინტელიგენციას საპატიო როლი ეკუთვნის.

მთელი საბჭოთა ინტელიგენცია, როგორც ერთი კაცი, განუხრებლად განახორციელებს სრულიად-საკავშირო კომუნისტური პარტიის (ბოლშევიკების) სტალინური ცენტრალური კომიტეტის მოწოდებას და ერთსულოვნად მისცემს ხმას სსრ კავშირის უმაღლესი საბჭოს დეპუტატობის კანდიდატებს, რომლებიც წამოყენებული არიან პარტიის მიერ უპარტიოებთან ერთად. (ხანგრძლივი ტაში).

გაუმარჯოს ლენინ-სტალინის დიად პარტიას და მის ცენტრალურ კომიტეტს! (მქუხარე ტაში. შეძახილები: „ვაშა“, „ურა“).

გაუმარჯოს მძლავრ და უძლეველ საბჭოთა ხალხს! (მქუხარე ტაში.
შეძახილები: „ვაშა“, „გაუმარჯოს დიდ რუს ხალხს“).

გაუმარჯოს დიდ სტალინს!

(მქუხარე ოვაცია, რომელიც დიდხანს არ ცხრება. მთელი დარბაზი აღტაცებით მიესალმება ხალხთა ბელადს დიდ სტალინს. გაისმის შეძახილები ქართულ, რუსულ, სომხურ და აზერბეიჯანულ ენებზე: „გაუმარჯოს საბჭოთა ხალხის ბედნიერი ცხოვრების შემომქმედს ამხანაგ სტალინს!“ „ვაშა გამარჯვებული სოციალიზმის კონსტიტუციის შემომქმედს!“ „გაუმარჯოს ლენინ-სტალინის დიად პარტიას!“ „გაუმარჯოს საქართველოს კომუნისტურ პარტიას!“ „გაუმარჯოს ლენინ-სტალინის პარტიის ერთგულ შვილს ამხანაგ ბერიას!“).

ქართული კულტურის დიდი ზეიმი

1937 წელი ერთერთ უდიდეს თარიღად შედის საბჭოთა კულტურის მატრიანეში. იგი დაიწყო რუსული ლიტერატურის სწორუბოვარი გენიოსის პუშკინის გარდაცვალებიდან 100 წლის თავის აღნიშვნით, ახალ რუსული პოეზიის და სალიტერატურო ენის ამ ფუძემდებლის უდიდესი ლიტერატურული მემკვიდრეობის საყოველთაო სახალხო დაფასებით და დამთავრდა ქართველი ხალხის უბადლო კულტურული ძეგლის „ვეფხისტყაოსნის“ დაწერიდან 750 წლისთავის აღსანიშნავად მოწყობილ ასევე საყოველთაო სახალხო ზეიმით.

ამ ორმა თარიღმა ჩვენი დიდი სოციალისტური სამშობლოს ყველა ხალხი კიდევ უფრო დააახლოვა, დააკავშირა და დაამოძილა ერთი მეორეს.

— „მხოლოდ ურდვევი სტალინური მეგობრობის პირობებში, — სწერდა ოქტომბრის რევოლუციის 20 წლისთავზე ჩვენი რესპუბლიკის სახელოვანი ხელმძღვანელი ამხანაგი ლავრენტი ბერიძე. — გახდა შესაძლებელი სსრ კავშირის ხალხთა ის მჭიდრო კულტურული ურთიერთობა, როდესაც ცალკეულ ხალხთა კულტურის უდიდესი ძეგლები მთელი საბჭოთა ხალხის კუთვნილებად ხდებიან, როდესაც უკვდავი რუსთაველის 750 წლისთავის აღსანიშნავად თანაბარი სიყვარულით ემზადებიან საბჭოთა კავშირის სხვადასხვა რესპუბლიკებსა, მხარეებსა და ოლქებში“.

იუბილემ ცხადპყო ამ აზრის ჭეშმარიტება.

მხოლოდ ბოლშევიკების ძლევამოსილ პარტიას, მის ბრძნულ ლენინურ-სტალინურ ნაციონალურ პოლიტიკას, მის არაჩვეულებრივ ორგანიზატორულ უნარს შეეძლო, რომ რუსთაველის იუბილეს მისცემოდა ასეთი ღირსეული რეზონანსი, რომ მასში მონაწილეობა მიეღო ჩვენ თვალუწვდენელ სამშობლოს ყოველ კუთხეს, რომ მას გამოხმაურებოდა არა მარტო საბჭოთა კავშირის ინდუსტრიული ცენტრების, არამედ სასოფლო და საკოლმეურნეო რაიონების ყოველდღიური პრესა.

რუსთაველის იუბილე გადაიქცა ხალხთა დიადი სტალინური მეგობრობის დემონსტრაციად, ცალკეულ ხალხთა კულტურის უდიდესი ძეგლების მთელი საბჭოთა ხალხის კუთვნილებად აღიარების დემონსტრაციად, უსაზღვრო ერთგულების დემონსტრაციად კომუნისტური პარტიის და ხალხთა დიდი ბელადის ამხანაგ სტალინისადმი, რომლის ბრძნულმა

ხელმძღვანელობამ საბჭოთა ხალხები მიიყვანა სოციალიზმის სრულ გამარჯვებამდე, არ ნახულ სამეურნეო და კულტურულ აყვავებამდე.

ქართველი მშრომელი ხალხისათვის დაუვიწყარი დარჩება რუსთაველის საიუბილეო დღეები, საყოველთაო სინარულია და ბედნიერების დღეები, როცა მის დედაქალაქში შეიკრიბნენ მთელი ჩვენი კავშირის მოძმე ხალხების მწერლობის და მეცნიერების საუკეთესო წარმომადგენლები, რომ მონაწილეობა მიეღოთ ქართველი ხალხის დიდ კულტურულ ზეიმში, მისი უდიდესი ლიტერატურული ძეგლის „ვეფხისტყაოსნის“ ღირსეულ დაფასებაში.

სსრკ-ის საბჭოთა მწერლების კავშირის პლენუმის პირველმა საზეიმო სხდომამ და შემდეგი დღეების საქმიანმა მუშაობამ განსაკუთრებული სიმძლავრით გამოხატა ის დიდი სიხარული, რომელმაც მოიცვა მთელი ჩვენი დიდი სამშობლო ქართული კულტურის დღესასწაულის გამო.

საბჭოთა ხალხების და მეცნიერების მოწინავე წარმომადგენლებმა რუსთაველის იუბილე შეაფასეს, როგორც ლენინ-სტალინის ნაციონალური პოლიტიკის გამარჯვების ბრწყინვალე შედეგი. ამასვე ხაზგასმით აღნიშნავდნენ რუსთაველის ზეიმზე სტუმრად ჩამოსულნი, კულტურის დაცვის ანტიფაშისტური კონგრესების მონაწილე ევროპელი მწერლები. ირლანდიელმა მწერალმა სელდორ ლანქსნესმა პლენუმს ასეთი სიტყვებით მიმართა: ლენინ-სტალინური ნაციონალური პოლიტიკის გამარჯვებამ საშუალება მოგვცა თქვენ ვაგებხადათ რუსთაველის პოემა არა მარტო ქართული კულტურის ცოცხალ ფაქტორად, არამედ რუსთაველის იუბილე აგრეთვე გადაიქცა მთელი კავშირის კულტურის დღესასწაულად, რაც „ვეფხისტყაოსანს“ სსრ კავშირის ყველა ხალხის კუთვნილებად ხდის. ამავე გამარჯვებამ შესაძლებლობა მომცა მეც, შორეული ქვეყნის მწერალს, დავსწრებოდი თქვენს ზეიმს, რომელიც მსოფლიო კულტურის ნამდვილ ზეიმს წარმოადგენს. მე მწამს, რომ ლენინ-სტალინის იგივე ნაციონალური პოლიტიკა შესაძლებელს გახდის იმასაც. რომ ჩვენი ხალხის კულტურის დიდ თარიღებს ჩვენ საქართველოს ხალხთან, სსრ კავშირის ხალხთან ერთად ვიდღესასწაულებთო.

შხოლოდ ლენინ-სტალინის პარტიის უდიდესმა მზრუნველობამ ყველა ერის კულტურულ მემკვიდრეობისადმი უზრუნველყო ის სწორი და ღირსეული შეფასება „ვეფხისტყაოსნისა“, რომელიც გამოთქმულია აკადემიკოს ი. მეშჩანოვის შემდეგ სიტყვებში: „ვეფხისტყაოსანი“ გენიალურია არა მარტო თავისი ეპოქისათვის, არამედ იგი ეკუთვნის იმ თითო-ოროლა მსოფლიო ნაწარმოებთა რიცხვს, რომელნიც თავის უდიდეს მნიშვნელობას ინარჩუნებენ ყველა ხანაში და ყველა ხალხისათვის“.

რა აძლევს „ვეფხისტყაოსანს“ ასეთ ძალას, რომ სოციალიზმის ეპოქას შეაქვს იგი თავისი კულტურის საგანძურში?

სსრ კავშირის საბჭოთა მწერლების პლენუმის მთელი მუშაობა, საბჭოთა კავშირის ხალხთა ყველა ენაზე გამოქვეყნებული მრავალრიცხოვანი მწერლები და მოხსენებები იძლევიან ღრმად შინაარსიან პასუხს ამ კითხვაზე, პასუხს, რომელიც შეიძლება ერთი წინადადებით გამოითქვას:

რუსთაველმა თავის უკვდავ პოემაში უმღერა ადამიანის მაღალ ბუნებას, იმ მისწრაფებებსა და იდეალებს, რომლებმაც ნამდვილი ქვეყნარბიტი გასახიერება ჰპოვეს მხოლოდ სოციალიზმის ეპოქაში.

რუსთაველმა პირველად მთელი თავისი სიდიადით გამოხატა ანორქიზმის, რენესანსის ეპოქის იდეები, აზრის თავისუფლებისაკენ სწრაფვა და ჰუმანიზმი. რუსთაველმა ფეოდალიზმის წყვედიადით მოცულ საუკუნეებში პირველმა თავი დააღწია ნაციონალურ შეზღუდულობას და ამოღდა ინტერნაციონალიზმის შეგნებამდე, დაამსხვრია რა რელიგიურ-ქრისტიანული მსოფლმხედველობის და ტრადიციული საშუალო საუკუნეებრივი აზროვნების მუხრუჭები. რუსთაველი არის პირველი პოეტი—რომელიც თავის პოემაში მოიტაცეს მთელს იმდროინდელ მსოფლიოს ჩინეთ-ინდოეთიდან ატლანტიკამდე, აფრიკიდან საშუალო საუკუნეების თურანამდე. რუსთაველისთვის უცხოა ქრისტიანული ან მუსულმანური რელიგიური დოგმატიზმი. მთელს პოემაში არსად, არ ვხვდებით „ქრისტეს“ ხსენებას, ან რომელიმე რელიგიის ცერემონიას. რუსთაველს არ სწამს არც ქრისტიანული, არც მუსულმანური ღმერთი. რუსთაველს სწამს მხოლოდ ის, რაც იძლევა სინათლეს, ამ ქვეყნიურ სიხარულს. მას გაღმერთებული ყავს ბუნება, მისი ცხოველმყოფელი ძალა, როგორც სიცოცხლისა და მოძრაობის წყარო. მისი მსოფლშეგრძნობა პანტეისტურია და ენათესავება ალორძინების ეპოქის დიდ მოღვაწეთა მსოფლშეგრძნობას. რუსთაველისთვის სამყარო შეუწყვეტელი მოძრაობაა, დაუცხრომელი ბრძოლაა სიზნელესა და ბოროტებასთან, ბრძოლა, რომელსაც თან სდევს რწმენა სიკეთის გამარჯვებაში. რწმენა, გმირული საქმეების შთამგონებელი.

პოლიტიკური შეხედულებებითაც, რომლებსაც რუსთაველი პოემაში გამოხატავს და გამოსთქვამს, იგი თავისი ეპოქის მოწინავე შვილია.

მაგრამ ეს არ არის მაინც რუსთაველის პოემის ძირითადი თემა. მთავარი „ვეფხისტყაოსანში“ მეგობრობის, ინტერნაციონალური ძმობის, სიყვარულის, პატრიოტიზმის, ქალის ინტელექტუალური-მორალური თანასწორობის იდეის მხატვრული განსახიერებაა. მთელი პოემა არის ადამიანის ახალი იდეალებისათვის ბრძოლის სიმღერა, იგი საშუალო საუკუნეთა, პირველი რეალისტური ნაწარმოებია.

როგორც ერთ-ერთი მომხსენებელი ამხანაგი პ. პავლენკო ამბობს, რუსთაველს რაინდული ჰეროიკა ზღაპრული სიმბოლიზმის სფეროდან რეალურ საყოფაცხოვრებო გარემოში გადააქვს. იგი გვიხატავს ადამიანთა ცოცხალ ხასიათებს; ამიტომ წარმოადგენს საშუალო საუკუნეთა პირველ ფსიქოლოგიურ წიგნს.

მეგობრობა, გმირობა და თავდადება პოემაში დასახულია, როგორც ადამიანის მოქმედების უმაღლესი ნორმა. რუსთაველის კონცეპციით მეგობრობა არის საძირკველი, რომელზედაც შენდება საზოგადოება საერთო იდეების, საერთო მისწრაფებების საფუძველზე წარმოშობილი მეგობრობა, — ეს არის ძირითადი მოტივი მთელი პოემისა. ეს გრძნობა იმარჯვებს პოემაში ადამიანის ყველა ვნებაზე, თვით ისეთ უძლეველ ვნებაზე, როგორიც არის სიყვარული, რომელსაც რუსთაველი წარმოგვიდგენს

ზნეობრივი ამაღლების წყაროდ, საგმირო საქმეების შთამგონებელ ძალად.

რუსთაველი ჰქადაგებს ძმობასა და მეგობრობას არა მარტო ცალკე ადამიანთა შორის, არამედ ხალხთა შორისაც. რუსთაველმა, კაცობრიობის ამ ერთერთმა უდიდესმა ჰუმანისტმა, პირველმა დააყენა მთელი სიგრძე-სიგანით ხალხთა ძმობის საკითხი. მის პოემაში ვხედავთ ინდოტარიელსაც, არაბ ავთანდილსაც, თურქებსაც, ირანელებსაც, ხატაელებსაც, ხვარაზმელებსაც. მათ შორის არამც თუ არ არის ნაციონალური შუღლი, არამედ ისინი ძმებივით ერთად იბრძვიან და მოღვაწეობენ. არაბი ავთანდილი სტოვეს თავის საქმეებს, თავის სატროფოს, საფრთხეში აგდებას თავის სიცოცხლეს, რათა დახმარება გაუწიოს გაჭირვებაში ჩავარდნილ ინდოტარიელს. ასევე, ფრიდონი ივიწყებს თავის პირად ცხოვრებას ტარიელისათვის. ხალხთა ძმობის ეს იდეები განსაკუთრებით ძვირფასი და მახლობელია ჩვენთვის, მრავალ ეროვანი საბჭოთა ხალხებისათვის, რომელთაც მხურვალე ძმური სიყვარულით უყვართ კაცობრიობის ყველა დაჩაგრული ერები.

„ვეფხისტყაოსნის“ მთელი ეპოპეა, პირველი სტროფიდან უკანასკნელამდე წარმოადგენს ბრძოლისა და გმირობის აპოლოგიას. ბრძოლისა და გმირობის იდეები მასში მოცემული არიან არა განყენებულად, არა მარტო სენტენციებში, არამედ განსახიერებელი არიან პერსონაჟებში, მათ შორის მოქმედებაში. ბრძოლისა და გმირობის ამსახველი სენტენციები და ადამიანები ყველაზე მეტად ესიტყვებიან ჩვენი გრანდიოზული ბრძოლის ეპოქას, რომელიც მებრძოლ კლასში ანვითარებს იმ თვისებებს, რითაც მკითხველებს ხიბლავენ „ვეფხისტყაოსნის“ პერსონაჟები. უკვდავი აფორიზმი „სჯობს სიცოცხლესა ნაზრანსა სიკვდილი სახელოვანი“ დღესაც გაისმის გულის-სიღრმემდე ჩამწვდენ მოწოდებად, მასების დამრავლებელ ლოზუნგად, რომელიც ეხმაურება ესპანელი ხალხის გმირი წინამძღოლი ქალის დოლორეს იბარურის სიტყვებს: „უმჯობესია ფეხზე მდგომი მოკვდე, ვიდრე დაჩოქილი ვცოცხლობდე“. ეს სიტყვები არასოდეს არ მოკვდებიან ისე, როგორც არ მომკვდარან რუსთაველის გმირები. სწორად სთქვა რუსმა პოეტმა ალტაუნენმა პლენუმზე, რომ ავთანდილის და ტარიელის საუცხოვო თვისებანი შეისისხლხორცა არა მარტო ქართველმა ხალხმა, არამედ მთელი ჩვენი ქვეყნის ყველა სხვა ხალხებმაო.

ასევე, ქალთა ინტელექტუალური და მორალური სრულდირებულებების იდეა რუსთაველს გამოთქმული აქვს არა მარტო ცნობილ აფორიზმში „ლეკვი ლომისა სწორია, ძუ იყოს თუნდა ხვადია“, არამედ ყველა თავისი გმირი-ქალის მოქმედებით, ცხოვრებით, მთელი მათი თავგადასავალით. მთელს პოემაში ვერსად ვერ შეხვდებით სტრიქონს, სადაც ქალი მამაკაცზე დაბლა იყოს დაყენებული, მაღალი გონება, ჭკუა, გამჭრიახობა, სიმტკიცე ახასიათებს როგორც თინათინს, ისე ნესტანს, როგორც ასმათს ისე ფატმანს. ქალი პოემაში არის არა მარტო სატროფო, არამედ მრჩეველი და თავდადებული მეგობარი, ამიტომ მკითხველს სავსებით ბუნებრივად მიაჩნია, როცა რუსთაველს ამ დიდი ინტელექტუალური და

მორალური თვისებებით დაჯილდოვებული ქალები აპყავს სამეფო ტახტზე და აკისრებს მათ სახელმწიფო მართველობის რთულსა და მძიმე საქმეს... ვის შეუძლია ჩვენი ეპოქის ადამიანებზე მეტად დააფასოს რუსთაველის ეს დიდი იდეა, რომელმაც სრული განხორციელება ჰპოვა საბჭოთა სინამდვილეში და სტალინურ კონსტიტუციაში.

მსოფლიო ლიტერატურაში იშვიათად მოიძებნება ძეგლი, სადაც მწერლის იდეა პოულობდეს ისეთს შესატყვის სახეს, როგორც რუსთაველის პოემაში. სახისა და იდეის ეს შეხვედრა არის რუსთაველის პოეტური სრულყოფის საიდუმლოება. რუსთაველის იდეები ამავე დროს მისი იდეალებიცაა. იგი არა მარტო ქადაგებს, არამედ იბრძვის ამ იდეალებისათვის, მაგრამ საუკუნეების მზნძილზე ისინი განუხორციელებელი დარჩნენ, რადგან ფეოდალური და კაპიტალისტური წყობილების პირობები ძირშივე ანშობდნენ მათ. მხოლოდ ოქტომბრის რევოლუციის გამარჯვების შემდეგ დაიმსხვრენ ზღუდეები, რომლებიც წინ ელობებოდნენ გენიალური მხატვრისა და მოაზროვნის, დიდი ჰუმანისტის იდეალების განხორციელებას. საბჭოთა ჰუმანიზმში, საბჭოთა ხალხების ინტერნაციონალურ ძმობაში, სტალინურ კონსტიტუციაში სრულ გამარჯვებას ზეიმობს რუსთაველის იდეები — სიყვარულის, მეგობრობის, ერთგულობის, გამირობის, ქალთა თანასწორობის იდეები, ამიტომ მიიღო და დააფასა ჩვენმა ეპოქამ დიდი რუსთაველი.

მაგრამ რუსთაველი ძვირფასია ჩვენთვის არა მარტო როგორც დიდი ჰუმანისტი და დიდი მხატვარი, არამედ როგორც ქართული ლიტერატურული ენის უბადლო შემომქმედი. ხალხური ენის მთელი საიდუმლოების ღრმა ცოდნის საფუძველზე მან შექმნა და უმაღლეს მწვერვალზე აიყვანა ქართული ლიტერატურული ენა. თავის პოემაში მან გამოამყვანა ქართული ენის მთელი სილამაზე, მთელი მისი სიმდიდრე, მოქნილობა და დახვეწილობა, რუსთაველმა გვიჩვენა, რომ ქართულ ენაზე შეიძლება გამოითქვას უღრმესი აზრის, გრძნობის და განწყობილების უფაქიზესი ნიუანსები. სწორედ ამით აიხსნება, რომ „ვეფხისტყაოსანი“ უდიდეს გავლენას ახდენდა მთელი ქართული მწერლობის განვითარებაზე არა მარტო თავისი იდეებით და მხატვრულობით, არამედ ენის დაუშრეტელი სიმდიდრით. რუსთაველის ენის ეს სიმდიდრე და ხალხურობა რჩება ჩვენი საბჭოთა მწერლობის იდეალად ისე, როგორც მისი შემოქმედების ძირითადი იდეები სოციალობენ და სახიერდებიან დიადი საბჭოთა ხალხის ბრძოლისა და ცხოვრების პრაქტიკაში.

რუსთაველის მიმართ ჩვენ შეგვიძლია გავიმეოროთ ის სიტყვები, რომელიც რუსეთის დიდმა მოაზროვნემ ბ. ბელინსკიმ სთქვა უკვდავ პუშკინზე. რუსეთის გენიოსი პოეტივით რუსთაველი ეკუთვნის „იმ მარად ცოცხალ და მოძრავ მოვლენებს, რომლებიც არ იყინებოან იმ წერტილზე, სიკვდილმა რომ მოუსწრო მათ, არამედ განაგრძობენ განვითარებას საზოგადოების შემეცნებაში. ყოველი ეპოქა ამბობს თავის აზრს მათ შესახებ და რა სწორადაც არ უნდა გაიგოს ამა თუ იმ ეპოქამ ეს მოვლენები, იგი მაინც დაუტოვებს შემდგომ ეპოქას სათქმელად რაღაც

ახალს უფრო სწორსა და ჭეშმარიტს, მაგრამ ვერასოდეს ვერც ერთი ეპოქა ვერ ამოწურავს მათ“.

ყოველი საუკუნე, ყოველი დრო აფასებდა რუსთაველს. თვით შავ-ბნელი საუკუნეების დრომ, რელიგიური ფანატიზმის დრომ ვერ შესძლო „ვეფხისტყაოსნის“ მოსპობა, მისი მოწყვეტა ხალხის გულიდან, რომელმაც იგი მიიღო თავის საუნჯედ, გამირობისა და სულიერი სიმტკიცის შთამბრუნებელ ძალად. ხალხის მტრებს ეშინოდათ რა რუსთაველის იდეების ძლიერებისა, ცდა არ დაუკლიათ მის გასანადგურებლად. მას სწვავენ კოცონზე, ჰყრიდნენ წყალში, მაგრამ პოეტ აკადემიკოს პავლო ტიჩინას თქმისა არ იყოს, „ვეფხისტყაოსანი“ არც ცეცხლში იწოდა და არც წყალში იძირებოდა.

და დღეს, რუსთაველი მთელი თავისი ძლიერებით მოვდა ჩვენს დიდ ეპოქაში, დღეს იგი ფეხზე წამოდგა, დღეს იგი ჩვენს შორისაა და მისი სიტყვები სვდება დიადი საბჭოთა კავშირის რესპუბლიკების და ოლქების სხვადასხვა ტომის შვილთა გულს.

რუსთაველის დიდი იდეალები განახორციელა ჩვენმა ეპოქამ. რუსთაველის გამირობის მაღალი ინტელექტუალური, მორალური თვისებანი სრულყოფილი არიან ლენინ-სტალინის ეპოქის მოწინავე ადამიანებში. ეს თვისებები—სიმამაცე, გამირობა, ვაჟკაცობა, უღმობელობა მტრებთან ბრძოლაში, დაულაღავი მისწრაფება გადააქციოს ადამიანის ცხოვრება მთლიან ბედნიერებად შესისხლსორცებული აქვთ პირველ ყოვლისა სოციალიზმის მშენებელი ეპოქის მოწინავე შვილებს, რომლებიც შეუდრეკლად წინ მიისწრაფიან გამარჯვებიდან გამარჯვებამდე და გვაძლევენ უბადლო ნიმუშს, თუ როგორი უნდა იყოს მშრომელი კაცობრიობისათვის მებრძოლი ადამიანი, ადამიანი, რომელსაც ასეთი შომხიბლველი, წარმტაცი ხმით უმღერა „ვეფხისტყაოსნის“ შემქმნელმა დიდმა რუსთაველმა.

ელიზბარ შილავა

კიროვის ძეგლი უკავილებს ხეივანში

მის სიტყვის ლახვარს მტერბი იცნობდნენ,
რომ არ ჩვეოდა მიზნის აცდენა;
მოგვიკლეს, მაგრამ არის სიცოცხლე
სახელოვანი ვმირის დაცემაც.

ბაღში აღმართეს მებაღეებმა
ისევ კიროვი მარად მგზნებარი,
კიროვს შეჰხარის მწვანე ხეებად
ბაღი კიროვის ნაოცნებარი.

ის მარმარილო თითქოს გვიამბობს,
ბაღში მზემ შუქი როგორ ჩათოვა;
მან სიცოცხლეში ვარდები დარგო,
ვარდმაც სიკვდილში არ მოატოვა.

დგას ვაჟკაცურად, ვაცქერის ვარდებს,
ქვეყნის გულისთქმა თვალწინ გაშლია.
ისევ ფოლადის სიმტკიცე ადევს,
ისევ მეტყველებს, ისევ ხალხშია.

მებაღე ისევ კიროვს შეჰხარის,
რომ დასტრიალებს თავზე მზის ალი.
ბაღში დგას, როგორც რკინის კლდეკარი,
ჩვენს მიწის მკერდზე დანაფიცარი.

რუსთველი კრემლში

უ
ვი
წარ
ველ

დამქონდა ნატვრა გამოუთქმელი,
 გულში სათუთად ღამის მთეველი:
 თვალით მენახა შოთა რუსთველი,
 დრო-ჟამისაგან დაუძლეველი.
 მენახა იგი, მგზავრი გვიანი,
 ვინც ადიადა სიტყვა შგოსნური, —
 მენახა შოთა ფრთისკალმიანი,
 კვლავ სიმღერებით ჩვენთან მოსული...
 თითქოს ვიხილე შავი მერანით,
 მზის ჩანგიანი მკლავლონიერი...
 შორით ისმოდა ლექსთა ბგერანი
 და ელვარებდა მგოსნის იერი.
 სწრაფად მოშვილდა მერანი მკაცრი,
 შემოსცინოდა მხედარს მთა-ბარი,
 კრემლს მოაშურა, სადაც ლომკაცი
 ეგულებოდა მზის თანაბარი.
 აღარ ცურავდა კრემლების ტბაში,
 აღარც წარსულის აჩნდა ზიანი,
 შემოჰყვა ტაში,
 დაუხვდა ტაში,
 დაუხვდა ხალხი ნათელმზიანი...
 და თქვა მგოსანმა: მტრისი განათელი,
 ვინც ამარიდა ბნელი საფლაფი,
 ვინც გადამფინა ქვეყნად ნათელი
 და არ დამტოვა დაუდაფნავი,
 ვინც ხალხის ნამდვილ მხსნელად შობილა,
 ვისზეც მღერიან მთიდან ბარამდი,
 ვინაც ერები დააქმობილა

და სიხარული მოგვცა მარადი, —
მას ჩემი ოდა, ჩემი დიდება,
წიგნიც — დრო-ჟამის ნაჯირითევი...
კრემლში მღეროდა ხალხთა დინება
და შრიალებდნენ შოთას რითმები..
ბრწყინავდა ზეცის დასალიერი,
ბრწყინავდა შოთა ჰანგთა მფლობელი
და კვლავ ეღეროდა ჩანგი ძლიერი,
ყინულის მთათა გამალხვობელი:
ბნელში ვუმღერდი გმირებს ერთგულად,
მათი დიდების გამომსახველი,
ახლა რომ ხალხში გადანერგულა, —
იფერფლებოდა ჩემი სახელი...
დღეს კი მეღირსა... გავჭერ წყვდიადი,
მწარე წარსულის კარი დავხურე,
ვნახე ქვეყანა უხვი, დიადი,
ჩემი ნამდვილი მოჭირნახულე....

ომგადახდილი წიგნი

გადუქროლია მრავალ წელიწადს,
არ გაგცვეთია სიტყვის ბეჭთარი;
დაჰკრა საათმა, — და მეც მელირსა:
მენახე წიგნი დაუტერფავი.
მოგენდე ბავშვი,
ოცნებით სავსე,
ბწკარების წყებამ სიბრძნე მაწოვა, —
და ანიჟღერა ცხოვრების გზაზე
აყვავებული ყმაწვილკაცობა...
ომგადახდილი,
ნაგრიგალედი,
ჩემს მაგიდაზე სუნთქავ სიამით;
მოვალ, დავჯდები... და ღიმნარევი
გულს გადამიშლი ნელი შრიალით.
გულს გადამიშლი, —
და მე მგონია:
ულრუბლო ზღვაზე სივრცეს გავცქერო;
ცეკვენ ტალღები, ზღვის ჰარმონია
ძარღვებში მივლის, როგორც ჩანჩქერი...
რამდენი წიგნი
წაიღო ბნელმა
უქარტეხილოდ, ბრძოლის გარეშე, —
შენ კი — ასწლოვან ხანძრების ელვა
საკუთარ მკერდით მოითარეშე...

გამოიდარა,
მოსვედი ჩვენთან,
შუბლი გაშალე, შუქს იტყორცნები—
და გიმღეროიან მასებთან ერთად
ხმალშეუვალი ქვეყნის მგოსნები:
— დღეს შენი ხსოვნა
როგორ დაშრება...
ზარიფით გრვინავს ბგერა ქართული.
შენ ხარ გრძნობების მოერთბაშება
მზიან აზრებში გადახლართული..

შოთა რუსთაველი

ჩვენს ქვეყანაში რვაასი წლის წინ
ის ავრცელებდა მზიურ სინათლეს,
ხალხს დაუტოვა ნუგეშად წინსვლის
ლექსად ნათქვამი სიბრძნე-სიმართლე.

მას, როგორც ბნელში სინათლის
მახვილს,
ეტანებოდნენ გზადაგზა ხარბად,
რვა საუკუნე მღეროდა ხალხი
სიყვარულის და გმირობის ამბავს.

თვითონ ის, თურმე ის ჩირაღდანი,
მგოსნის ოცნებად რომ დასახულა,
იყო ბრძენი და სიტყვის სარდალი,
მეფის კარზედაც იყო მსახურად.
ნახა ბეთლემი, ნახა ბაღდადი,
ერუსალიმიც მოინახულა,
გამოიარა დიდი ზამთარი
და საბჭოეთში გაიზატხულა.

რუსთველი

როგორ შეგხარის ქვეყანა!
რა ხარ? რომელი მნათობი? —
მაგ შუბლზე მადლი ეყარა
ცხრა მზისგან გადმონათოვი!..

ცა შენი ეშხის ფერია,
მიწა შენ აზრთა მსახველი;
ხალხს დროშად გარდაჰტენია
ნაზარნიშები სახელი!..

როცა სამშობლო სტიროდა,
გვყავდი იმედის მეტყველი, —
ხარ სიყვარული, გმირობა
და სიბრძნე დაუშრეტელი.

საუკუნენი გადიან,
კვლავ ცოცხლობ ლექსის ძალითა,
ტარიელიც თავს გადვია
ვეფხის ტყავ-მოსასხამითა.

მოხვალ შორიდან, გვიცინი,
დაგვცქერი მალალ გორიდან,
გადმონაკვეთი მზის სხივი
შენი სტრიქონი მგონია.

შობილხარ საგანთიადოდ,
ცის მღიმარება გფარავდა, —
შენმა სიმღერამ, დიადო,
მსოფლიო მოინაფარდა!....

გმირი არ დაგვიგვიანე,
ახალი ბედის მქედელი;
დავლენეთ, დავანიავეთ
ქაჯეთის ციხის კედელი.

ხმალი კვლავ ელავს გამჭრელი,
თუ შეძახება გაისმა,
გავიწეეთ რკინის მარჯვენით,
ვართ ჯულაშვილის გვარისა!!..

ვართ ჯულაშვილის გვარისა
და შენი ჩამომავალნი;
ზვირთნი ვართ ნიაღვარისა,
დაულეველი, მრავალი.

გულმა ლაყვარდი მოისხა,
ლაყვარდი ჯერ არ ნახული,
დროშა ძმობის და ტრფობისა
შენშია გამოსახული.

ნანატრ მიზნებთან მივედით,
ვართ ჯაფაგადატანილი;
საკაცობრიო იმედი, —
ცამდე ამალლდა სტალინი.

რუსთაველს

შენი სიბრძნე ხალხში გახდა
უკვდავების წყაროს წვეთი,
შენ სიცოცხლე ისევ გახლავს,
როგორც ზეცას — ფერი მტრედის.

შენი თვალი ისევ ბრწყინავს,
სტრიქონს სხივად მოხვედრილი,
მიწის ყდაში აღარ გძინავს —
ხარ მზის მოსვლა ყოველ დღით.

შენი ფიქრი — ზღვის რწევაა —
შუქი ზვირთებს ჩახვეული,
თვალი — ხმლების მოქნევაა —
ვით ვარსკვლავი დარჩეული.

მნათობივით მოხველ ხალხში —
მწველი გრძნობა დაგერწია,
რომ სინათლე ცეცხლის ხმაში
მზის ფარამდე აგეწია.

ქეთა სასძლოს სახსოვარი

1.

იამანიძის გორაზე ზარი დარეკეს. ეს ზარი უწინ ეკლესიისა გახლდათ, სამრეკლოდან ჩამოღებისას ზარი საფლავის ქვას დაეცა და გაიბზარა; სოფლის მკედელმა უმკურნალა, მაგრამ სკოლაში ჩამოკიდებული ეკლესიის ზარის ხმა ისევე გამოიცვალა, როგორც თხუთმეტი წლის წინ საკუთარი ხელით გაკრეპილი მამა ივანე, რომელმაც დალაქობას მიჰყო ხელი. ჯერ დიაკვანი და მნათე გაპარსა, შემდეგ სხვებიც მიაყოლა, და აქამდე საკოლმეურნეო სადალაქოს გამგე და ერთადერთი თანამშრომელი ვანო დალაქი გახლდათ. მოკლედ, ზარმა დაიქლარუნა და ამცნო კოლმეურნეებს სკოლის ეზოში მოგროვილიყვნენ.

გლახუკამ სახარაზო იარალი ყუთში ჩააწყო, შეიტანა ცარიელ სასიმიინდში, სადაც იგი დროებით იყო დაბინავებული, კუთხეში მიკეცილ ლოგინიდან ბეთრი მეშის ნაჭერში გახვეული რაღაც მძიმე ნივთი გამოიღო, უბეში ჩაიდო, სასიმიდნეს კარები ბოქლომით გადაკეტა და იამანიძის გორისკენ გასწია.

იამანიძის გორაზე ორსართულიანი, ყავრით გადახურული ქვითკირის შენობა იდგა. გლახუკამ თავის ბავშვობა და ადრე სიჭაბუკე იმ სახლში გაატარა, და ესლა, ორღობეებში აუჩქარებლად მიმავალ მოხუცს უნებურად აგონდებოდა წარსული.

უწინ ის სახლი შეძლებული აზნაურის — ბარდლა იამანიძისა იყო. გლახუკას ბარდლა ფხიზელი არ ახსოვდა; დილით ნაღვინევი ადგებოდა ხოლმე აზნაური, პილბილიან ტყემალში მჭადის ყუას ჩაუწებდა, უგემურად გადაყლაპავდა, ცეროდენა ყანწით ქაჭის არაყს დააყოლებდა, ლურჯას შეაკაზმინებდა და დაბარებულებით გასწევდა მახლობელ რკინისგზის სადგურისაკენ. იქ, სადგურთან მიდგმულ დუქნებში, თავს იყრიდა მთელი იმ კუთხის აზნაურობა. ნარდს თამაშობდნენ, ლაზლანდარობდნენ და სვამდნენ. საღამოხანს არეული ნაბიჯით გამოვიდოდნენ ბაქანზე ბარდლა და მისრეს მიმართავდა:

— ბიჭო, წავიდა მატარებელი?!

— წავიდა, ბატონო...

— კი მარა, ზარი რომ არ ყოფილა!..

— იყო, ბატონო...

— იყო! აბა მე ყრუ ვყოფილვარ, შე მამასაღლის შვილო!..

და ისეთ ალიყურს აკმევედა, რომ მეისრე, თავის ფერადი სანათურე-ბითა და დროშებით, შემადლებულ ბაქანიდან მაზუთიან ლიანდაგებზე გაიშლებოდა: სადგურის უფროსი და ამფსონები დააწყნარებდნენ ბარდლას, ნახევრად ამოღებულ ხანჯალს ჩააგებინებდნენ, ლურჯაზე შესვამდნენ და სახლისაკენ გამოისტუმრებდნენ. ლურჯა, რაკი სადგურს ზურგს შეაქცევდა, მხედრის ქანჯალს ყურს აღარ უგდებდა და ჩალის მოლოდინში უზადო მოხარებით გამოსწევდა იამანიძის გორისკენ. შუალამისას ბოგირთან ორჯერ გავარდებოდა „სმიტვისსონი“ და იამანიძის სახლში ქრატებს აუწევდნენ და მთვლემარე გოგო-ბიჭებს მუჯლუგუნით გამო-აუტრზლებდნენ — ბატონი მოდისო!

გლახუკა წინ მიეგებებოდა, ჭიშკარს გაუღებდა, უზანგს დაუჭერდა, სადავეს ჩამოართმევდა, თუ ბატონი კარგ გუნებაზე იყო — მხარში შეუდგებოდა და აივანზე აიყვანდა, თუ არა და... დალახვროს ეშმაკმა ხარის ძარღვისგან დაწნული მათრახის მომგონი. გლახუკა იამანიძეებისას იყო გაზრდილი, რომელიღაც იამანიძეს უცუღლუტია მოსამსახურე გოგოსთან, გოგო მშობიარობას გადაჰყოლია და პატარა გლახუკა სამზარეულოში, თხის რძით გაუზრდიათ. სწორედ ამ დროს ბარდლას მეუღლეს ქალი შესძენია; ქალს ნესტანს ეძახდნენ; მაიკო ქალბატონმა პატარა გლახუკას და ნესტანს ერთად ასწავლა ანბანი, „მამაოჩვენო“ და ბოლოს — „ვეფხის-ტყაოსანი“.

აი, გლახუკა სამზარეულოსთან თონისთვის ფიჩხსა სჭრის.

— ბიჭო, გლახუკა!... — იძახის აივნიდან ნაცნობი ხმა. ბიჭს წალდი ჰაერში უჩერდება, ჯერ დააყურებს—ხომ არ შემომესმაო, შემდეგ წალდს გვერდზე გადაისვრის, ბატონის გამონაცვალ, კოჭებამდე ჩაფორიალუ-ბტლ ახალუხის ღილებს აჩქარებით იბნევს და გამოეხმაურება:

— რა გნებაეს, ქალბატონო...

— მოდი აქ ერთწამას, მომწყინდა...

— ამ წუთში ვიახლები...

გლახუკა ახალუხის კალთებს აიკეცავს, სირბილით მიიჭრება აივან-თან და სასოებით შესცქერის როგორ ჩამოდის თხუთმეტი წლის ნესტანი კიბეზე. ქალი ცალი ხელით თეთრი დარაიის გრძელი კაბის კალთას იწევს, ოქრომჭერდით მოქარგული შავი ხავერდის ქოშები მოუჩანს მხოლოდ; მეორე ხელით ილღიაში უჭირავს ალისფერ ატლასის ყდაში ჩასმული სქელი „ვეფხის-ტყაოსანი“. აუჩქარებლად ადგამს პატარა ქოშებს კიბის საფეხურებზე ახნაურის ასული. კაბა ისაღტება მაღალ, ნატიფ თეძოებზე და გლახუკა ამჩნევს როგორ ირხევა მარამაშა დარაიის ქვეშ ოდნავ აბორცვილი მკერდი. ტანთან შედარებით პატარა თავი აქვს ნესტანს, მავრამ ლამაზი; ღაწვები მწიფე ატმის კანს მიუგავს და პატარა ტუჩები — ორ ფურცელს ატმის ყვავილისას; — შავი ნაწნავების ჩარჩოში ჩასმულ სახეს შავი, გაღვივებულ თვალები ძაფის მორგვთან მოთამაშე კა-

ტის იერს აძლევს. კიბის ბოლო საფეხური მაღალია და გლახუკა ნესტანს ხელს შეაშველებს, ქალი წამით დაეყრდნობა ბიჭის მკლავს და მიწაზე გადმოხტება; ბიჭი კიდევ დიდხანს გრძნობს მკლავზე ნესტანის თითების შეხებას. გლახუკა მძიმე წიგნს გამოართმევს და ქალვაჟი მხარდამხარ გაემართება კაკლის ხისკენ.

კაკლის ძირში გრძელი, ხავსმოკიდებული ლოდი აგდია:

— უი, ფარდაგი, დაგვაფიწყდა... იტყვის ნესტანი.

— ფარდაგი რად გვინდა, აგერ დაბრძანდი...

გლახუკა ლოდზე ჩამოჯდება, ახალუხის კალთას ქამრიდან ამოიძრობს და ნესტანს გაუფენს. ქალი ქუთლებზე გადაფურცლავს ძველებურ, ხელნაწერ „ვეფხისტყაოსანს“ და გლახუკას გადასცემს:

— დაიწყე.

წერა-კითხვა ერთად ისწავლეს, მაგრამ ნესტანს კითხვის დროს ენა ებმის, ბორძიკობს, გლახუკას მოსმენით კი თვით მაიკო ქალბატონიც სტკებება ხოლმე. გლახუკა ღრმად ჩაისუნთქავს და იწყებს:

„შენ, საყვარელო, ნუ სკმუნავ კმუნვითა ამისთანითა:

ჩემი სთქვა: „სხვათა მიხედების, იგი ალვისა ტანითა“.

არამ სიცოცხლე უშენოდ, ვარ აქამდისცა ნანითა,

ან თავსა კლდეთა ჩავიქცევ, ანუ მოვიკლავ დანითა.“

ნესტანი მკლავით და ნიკაპით ეყრდნობა ბიჭის მხარს და ისე იცქირება წიგნში; ბიჭი კისერზე გრძნობს ქალის სუნთქვას, სახეზე ალმური ეკიდება და დაძაბული განაგრძნობს:

„შენმან მზემან, უშენოსა არვის მიხედეს მთვარე შენი,

შენმან მზემან, ვერვის მიხედეს, მოცავიდნენ სამნი მზენი,

აქა თავსა გარდავიქცევ, ახლოს მახლავნ დიდნი კლდენი;

სული ჩემი შეივედრე, ზეცით მომხედენ ნუთუ ფრთენი!“

მგონი უკვე შეასეგვრ სხედან ისინი ამ კაკლის ძირში და ნესტანის სიახლოვისაგან თუ შოთას გრძნეული სიტყვებისგან საბრალო გლახუკას:

გული 'მიდამო უარდა, ჰკრთებოდა და ელაღვოდა.

გატყუებით კითხულობდა ბიჭი; უნებურად ნესტანის ხელს მონახავდა და სათუთად მოუჭერდა მის თლილ თითებს თავის ხელს, თან მხარზე გრძნობდა ქალის მკვრივი მკერდის შეხებას. ვერაფერმა დააფიწყა გლახუკას ის დღეები. თუნდაც ეხლა, თვალს დახუჭავს და ისევ გრძნობს ნიგეზის ფოთლების სუნს; ნესტანის სუნთქვას კისერზე და ლოყაზე, მწყვრივი განაბულ მის თბილ ხელს თავის ხელში; ეხლაც ყურში ჩაესმის:

„ზამთარი ვარდსა გაახმობს, ფურცელნი ჩამოსცივიან,

ზაფხულის მზისა სიახლე, დასწვავს, გვალვასა ჩივიან...“

სიცხე სწვავს, ყინვა დააზრობს, წყლულნი ორჯერვე სტკივიან.“

ზოგჯერ ბიჭი კითხვას შეწყვეტდა, ნესტანს მიუბრუნდებოდა, ჩაშტერდებოდა გაღვივებულ თვალებში და ახლო, სულ ახლო მიიტანდა თავის სახეს ქალის სახესთან. ქალი წამით გაყუჩდებოდა, შემდეგ ბუსუსებით დაფარული პატარა ტუჩი აუთრთოლდებოდა, ხელს წაართმევდა ბიჭს და ფეხზე წამოიჭრებოდა.

— წაიკითხე, თორემ, წავალ..

იგი ეხლა ისევ აზნაურის ქალი იყო, წარბს ამაყად ასწევდა და ნესტოები ჯიუტად დაენაკვებოდა.

— კი ბატონო...

უბასუხებდა ციფწყალ გადასხმული შმაგი-მიჯნური და განაგრძობდა:

„შენი სიცოცხლე მეყოფის ჩემად იმედად გულისად,
გულისა ერთობ წყლულისა და ასრე დადაგულისად...“

მხოლოდ კითხვის დროს ავიწყდებოდათ მათ, რომ ერთი ბატონის ქალი იყო და მეორე — ხელზე მოსამსახურე ნაბიჭვარი. როგორც კი შეწყდებოდა შოთას გრძნეულ სიტყვათა დინება — ნესტანი თითქმის გამოფხინილდებოდა და ისევ „ლალი, უკადრი“ პატარა ქალბატონი იდგა გლახუკას წინ. ნესტანიც რომ ერქვა იმ ცოდვით სადესეს! ერთხელ გლახუკა შეევედრა — ტარიელი დამიძახეო. გლახუკა აბა რა მიჯნურის შესაფერი სახელიაო, ფიქრობდა ბიჭი. ნესტანმა ამ თხოვნაზე ისე ხმამაღლა გადიკისკისა, რომ ეზოს ბოლოდან დედა ბატი ყვილით გამოეხმაურა. გლახუკა დაჰპირდა — მგალობელ შაშვს მოგიყვანო, ცოცხალ ბაჭისაო, ციციკის კვერცხს მოგიტანო; ნესტანი დათანხმდა ქრთამზე, მაგრამ გულმავიწყობდა და ისევ გლახუკას ეძახდა თავის მიჯნურს. კითხვაში გართულ ბიჭს სამზარეულოდან ხშირად დაუძახებდნენ ხოლმე დასასაქმებლად მაგრამ ნესტანი წარბს შეიკრავდა და გასძახებდა:

— გვაცალეთ ერთწამას!..

ბიჭი მაღლიერის თვალით გადახედავდა „გულის ქალბატონს“ და ისევ დაუბრუნდებოდა გაყვითლებულ ტყავის ფურცელზე ხატაველთა ლაშქარივით წამოშლილ, შავი მელნით გამოყვანილ ასოებს, რომელთაც წინ სისხლით ჯუბაშეღებილ ტარიელივით ედგათ წითელი მელნით ჩახატული ასომთავრული.

შემოდგომის ერთ მზიან დღეს, როცა კაკლის ფოთლები ქარვის ფურცლებად ეფინა მიწაზე, ქალვაჟმა, უთუოდ მესაეჯერ, ჩაიკითხეს „წიგნი ნესტან-დარეჯნისა საყვარლისა წინაშე მინაწერი:

„რისხვით მობრუნდა ბორბალი ჩვენზედა ცისა შვილისა!“ დააბოლავა გლახუკამ, ნესტანს მიუბრუნდა, თვალებში ჩააცქერდა და ფრთხილად, ფრთხილად მოუჭირა ხელი მის სათუთ პატარა ხელს. მაგრამ ქალი არ გაჯავრდა, არც ხელი წაართვა ბიჭს, მხოლოდ სახე აარიდა, მისთვის უჩვეულო სევდიანი თვალებით მიამტერდა მიწაზე დაცვენით, გაყვითლებულ ფოთლებს და ჩუმი ხმით სთქვა:

— იცი, გლახუკა, მე მალე გამათხოვებენ..

გლახუკა ჯერ კარგად ვერ მიხვდა რას ნიშნავდა ნესტანის ნათქვამი; წანაკითხით გაბრუებულ თავში წამსვე გაუელვა:

„რა მოვიდეს, სიძე მოჰკალ მათთა სპათა აუწყებულად...“

მაგრამ შემდეგ დაფიქრდა.

— მართლა გათხოვებენ?!

— მართლა. საქმროსგან უკვე ნიშანიც მომივიდა...

ბიჭმა იგრძნო, როგორ გადავიდა სიცივე ხავსიან ლოდოდან მის ტანში და კუნთები შეუბოჭა. ნესტანს წაიყვანენ, აღარ დაჯდება ხოლმე მისი ახალუხის კალთაზე პატარა ქალბატონი, ველარ — შეხედავს გლახუკა გაღვივებულ შავ თვალებში; „გათავდება ესე ამბავი, ვითა სიზმარი ღამისა“. ბიჭის გული დაცარიელდება, გაშავდება და დაჭკნება, როგორც შემოდგომის ნიგვზის წენგო, კაკლის ძირში რომ ეყარა გამხმარ ფოთლებთან.

ნესტანი წყნარად წამოდგა, გლახუკას მუხლებიდან აღისფერი ატლასის ყდიანი მძიმე წიგნი აიღო და ხელში შეატრიალა.

— ეს „ვეფხის-ტყაოსანი“ ჩემი სამზითვოა, — სთქვა ქალმა, — როცა წამიყვანენ — მე შენ ამ წიგნს სახსოვრად დაგიტოვებ.

შემდეგ მიბრუნდა, ხავდახრილი აუჩქარებლად წავიდა სახლისკენ, წავიდა და გლახუკა სამუდამოდ მარტო დასტოვა.

მას შემდეგ ისინი ერთად აღარ ყოფილან. მალე იამანძის ოჯახში საქორწინო ფუსფუსი შეიქნა. გლახუკა რეტდასხმულივით დაბორილობდა, მარანში გაგზავნეს ღვინის ამოსაღებად და ორშიმო ჭურში ჩააგდო, გოჭი მისცეს გასაპუტად და ხელები მდულარეში დაიფუფქა, შეშის დასაჩეხად გააგდეს და ნაჯახი ფეხზე დაიკრა. „ნეტა რა გუნებაზეა ახლა ჩემი ნესტანი?... ფიქრობდა გატანჯული ბიჭი, „ვებრალები? ვუყვარვარ?... თუ არ ვუყვარდი — რატომ მექცეოდა ასე?... ბიჭი ამოიოხრებდა და მოიგონებდა გაზეპირებულს:

„მიკვირს, კაცი რად იფერებს საყვარლისა სიყვარულსა?

ვინცა უყვარს, რად აყივნებს, მისთვის მკვდარსა, მისთვის წყლულსა?

თუ არ უყვარს, რად არა სძულს, რად აყივნებს, რაცა სძულსა?!...“

იქნებ უყვარს მაგრამ რა!... ვინ მისცემს ნაბიჭვარს, სხვის კარზე გაზრდილ ოხერს შეძლებულ აზნაურის ქალს. ზოგჯერ სისხლი აუვარდებოდა თავში და აბუტბუტდებოდა:

„კარვის კალთა ჩახლართული, ჩავჭერ, ჩავაკარაბაკე,

ყრმასა ფერხთა მოვეკიდე, თავი სვეტსა შევუტაკე...“

ჰო და ამ დროს იყო ნაჯახი ფეხზე რომ დაიკრა! ბოლოს, როცა სასიძოს მოსვლის დღემ მოაღწია, გლახუკამ ველარ გაძლო, თვითონვე შეეშინდა თავისთავის, იამანძის სახლიდან გაიქცა და ორი დღე მშიერი დაეხეტებოდა მახლობელ რკინისგზის სადგურზე.

გიორგობის თვის დამდეგი იყო და პირველი თოვლიც მოვიდა.

„ახალმან ფიფქმა დათოვლა, ვარდი დართვილა, დანასა,

მოუნდის გულსა დაცემა, ზოგჯერ მიმართის დანასა...“

სიცივისაგან აბუზული გლახუკა მიყრდნობოდა სადგურის ბოძს და, მწარედ ჩაფიქრებული, გასცქეროდა თოვლცვენას. ეფინებოდნენ პატარა, თეთრი ფიფქები ჭუჭყიან ბაქანსა და რკინის ლიანდაგებს, ეფინებოდნენ და მაზუთის ლაქებზე ფერს იცვლიდნენ; ასევე უცვალა ფერი მის პირველ სპეტაკ გრძნობას ცხოვრებამ. მართლაც და რა მისი შესაფერი იყო აზნაურის ქალი, მას ვიღაც შეძლებულ კაცზე, კარგ გვარის შვილზე გაათხოვებდნენ და ბედნიერიც იქნებოდა. ეჰ, ქაჯეთს ნებით გათხოვილო ნესტანი!... ყველა ღარიბისთვის მდიდრის ქალი ქაჯთა სასძლოა.

როცა „ველად გაქრილი მიჯნური“, დამშეული და გათოშილი დაბრუნდა იამანიძისას, ნესტანი უკვე იქ აღარ დაუხვდა. წასვლისას ქალს მოსამსახურე გოგო-ბიჭები დაესაჩუქრებია და მოხუცი ძიძისთვის დაუბარებია — ჩემი „ვეფხის-ტყაოსანი“ გლახუკას მიეციო.

საწყალ ბიჭს კიდევ უფრო აემღვრა გული. ჩუმად დაჰკოცნა ძვირფასი წიგნის ფურცლები, რომელთაც ოდესღაც ნესტანის თითები შეხებია, ქორწილის მონარჩენ ხაჭაპურის ნატეხთან ერთად ახალუხის უბეში ჩაიდო, არვის გამომშვიდობებია, ისე გამოიპარა და იმავ საღამოს მატარებლით გასწია ჭიათურისაკენ, მაღაროში სამუშაოდ.

მას შემდეგ ბევრჯერ მოვიდა პირველი თოვლი. გლახუკამ ბევრი იხეტიალა, თითქმის მთელი რუსეთი მოიარა, მაგრამ ვერ იქნა, ვერსად მოიკიდა ფეხი.

ხშირად უფიქრია დაბრუნებულიყო თავის სოფელში, მაგრამ ისევ მოჯამაგირედ დადგომას გული არ აძლევდა, საკუთარ მეურნეობას კი ლატაკი და მარტონელი როგორ შექმნიდა. მხოლოდ რევოლუციის შემდეგ, როცა კოლექტივიზაცია დაიწყო, გლახუკამ გადასწყვიტა ჩასულიყო სოფელში და ახლადდაარსებულ კოლმეურნეობას მიკედლებოდა. იამანიძის სახლში სკოლა გაეხსნათ. ბარდლას და მის მეუღლეს, რასაკვირველია, დიდი ხანია თქვენი ჭირი წაეღოთ, ნესტანი კი არც ახსოვდა ვისმეს. კაკლის ხე, რომელიც სამუდამოდ ჩარჩა ხსოვნაში გლახუკას, მასავით მოხუცებულიყო, ტანი დასქელებოდა — სამი ვაჟკაცი მკლავს ვერ შემოაწვდენდა. ნახევრამდე მიწაში ჩაფლული გრძელი ლოდი ფართო ფოთლებიან სუროს დაეფარა.

2.

— ეხლა ამხანაგებო, გადავიდეთ მიმდინარე საკითხებზე. — გამოაცხადა თავმჯდომარემ. გლახუკას გული აუჩქარდა და კაკლის ძირში, სკოლიდან გამოტანილ სკამებზე ჩამომსხდარ კოლმეურნეებს გადახედა.

— განცხადება გვაქვს განსახილველი, მდივანო გააცანი კრებას...

ჭილოვის ქუდიანი თავმჯდომარე დაჯდა და ახალგაზრდა მასწავლებელი ქალი წამოდგა. ქალმა შუბლზე ჩამოცვენილი, შეკრეპილი თმები უკან გადივარცხნა, პატარა მაგიდიდან ქალაღის ფურცელი აიღო და ზმამალა წაიკითხა:

გ ა ნ ც ხ ა დ ე ბ ა

ამავე სოფ. მცხოვრებ გლახუკა მწყერაშვილისაგან.

მე საწუთრომ დამაშორა ჩემს სოფელს და ჩემთა სწორთა. ყოვლი პირი ქვეყანისა მოველე, სრულად მოვიარე, ასრე რომე ცისა ქვეშე არ დამირჩა არ ვიარე. ახლა დავუბრუნდი ჩემს სოფელს, ვარ ხელობითა ხარაზი, ღარიბი, ყოვლად უსახსრო, ცარიელ სასიმიინდემი ვბინადრობ. აწ გე... გე...“

ქალმა წაიბორძიკა და თავმჯდომარეს გადახედა.

„აწ გეაჯებით მიმილოთ თქვენს კოლმეურნეობაში,“

— იმე!... — წამოიძახა ვილაცამ.

„ძმა ძმისთვის შავი ღლისთვისო — ნათქვამია,“ განაგრძობდა კითხვას მდივანი, „დამეხმარეთ და მეც შეგეწევით ჩემის მცირედის სამსახურით. გამცხადებელი გ ლ ა ხ უ კ ა მ მ ც ხ რ ა შ ვ ი ლ ი.“

— რას იტყვით ამხანაგებო, — მიმართა კრებას ქილოფის ქუდიანმა თავმჯდომარემ, გაჰგეობს აზრით ამხანაგ გლახუკა უნდა მივილოთ მაგრამ საჭიროა საერთო კრებამ დაადესტუროს...

— რა უნდა ვთქვათ, ძამია... ბერიკაცია და როგორც შუშახელი მაინცდამაინც...

გლახუკამ სკამზე წამოიწია და შეხედა მოლაპარაკეს. ეს ვანო დალაქი გახლდათ.

„ჰმ... უყურე ამ ვაკრეკილ მოძღვარს!“... გაიფიქრა გლახუკამ, უნდა და მკვახედ ეპასუხნა რამე ნამღვდლარისათვის, მაგრამ თავი შეიკავა — „ზოგჯერ თქმა სჯობს არა თქმასა, ზოგჯერ თქმითაც დაშავდებისო“.

— ქონება თუ აქვს, ქონება... — დაიძახა ვილაცამ უკანა რიგიდან.

— განცხადებაში არაფერია ნათქვამი და... თავმჯდომარემ გლახუკასკენ მოიხედა, — თითონ თუ გვეტყვის რამეს..

მოხუცი ფეხზე წამოდგა. ლელავდა. მაგრამ ცდილობდა თავი დაეშლია.

— მე რა ქონება გამაჩნია — აღელვებული ხმით სთქვა მოხუცმა, — ჩემი დამტვრეული კალაპოტი, სადგისი და ჩაქუჩი ვის რად უნდა. ერთადერთი ძვირფასი ნივთი ესა მაქვს, — მოხუცმა ილღიისკენ წაიღო ხელი, — თუ გამოგადგებათ — შემოვიტან კოლექტივში. შოთას უთქვამს — „რასაცა გასცემ შენია, რაც არა დაკარგულიაო...“

მოხუცმა თეთრი მეშის ნაჭერში გახვეული რაღაც ნივთი ამოიღო და თავმჯდომარეს გადასცა. მთელი კრება წამოიშალა და ყველა გაფაციცებით შეჰყურებდა რა აღმოჩნდებოდა მეშის ნაჭერში.

თავმჯდომარემ ფრთხილად გაშალა შეხვეული და გაცეხულმა გახუნებულ ალისფერ ატლასის ყდაში ჩასმული სქელი წიგნი გადაფურცლა.

— „ვეფხის-ტყაოსანი“...—წამოიძახა მასწავლებელმა ქალმა და სახე გაუბრწყინდა, — ძველებური „ვეფხის-ტყაოსანი“... ხალხი აჟრიაშულდა.

ოქმში ასე ჩასწერეს: „მიღებულ იქნას კოლმეურნეობის წევრად აშხ. გლახუკა მწყერაშვილი. მის მიერ კოლექტივის კულტფონდში შემოტანილი ხელნაწერი ძველებური „ვეფხის-ტყაოსანი“ გადაეცეს სამკითხველოს.

და ქაჯთა სასძლოს სახსოვარი მინის კარებიან კარადაში ცოლკე თაროზე მოათავსეს.

პ რ ი მ ი ა ქ

გერონტი ქიქოძე

ზოგადი რუსთაველი

რუსთაველის შემოქმედება ამთავრებს გრძელ პერიოდს ქართული ლიტერატურის განვითარებაში, ეს პერიოდი რამდენიმე საუკუნე გაგრძელდა და ის მეტად მდიდარია მნიშვნელოვანი და ორიგინალური ნაწარმოებებით. მაგრამ უშუალოდ რუსთაველის შემდეგ იწყება ერთი ყველაზე უბნელესი ეპოქა საქართველოს ისტორიაში: მონღოლების, ხვარაზმელების, თემურლენგის ზედიზედ შემოსევა ჩვენი ქვეყნის ეკონომიური და კულტურული ძალების განიავებას იწვევს; საქართველო პოლიტიკურად ნაწილდება; ხალხის შეგნებაზე დიდი ხნით იზრდილება სახელმწიფოებრივი მთლიანობის იდეა.

ქართული ფეოდალური ლიტერატურა თავის აყვავების ხანაში, სახელდობრ XI — XII საუკუნეებში, ხშირად დეტალებშიც გასაოცრად წააგავს თავის თანამედროვე ევროპულ ლიტერატურას, მაგრამ ის გამოიხატავს უფრო პროგრესიული, უფრო თავისუფლად მოაზროვნე, კლასიკური საბერძნეთის და რომის მსოფლიოსთან უფრო მჭიდროდ დაკავშირებული საზოგადოების იდეოლოგიას. დავით აღმაშენებლის, თამარ მეფისა და ლაშა გიორგის ქრონიკები, შავთელის ოდები, ჩახრუხაძის ელეგია, რუსთაველის „ვეფხისტყაოსანი“, შემდეგ ახტალის, ბეთანიის, ყინწვისის, უბისის საფრესკო მხატვრობა რენესანსის სულითაა გამსჭვალული: XI — XII საუკუნეების მოწინავე ქართველი საზოგადოება, შეიძლება, უფრო ახლო იდგეს კოზიმო მედიჩის და ლორენცო ბრწყინვალის დროის განათლებულ ფლორენციელებთან, ვიდრე თავის თანამედროვეებთან, ტლანქ დასავლეთ ევროპულ ჯვაროსნებთან.

დახვთ როგორ უკან გადასროლილი და ჩამორჩენილი სჩანს იგივე ქართველი საზოგადოება XVII საუკუნის დასაწყისში, როცა საშინელი ეროვნული კატასტროფის შემდეგ, რომელიც ლამობდა საბოლოოდ წაელეკა ყველა კულტურული ღირებულებანი, ხალხი თითქო სხელახლა იღვიძებს და ინტუიციით ახალ გზებს ეძებს ალორძინებისათვის. მაგრამ რადგან ქალაქები დანგრეულია, მსოფლიო სავაჭრო გზები გადაჭრილია,

და საქართველო წინააზიის მოწინავე სახელმწიფოდან, რომელიც გავლენას ახდენდა საერთაშორისო პოლიტიკაზე, გადაქცეულია ვიწროდ შემოზღუდულ პროვინციად, ამიტომ მისი ლიტერატურა და მხატვრული კულტურაც უკვე მოკლებულია ადრინდელ ბრწყინვალეობასა და გაქანებას. „მეცნიერებათა და ხელოვნებათა“ თავისებური აღორძინების მატარებლად საქართველოში XVII — XVIII საუკუნეში გამოდის არა ჰუმანისტურად განათლებული ბურჟუაზიული ინტელიგენცია, როგორც, მაგალითად, ორი საუკუნის წინად იტალიასა, გერმანიასა და საფრანგეთში, არამედ ფეოდალური წოდების მოწინავე რაზმი, რომელიც თანდათანობით იცვლის კულტურულს ორიენტაციას და ირანიდან პირს იბრუნებს რუსეთსა და დასავლეთ ევროპისაკენ.

უძველესი ლიტერატურული ძეგლები, რომელთაც დამოუკიდებელი მხატვრული მნიშვნელობა აქვთ, დაკავშირებული არიან ქრისტიანობის შემოსვლასა და პროპაგანდასთან საქართველოში: ესაა ე. წ. ჰაგიოგრაფიული ლიტერატურა, რომლის ყველაზე არქაული ნიმუშები მეზუთე-მეექვსე საუკუნეებით თარიღდება. ამ ლიტერატურის ერთ ყველაზე მნიშვნელოვან ძეგლში, რომელიც აკადემიკოსმა ნიკო მარმა აღმოაჩინა და გამოსცა, „გრიგოლ ხანძთელის ცხოვრებაში“, ცალკე ნოველების სახით ჩართულია საუცხოვო რომანტიული ეპიზოდები, რომლებიც მაღალი ფეოდალური საზოგადოების თავისუფალ სიყვარულს ხატავენ; თვით ნაწარმოების ავტორბ კლერიკალურ-ასკეტური მორალის თვალსაზრისით მკაცრად ჰგმობს ან „სულის გამხრწნელ“ გულისთქმის დამონებას. ხელმწიფეებს „სიძვის დედაკაცები“ მოჰყავთ სასახლეებში და ციხეებში; „ემშაკის მანქანებით“, „ტრფიალების ეშმაკის“ ჩაგონებით ისინი ეყრებიან კანონიერ მეუღლეებს, ისინი მრუშობენ სეფექალებთან ან მხეველებთან და სხ.

ამ ლიტერატურას ხშირად ახასიათებს გამძაფრებული ეროვნული შეგნება, რომელიც ხანდახან თითქმის მესიანიზმში გადადის: ჰაბუკ მოლვაწეს, რომელიც შემდეგ სახელოვანი მთარგმნელი გახდა, ღვთისმშობელი გამოცხადების დროს ქართულად ესაუბრება, ქართული ენა ცხადდება არჩეულ ენად. რომელზედაც ღმერთი მთელ კაცობრიობას გაასამართლებს მეორედ მოსვლის დროს და სხ.

ეს ჰაგიოგრაფები შოთა რუსთაველის წინამორბედები არიან, არა იდერლოგიით და მორალური შეხედულებებით, რასაკვირველია, არამედ იმ ინტერესით, რომელსაც ისინი სინამდვილისადმი იჩენენ, ადამიანის სულის ცოდნით, ადამიანური გულისთქმითა რეალისტური ასახვით. საშუალო საუკუნეების ქართველ რელიგიურ მოღვაწეთა მსგავსად რუსთაველის მთავარი გმირიც უდაბნოში გარბის, მაგრამ მას სწვავს არა სარწმუნოების, არამედ სიყვარულის ცეცხლი. მის შეგნებაში ღვთისმშობლის კულტის ადგილი უკვე საყვარელი ქალის კულტს აქვს დაჭერილი.

მაგრამ თუ რუსთაველი ძველი ქართული ლიტერატურის ზოგიერთი ჯანსაღი ტრადიციის დაქცეული და გამაგრძელებელია, ისიც არ უნდა დაუვიწყოთ, რომ მან ამ ლიტერატურის სრული რეფორმა მოახდინა.

„ვეფხის ტყაოსანთან“ შედარებით ძველი ქართული ლიტერატურის სა-
უკეთესო ძეგლები დღეს მაინც არქაულად და ცალმხრივად გვეჩვენება.
რუსთველმა, უწინარეს ყოვლისა, სალიტერატურო ენა განაახლა, ამით
თავის პოემას გასაოცარი გამძლეობა მიანიჭა საუკუნეთა მანძილზე. თუ
ეს ასე არ ყოფილიყო, „ვეფხის-ტყაოსანი“ ვერ გადაიქცეოდა ერთერთ
უდიდეს საორგანიზაციო სულიერ ფაქტორად, რომელმაც ხელი შეუწყო-
ენის დაცვას უმძიმესი გაჭირვების დღეებში. მან გამოიყენა ხალხური
ლექსის ზომა, ე. წ. თექვსმეტ მარცლოვანი შაირი, რომელიც თითქმის
სრულიად უცნობი იყო ძველი მეხოტბეებისა და ჰიმნოგრაფებისათვის.
ბოლოს, მან წარმტაცი სიუჟეტი მოგვცა ახალი ფილოსოფიური და ეთი-
კური სოფლმხედველობის საფუძველზე.

გადმოცემა ამბობს, განათლება მან ბიზანტიაში მიიღო. ეს ადგილი
შესაძლებელია. ის ამჟღავნებს ძველი ბერძენი ფილოსოფოსების ცოდნას,
თუმცა მხოლოდ პლატონს ასახელებს; უცილობლად კარგაც იცნობს ნეო-
პლატონიკოსებსაც. საქართველოს ისტორიიდან ცნობილია, რომ მეფეე-
ბი XII საუკუნეში ნიჭიერ ახალგაზრდებს კონსტანტინეპოლში გზავნიდ-
ნენ სასწავლად. იმ უმაღლესი სასწავლებლის მსგავსად, რომელიც ბი-
ზანტიაში კონსტანტინე მონომაქმა დააარსა, ანუ უკეთ ესტქვათ განაახ-
ლა, საქართველოშიც, გელათსა, იყალთოში დაარსებულ იქნა აკადემიები;
სადაც საღვთისმეტყველო საგნებს გარდა ჰუმანიტარულ მეცნიერება-
თაც სწავლობდნენ. თუ შოთას არ შეეძლო ბიზანტიელი ნეოპლატონი-
კოსების ლექციები მოესმინა, ყოველ შემთხვევაში, ის ალბათ, იცნობდა
მანგანის აკადემიის ქართველი მოწაფეების, არსენ იყალთოელის, იოანე
პეტრიწონელის და სხვ. შრომებს.

რუსთაველის გმირებიდან ნეოპლატონიკურ ფილოსოფიურ სპეკუ-
ლაციას ყველაზე უკეთ თითქო ნესტან-დარეჯანი უნდა იცნობდეს. რო-
გორც ეტყობა, მის აღმზრდელს, ქაჯეთში დაქვრივებულ დეარს მისთვის
ელინური წარმართული სიბრძნის ყველა საიდუმლოება გაუცნია. ქა-
ჯეთის ციხიდან თავის რაინდს ის სწერს წერილს, ქალურად მგრძობია-
რეს და სტოიკურს ერთსა და იმავე დროს; საერთოდ ავთანდილის ცნო-
ბილ ანდერძთან ერთად ესაა ნამდვილი ფილოსოფიური ეპისტოლე. მი-
წიერი და ზეციერი სიყვარულის ტემაზე, რომლის ავტორობა სათაკილო
არ იქნებოდა არც ერთი იტალიელი ჰუმანისტისთვის რენესანსის ეპოქიდან.
ნეოპლატონიკოსების თანახმად ნესტან დარეჯანი ადამიანის სულს მზის
ნაწილად სთვლის, ზოლო ადამიანის გარდაცვალებას იმ ოთხი ელემენტი-
საგან განთავისუფლებად, რომელთაც ბერძნული ნატურფილოსოფია
იცნობდა: ესენია მიწა, წყალი, ჰაერი და ცეცხლი. მზეზე ეუფლებიან
საბოლოოდ ერთმანეთს შეყვარებული არსებანი, რომელნიც განთავი-
სუფლდნენ ამქვეყნიური ცხოვრების ტვირთისა და ტანჯვისაგან; ისინი
იქ დღისით და ღამით სხივოსანი დისკოს ელვათა კრთომას უცქერიან
შევრად ნაკლებ ფილოსოფიურ ინტერესს იჩენს თვით ვეფხის ტყუვი-
ნი რაინდი, მაგრამ ეტყობა მისთვისაც უცნობი არაა პლატონის და პროკ-
ლე დიადოხის იდეები. დამშლიან ჩემი ელემენტები („კავშირნი“), შეჰ-

რთვიან სულთა კატეგორიას („სირასა“), ეუბნება ის ავთანდილს, როცა ეს უკანასკნელი მას უდაბნოში იპოვის დახოცილ ლომსა და ვეფხს შორის: — სიკვდილის მოახლოვება ლხენის მოახლოვებაა, აქ გაყრილი მიჯნურნი იქ გავიხარებთ ერთმანეთის ნახვით.

მაგრამ დიდი უკუღმართობა იქნებოდა რუსთაველი მწიგნობარ ნეოპლატონიკოსად მიგვეჩინა, მხოლოდ იმიტომ რომ მისი გმირები ნეოპლატონიკურ ფილოსოფიურ ტერმინოლოგიას ხმარობენ. უკუღმართობა იქნებოდა აგრეთვე რუსთაველის პოემაში დაგვეჩინა მხოლოდ მხატვრული გაფორმება სამშობლოს სინამდვილის ფაქტებისა და საბერძნეთ-რომის მსოფლიოდან მომავალი იდეებისა. „ვეფხის-ტყაოსანი“ სინტეზს წარმოადგენს, კლასიკური კულტურის, საშუალო საუკუნეების ქრისტიანული დასავლეთის და მუსლიმანური აღმოსავლეთის ელემენტების სინტეზს, რომელსაც პარალელი არ აქვს საერთაშორისო ლიტერატურაში. ეს მეტად ორიგინალური მხატვრული სინტეზი შესაძლებელი იყო მხოლოდ საქართველოში, ორი კულტურული მსოფლიოს მიჯნაზე; ის შესაძლებელი იყო მხოლოდ XII საუკუნეში, საქართველოს ისტორიის ე. წ. „ოქროს საუკუნეში“, როცა ბაგრატიონების ფეოდალურმა მონარქიამ უმაღლესი ძლიერებასა და ბრწყინვალეობას მიაღწია, როცა ის მრავალერაიანი სახელმწიფო გახდა, როცა მან თითქმის მთელი ტერიტორია დაიჭირა კავკასიონის ქედსა და არზრუმს შორის; იმ დროს ტრაპიზონის იმპერია, სომხეთი და შირვანი მათთან მეგობრული ან ვასალურ ურთიერთობაში აღმოჩნდნენ. ვიწრო ნაციონალური და რელიგიური ზღუდეები გადალახულია, უმაღლეს არისტოკრატიაში ქართველების გვერდით სომეხ გრიგორიანები და მუსლიმანები იწყებენ აქტიურ როლის შესრულებას; ხშირად ხდება ქორწინება ქრისტიან პრინცესებსა და მაჰმადიან მფლობელებს შორის და პირუკულმა. არაბების საბოლოო დამარცხებისა და თბილისის საამიროს მოსპობის შემდეგ დავით აღმაშენებელს სრულიადაც არ გამოუჩინია სარწმუნოებრივი შეუწყნარებლობა. პირიქით, როგორც ქართველი და არაბი ისტორიკოსები ამტკიცებენ, მან საგანგებო შენობა ააგო მაჰმადიანი სუფიებისა და პოეტებისათვის, მათთვის სუფსიდიების გაცემა დაიწყო სახელმწიფოს ხაზინიდან და არ ითაკილა პირადად დასწრებოდა მათს დღესასწაულობრივ სხდომებს, შესულიყო მათ მეჩითში. თუ ქართველი ახალგაზრდობა თეოლოგიასა და ჰუმანიტარულ მეცნიერებათ ბერძნების სკოლებში სწავლობდა, მედიცინის და ასტრონომიის გაცნობა მეტის წარმატებით არაბების დახმარებით შეძლო; ეს ნათლად ჩიანს რუსთაველის პოემიდანაც, სადაც თითქმის ყველა მედიკური და ასტრონომიული ტერმინი არაბული წარმოშობისაა.

მაგრამ ქართველი ერის განთავისუფლებას რელიგიური და ნაციონალური კარჩაკეტილობისაგან და საერო პოეზიის აყვავებას განსაკუთრებულად ხელი შეუწყო ირანული ლიტერატურის საუკეთესო ნიმუშების გაცნობამ გადმოთარგმნისა და გადმოკეთების შემწეობით; თვით ირანული ლიტერატურა სწორედ ამ ეპოქაში აღწევს თავის განვითარების

უმადლეს წერტილს. „ტრისტანისა და იზოლდის“ აღმოსავლეთური ვა-
რიანტის—„ვისრამიანის“ ქართული პროზაიკული თარგმანი ალბათ „ვეფხის
ტყაოსანის“ დაწერამდე შესრულდა. მაგრამ, როგორც „ვეფხის ტყაოსნის“
ტექსტის ანალიზიდან სჩანს, რუსთველს სცოდნია გურგანელი პოეტის
რომანის ორიგინალი. ის ასახელებს „ვისრამიანის“ მთავარ გმირებს, ის
იქიდან თვით მხატვრულ სახეებსაც სესხულობს: ვისის (აგრეთვე იზოლ-
დის) მსგავსად თინათინსაც საყვარელ რაინდთან შეხვედრის დროს ტიტ-
ველ ტანზე ყარყუმის წამოსასხამი ასხია, რამინის მსგავსად ავთანდილი
თავის სიმღერით ქვებზეც კი ახდენს გავლენას. მაგრამ ფახრედინ გურგა-
ნელისათვის, რასაკვირველია, სრულიად უცხოა შოთა რუსთაველის ზნე-
ობრივი იდეალიზმი; კერძოდ მისი მძაფრი სენსუალიზმი დაშორებულია
ქალ-ვაჟის სიყვარულის ამბობებულ გაგებას, რომელსაც რუსთაველი
ძღვევა თავის პოემაში. მეორე მხრივ „ვეფხის ტყაოსანის“ გმირების სიყ-
ვარული არ არის წმინდა ინტელექტუალური სიყვარული, „სიყვარული
შორეული პრინციისადმი“, რომელსაც ხშირად უგალობდნენ მისი თანა-
მედროვეები, პროვანსალელი ტრუბადურები: ბოლოს და ბოლოს, მრავალ
დაბრკოლებათა დაძლევის შემდეგ, რუსთველის ქალ-ვაჟნი მაინც
ამ ქვეყანაში ერთდებიან. და ეს მომენტი ქართველ პოეტს ანსხვავებს
მეორე ირანელი პოეტისა, მისი სახელგანთქმული თანამედროვისა, ნი-
ზამი განჯელისაგან.

თავისი ცხოვრების უდიდესი ნაწილი ნიზამიმ საქართველოს მეზობელ
მუსლიმანურ სამეფოებში გაატარა, ის ხან შირვანში ცხოვრობდა, ხან
ადარბადაგანში. ადვილი შესაძლებელია, რომ შოთა რუსთაველი პირადად
იცნობდა მას: ის შეიძლებოდა მას შეხვედროდა პოეტურ ტურნირში, რომელიც
უცხოელ სტუმართა მონაწილეობით თამარ მეფის კარზე გაიმართა
შამქორის ომის წინ. ყოველ შემთხვევაში, უცილობელია, რომ რუსთაველი
კარგად იცნობს ნიზამის ერთერთ მთავარ ნაწარმოებს, მის რომანტიულ
პოემას „ლეილ-მეჯნუნთან“: ცნობილ რომანტიულ გმირებს შორის,
რომელთა ტანჯვა ვერ შეედრება ტარიელის ტანჯვას, რუსთაველი ახსენებს
კაინს, ის იგივე ყაისი ანუ მეჯნუნია. ქართველ და ირანელ პოეტს
ზოგიერთი მეორეხარისხოვანი მომენტი საერთო აქვთ: „ვეფხის-ტყაო-
სანშიც“ და „ლეილ-მეჯნუნთანშიც“ შეყვარებულ ქალვაჟს დაბრკოლება
ხვდება. დედამამის მხრივ, აქაც და იქაც შეყვარებული ჭაბუკი უდაბნოში
გარბის, მხეცებს შორის ცხოვრობს და სხ. მაგრამ ნიზამის გმირები სრუ-
ლიად მოკლებულნი არიან იმ ძლიერს ზნეობრივს სტოიციზმს, რომლითაც
რუსთაველმა აღჭურვა თავისი ვაჟები და თავისი ქალები, ეს უკანასკნე-
ლი კიდევ უფრო მეტად, ვიდრე პირველნი. თინათინის, დარეჯანის და
ასმათის პარალელების აღმოჩენა ძნელია თვით იმდროინდელ ევროპულ
ლიტერატურაში: ისინი არაჩვეულებრივი აქტივობისა და თაოსნობის სულს
ამჟღავნებენ; ცხოვრების სახიფათო წუთებში ისინი იჩენენ ხასიათის
ძალასა და სიდიადეს, ნებისყოფის გამძლეობას და ჭკუის სიფხიზლეს
და ხშირად სწორ გზას უჩვენებენ გულისთქმით გონებადაბნეულ რაინდს.
არც „შაჰნამეში“, არც ნიზამის რომანებში, არც, მით უმეტეს, შემდეგი

დროის ირანულ ლიტერატურაში არ მოიპოვება ასეთი დიდბუნებოვანი ქალის ტიპები; ეს ადვილი გასაგები გახდება, თუ გავიხსენებთ, რომ ისლამის გავრცელებისა და საჰარამხანო რეჟიმის შემოღების გამო ქალმა ირან-არაბეთის მსოფლიოში თანდათან დაჰკარგა ის დამოუკიდებელი მდგომარეობა, რომელიც მას ეჭირა წარმართობის დროს.

ერთი დამახასიათებელი ეპიზოდი „ლეილ-მეჯუნუნიანიდან“ მკვეთრად ანათებს იმ უფსკრულს, რომელიც ნიზამის და რუსთაველის მორალურ იდეებს ჰყოფს ერთმანეთისაგან. ტარიელის მსგავსად მეჯუნუნმაც შეიძინა მეგობარი, ნოფალი, რომელიც მზადაა თავის ძმადნაფიცის უფლებანი დაიცვას და მარტოდმარტო შეებრძოლება მის მტრებს. ამ უთანასწორო ბრძოლას მეჯუნუნი ნეტარი შეუშფოთველობით უცქერის გორაკიდან: „ნოფალი მოწინააღმდეგეთ ჭრილობებს აჭდობდა და მუსრავედა, მეჯუნუნი კი ლოცულობდა, ოხრავდა და იტანჯებოდა; ნოფალი ლეილას გულისათვის მახვილს ანაწვრდებდა, მეჯუნუნი კი სულით და გულით მისი მტრების მხარეზე იყო“. ეს თავისებური სუფისტური პასივიზმა სრულიად უცნაო რუსთაველის გმირებისათვის, როგორც მათთვის უცნაო ბედნიერების შეზღუდვა სულთა შეერთებით საიქიოში, რომლის მისტიკური ხილვით თავდება ნიზამის პოემაჟ შეიძლება ითქვას, რომ ამ ორი დიდი თანამედროვე პოეტის შემოქმედებაში ორი სრულიად განსხვავებული სამყარო უპირდაპირდება ერთმანეთს: აქ რეალიზმი. იქ მისტიციზმი, აქ აქტივიზმი და ოპტიმიზმი, იქ პასივიზმი და ბოროტების მიღება როგორც გარდაუვალი აუცილებლობისა.



როცა იმ ლიტერატურულ გავლენების შესახებ ვლაპარაკობთ, რომელიც შეიძლება შოთა რუსთაველს განეცადა, მხედველობაში უნდა ვიქონიოთ ერთი საყურადღებო გარემოება: მართალია, პოეტის ბიოგრაფია არ შენახულა, მაგრამ თუ მისი პოემის მიხედვით განვსჯბთ, ის არ უნდა ყოფილიყო არც წმინდა მწიგნობრული შთაგონებით დაჯილდოებული და ვიწრო სენაკში მომწყვდეული სქოლასტი, არც უსახლკარო მენესტრელი, რომელიც ერთი მფარველის კარიდან მეორე მფარველის კარზე გადადის. უფრო საფიქრებელია, რომ ის იყო განათლებული და რდიმანდი, დარბაისელი კარისკაცი და მამაცი მხედარი ერთსა და იმავე დროს. ჯარგად გამობრძმედილი სასახლის პოლიტიკასა და ხმელეთის და ზღვის ომში. ის კარგად იცნობს სამეფო დარბაზის ეთიკეტს. თავის პოემაში ის ხშირად სიყვარულით უბრუნდება ბრძოლის აღწერას. ამ შემთხვევაში მისი სტილი განსაკუთრებით ფერადოვანი და დინამიკური ხდება: მკითხველს თითქო ესმის საჭურვლის ჩხარუნი და ცხენების თქარათქური. მაგრამ ის კარგად იცნობს ფეოდალურ საზოგადოების ყველა პრივილეგიურ წრის ცხოვრებასაც. მართალია, ის ათვალისწინებით ექცევა ვაჭრებს, როგორც ჯაბანთ და ომისათვის გამოუსადეგთ; მაგრამ შეუძლებელია მას ბურჟუაზიის ცოდნა წავართვათ: ზღვის სამეფო-

გულანშარო საკმაოდ რეალისტური ფერადებითაა დახატული; მკითხველი ოცნებით ადვილად შეიძლება რომელიმე იმდროინდელ ზღვის სანაპირო რესპუბლიკაში, მაგალითად, ვენეციასა ან გენუაში გადავიდეს; ამ უკანასკნელმა სწორედ რუსთაველის ეპოქაში სავაჭრო ფაქტორები დააარსა და გაცხოველებული აღებმცემობა გააჩაღა შავი ზღვის სანაპირო ქვეყნებში, კერძოდ საქართველოში. ვაჭართა უხუცესის ცოლის ფატმანის სახე ერთერთი უმართლესი და უმეტყველესია პოემაში; ის რეალისტი მხატვრის მახვილი თვალითაა დანახული. ადამიანის სულის ცოდნაზე, მრავალფერად პეიზაჟზე, რომელიც ხან ერთფეროვან უდაბნოებს მოგვაგონებს, ხან ჩრდილოვან ოაზისებს, ხან ალპიური ყვავილებით აჭრელებულ ზეგნებს, ხან მზეზე მომღიმარ სამხრეთის ზღვებს, მას ეტყობა, რომ ბევრი უმოგზაურია. როგორც მისი უფროსი თანამედროვის ჩახრუხადის ელეგიიდან და „ქართლის ცხოვრებიდან“ სჩანს, მოგზაურობა ერთი უძლიერესი გატაცება ყოფილა რუსთაველის დროს.

როგორც ბევრის მნახველ და ბევრის განაცად ბრძენს შეეფერება, ის სრულიადაც თავისი მთავარი გმირების იდეალიზაციას არ ახდენს. ადამიანის სული წარმოადგენს არა უფერულ სქემას, არამედ რთულ და მოულოდნელ წინააღმდეგობათა ნატიფ ქსოვილს. ვულგარული და ავხორციანი ფატმანის გულში ადგილი რჩება უანგარობისა და თავგანწირულებისათვის, კეთილშობილი და განათლებული ნესტანდ კი, ვითომდა პატრიოტული მოტივების კარნახით, სრულიად გაუმართლებელ სიმკაცრეს იჩენს უდანაშაულო ხეარაზმელი უფლისწულის მიმართ. ტარიელი ხან თითქო ბედის წინაშე ქედმოხრილი და პასიურია, ხან ფიცხელი, გრძობამორეული და ვნებით ანთებული. არ შეიძლება ითქვას, რომ მეტოქის მოკვლა, რომელსაც მშვიდობიანად ეძინა თავის კარავში, სასიქაღულო იყოს მისი ადამიანური ღირსებისათვის. ყოველ შემთხვევაში, ეს საქციელი სრულიად ეწინააღმდეგება რაინდულ მორალს, რომელიც მოსწრებულად გამოსთქვა საშუალო საუკუნეების არაბმა პოეტმა: „ჩემი ტაიჭის ჭიხვინი შორს გაისმის უდაბნოში, მე შეჩვეული არა ვარ მტერთან ფარულად მიპარვას“. რაინდული კოდექსის თვალსაზრისით ყოველთვის უძრახველი არ არის არც წინდახედული ავთანდილის ყოფაქცევა: ისიც ფატმანის ჩაგონებით ფარულად ჰკლავს მის ყოფილ საყვარელს და სჭრის ძვირფასი ბეჭდით შემკულ თითს. საერთოდ, ეს ადამიანები, პოეტის მიერ ასე სწორად და მიუდგომლად დახატულნი, თითქო უფრო ანდრონიკე კომნენის დროის ბიზანტიელებს ჰგვანან, ვიდრე ფრანკ რაინდებს ან სალადინის თანამებრძოლებს; ეს მტკიცე ნებისყოფის ქალვაჟნი არავითარი დაბრკოლების წინაშე არ იხევენ და არავითარ საშუალებას არ ზოგავენ, რათა თავიანთ მიზნებს მიადწიონ.

მაგრამ მეორეს მხრით იგივე ადამიანები არა თუ უდიდეს თავგანწირულებას იჩენენ მეგობრობაში, არამედ მტერბსაც კი გასაოცარი ჰუმანიურობით ეპყრობიან. გაიხსენეთ ტარიელის მოპყრობა მუხანათ ხატაელებისადმი, გაიხსენეთ ფარსადან მეფის მოპყრობა დაჭრილ და დატყვევებულ რამაზისადმი; ბოლოს, გაიხსენეთ ავთანდილის ანდერძი, ერთერ-

თი საუკუთესო ადგილი ჰოემაში, სადაც მგოსანი უმაღლეს პათეტიკას აღწევს.

ამ გარეგნული წინააღმდეგობის გასაგებად მხედველობაში უნდა ვიქონიოთ, რომ რუსთაველის გმირები ორი მსოფლიოს მიჯნაზე მდგომარე საზოგადოების წარმომადგენლები არიან: ისინი ერთი მხრით მიმავალ საშუალო საუკუნეებს ეკუთვნიან, ხოლო მეორეს მხრით აღმოცენების პროცესში მყოფ ახალ საზოგადოებას ჰუმანიზმის და მსოფლიო მოქალაქეობის იდეებით. თამარ მეფის და ლაშა გიორგის დროს მოწინავე ფეოდალური რაინდული საზოგადოება ჩვენ გვეხატება როგორც გაფაქიზებული და ტლანქი ერთსა და იმავე დროს, თავისუფალი ყოველი რელიგიური ფანატიზმისაგან, მაგრამ მრავალი ცრურწმენით გამსჭვალული. ნაწილობრივ სეპტიკად გხვწყობილი, ხოლო ნაწილობრივ, შეიძლება, დეისტურად ან პახთეისტურადაც. ამ საზოგადოების მორალი ირყევა სტოიციზმსა და ჰედონიზმს შორის, მისი ინტერესი მიმართულია არა მარტო უმაღლესი ინტელექტუალური სიამოვნებისადმი, პოეზიისა, მხატვრობისა, რელიგიური და ფილოსოფიური პაექრობისადმი, არამედ აგრეთვე სამხედრო ავანტურებისა, ნადირობისა, ასპარეზობისა, ქეიფისა, შორეული და სახიფათო მოგზაურობისადმი ადამიანმა გარეგნული დარდიმანდობა შეიძინა, მაგრამ ჯერ კიდევ აულაგმავი, პირველყოფილი ინსტიქტების გავლენის ქვეშ იმყოფება. ნადიმის დროს, გაშლილ სუფრაზე მან შეიძლება თავი გამოიჩინოს გონებამახვილი ეპიგრაფით, ციტატები მოიტანოს მოცაქულებიდან ან პლატონიდან, მაგრამ; ლამის წყვილიაღში ადვილად ამოქმედებს მახვილს, რის მსხვერპლიც თვით ლაშა გიორგი გახდა: როგორც ცნობილია, მას თვალი დაუზიანეს რაინდებთან ქეიფის დროს.

რელიგიით შეუბოჭველი აზროვნების მხრით ამ საზოგადოებამ ბევრად წინ გაუსწრო მის თანამედროვე დასავლეთ ევროპულ და ბიზანტიურ საზოგადოებას და, შეიძლება ითქვას, რომ რუსთაველი ყველაზე თავისუფლად მოაზროვნე პოეტია საშუალო საუკუნეებში. თუმცა ტარიელი და ავთანდილი გარეგნულად თითქო მუსლიმანები არიან, მაგრამ ისინი ისევე დაშორებული არიან ყოველგვარ ვიწრო და გონებაშეზღუდულ ორტოდოქსიას, როგორც მათი მოწინავე და განათლებული თანამედროვეები, მაგ. ბიზანტიელი და ქართველი ნეოპლატონიკოსები ან კიდევ ირანელი სუფისტები და პანთეისტები. ტარიელი დიდი ათვალისწინებით ლაპარაკობს ყურანსა და მის კომენტატორებზე; ტარიელთან გაპარვის წინ ავთანდილი მიზგითში ლოცულობს; მაგრამ ის მიმართავს არა ალლაჰს, არამედ კოსმიურ ძალას, რომელმაც მიჯნურობა წარმოშვა და მის კანონებს აწესრიგებს. გზაში ის ჰიმნს მიუძღვნის მზეს, „ვის ხატად ღვთისად გიტყვიან ფილასოფოსნი წინანი“; მას შეიძლება, მარის თქმისა არ იყოს. მხედველობაში ჰქონდეს უძველესი კულტურიდან მომავალი სოლარული მონოტიზმი, გაღრმავებული ნეოპლატონიკოსების მიერ, რომელთაც ხილული მზე არამატერიალური, გონებრივი მზის სიმბოლოდ გამოაცხადეს. ამავე ჰიმნში მთვარე მიჯნურობის სენის მომცე-

მად არის განაცხადებული. მეორე ასტრალურ ჰიმნში, რომელსაც იგივე ავთანდილი ხუთ პლანეტს უგალობს მულღაზანზარის გზაზე, თავისებურადაა შეერთებული უძველესი ქალღმერთი წარმოდგენანი, პტოლომეოსის და ნეოპლატონიკოსების იდეები და ქართული ეროვნული წარმართობის შოგონებანი.

რაც შეეხება მთავარ ზნეობრივ ძალას, რომელიც „ვეფხისტყაოსანის“ მიერ ასახულ საზოგადოებას აკავშირებს, მას, როგორც ცნობილია, მეგობრობა წარმოადგენს; ეს მეგობრობა ვაგებულება სტიოკური ფილოსოფიის მიხედვით, ე. ი. როგორც სულიერი ნათესაობა, დამოუკიდებელი ნაციონალური და რელიგიური ზღუდეებისაგან. თვით ავთანდილი, როგორც ეს ნ. მარმა აღნიშნა, თავის მეგობრულ გრძნობას ტარიელისადმი უფრო მაღლა აყენებს, ვიდრე თავის სიყვარულს თინათინისადმი; იგი პირველს იაგუნდს ადარებს, ხოლო მეორეს მინანქარს. მაგრამ უანგარო მეგობრობის იდეა თავის უმაღლეს გამოხატულებას შეიძლება ასმათში პოულობდეს, რომელმაც ტარიელის გულისათვის დიდი ხნით დასტოვა ადამიანთა საზოგადოება და უდაბნოში გადაიხვეწა.

შოთა რუსთაველის პოლიტიკური იდეებიც, მისი რელიგიური, ფილოსოფიური და მორალური იდეების, გვერდით, მოწინავედ გვევლინება მისი დროისათვის, როცა ცენტრალურ ხელისუფლებას ბრძოლის წარმოება უხდებოდა ერის გასაერთიანებლად ფეოდალური თვითნებობისა და ანარქიის წინააღმდეგ.

შოთა რუსთაველი და მისი პოემა

არც ისტორიულ ქრონიკებში, არც მხატვრული ლიტერატურის ძეგლებში, რომლებიც მე-16 საუკუნის წინა ეპოქას ეკუთვნის, არავითარ შემთხვევაში არ შენახულა რუსთაველის პიროვნების შესახებ.

ერთადერთი უცილობელი წყარო იმისა, რაც ჩვენ მის შესახებ ვიცით, არის თვით პოემა „ვეფხისტყაოსანი“.

პოემის შესავალის და ეპილოგის რამდენიმე სტროფში ნათქვამია, რომ ამ ლექსს სწერს იგი, რუსთაველი, შემდეგ ეპილოგის პირველი სტროფი სიტყვებით—„ვსწერ ვინმე მესხი“—გვაცნობს, რომ პოემის ავტორი ჩამომავლობით არის მესხი, ძველი საქართველოს ერთერთი უაღრესად კულტურული პროვინციის მკვიდრი. ამავე ცნობას ადასტურებს კიდევ ერთი ლექსი პოემისა, სადაც ავთანდილი და ფრიდონი, რომელნიც ტარიელსა და მის სატრფოს ანუფეშებენ, შედარებული არიან კათალიკოსთან და მაწყვერელთან, „მაწყვერელად“ კი იწოდება უმაღლესი სასულიერო პირი მესხეთში. ხალხური გადმოცემითაც, რუსთაველი დაბადებულია მესხეთში, სოფელ რუსთავეში, რომელმაც ჩვენამდე მხოლოდ მცირე ციხის ნანგრევთა სახით მოაღწია. არა ერთგზის ცდას იმის შესახებ, რომ რუსთაველის დაბადების ადგილად მიჩნეული ყოფილიყო საქართველოს სხვა პროვინცია, უმთავრესად თბილისიდან აღმოსავლეთით მდებარე ერთის რუსთაველი, არავითარი რეალური საფუძველი არ მოეპოვება.

მესამე და უკანასკნელი ფაქტი. რასაც პოემა გვაცნობს მისი ავტორის შესახებ, არის პოეტის მოღვაწეობის ხანა. მე-12 საუკუნის დასასრული და მე-13 საუკუნის დასაწყისი. ამას მოწმობენ მთელი რიგი სტროფები პოემის შესავლისა და ბოლოსიტყვაობისა, სადაც პოეტი ქებას ასხამს თამარ-მეფესა და მის შეუღლე დავითს, როგორც თავის თანამედროვეთ.

ეს ხანა საქართველოს ისტორიაში წარმოადგენს მისი კულტურული ცხოვრების უაღრეს ძლიერებისა და აყვავების ხანას. ქვეყნის საზღვრების განმტკიცება და გაფართოება, სამეურნეო და კულტურული წინსვლა, რაც ჯერ კიდევ დავით აღმაშენებლის დროს დაიწყო, შეუჩერებლად ძლიერდება მთელი ერთი საუკუნის განმავლობაში და თამარ-მეფის

ხელმწიფობის დროს განვითარების უმაღლეს წერტილს მიაღწია. საქართველო უკვე აღარ წარმოადგენდა მუსლიმანური სამყაროს მთავარი ძალების შემოსევის ობიექტს; ეს ძალები ჯვაროსნული ლაშქრობის გამო მმართველი იყვნენ ხმელთაშუა ზღვის ნაპირებისაკენ, მე-12 საუკუნის საქართველო თვით გადადიოდა შეტევებზე და თავდასხმებზე და ფართოდ შლიდა თავის საზღვრებს აღმოსავლეთისა და სამხრეთისაკენ, იმორჩილებდა მეზობელ ქვეყნებს.

თამარ-მეფე ყველა იმ ღირსებით იყო დაჯილდოებული, რომელიც წიბლავს ადამიანებს; ძალაუფლება, სილამაზე, მაღალი გონება და ზნეობა. ჯერ კიდევ სრულიად ახალგაზრდა მეფის ასულის ტახტზე ასვლის დროს წამოიჭრა მისი დაქორწილების საკითხი, როგორც დიდი სახელმწიფო მნიშვნელობის მოვლენა. ქართველი დიდებულნი ხარბი თვალებით შესცქეროდნენ თამარ-მეფეს და სამეფო ტახტს, ქვეყანას ეს სიკეთეს არ უქადდა და თავიდან რომ აეცდინათ შინაური განხეთქილება და შფოთი, თამარისათვის მეუღლის ძებნა საქართველოს გარეშე იწყეს. არჩევანი ხვდა სუზდალის ბატონიშვილს, დიდი მთავრის ანდრია ბოგოლუბსკის ვაჟს, იურის, რომელსაც საქართველოში გიორგი უწოდეს. მაგრამ ჯერ კიდევ არა სავსებით გამორკვეულ მიზეზების გამო მალე გიორგი შერისხულ იქნა თამარ-მეფისა და სასახლის მიერ, რამაც განსაზღვრა გაძევებული გიორგის შემდგომი ბედუკულობათი ცხოვრება.

თამარ-მეფის მეუღლე გახდა მისი დედით ნათესავი ოსთა ბატონი დავით სოსლანი, რომელიც რუსთაველის პოემის ბოლოსიტყვაობის სტროფშია მოხსენებული; იგი დიდი ინიციატივის, მქონე და თავისი გვირგვინოსანი მეუღლის შესანიშნავი თანაშემწე აღმოჩნდა ყველა სახელმწიფოებრივ საქმეში. ქვეყანამ უმაღლეს კეთილდღეობას მიაღწია. აყვავდა სოფლის მეურნეობა, ვაკეთდა გზები, ხიდები, აგებულ იქნა ტაძრები, სასახლეები, სიმაგრეები, დიდი ყურადღება ექცეოდა ხელოვნების განვითარებას. სიმდიდრე გაბატონებულ კლასში კეთილშობილ ცხოვრებისა და ფუფუნების გადიდებულ მოთხოვნილებას იწვევდა. რუსთაველის პოემა მთლიანად იმ დროის სულისკვეთებით არის გამსჭვალული, ამ ეპოქის ოქროთი ბრწყინავს, მისი ძვირფასი თვლებით არის მოოჭვილი. პოემა იდეურად შორს სცილდება მის წარმომშობ საზოგადოებას, იგი თავისი ფესვებით ღრმად იჭრება საერთო საკაცობრიო აზრთა და გრძობათა სფეროში, მაგრამ ამავე დროს იგი ზედმიწევნით ასახავს თავის ეპოქის მაღალ სტილს, განუმეორებელს საქართველოს სამეფოს შემდგომ ისტორიაში. ამიტომ ყოველგვარი ცდა, რომ რუსთაველი და მისი პოემა მიეკუთვნებინათ უფრო გვიანი ეპოქებისათვის, წარმოადგენს ისეთ გაუგებრობას, რომელიც ასე ხშირია საგამოკვლევო მუშაობაში ხელოვნების უდიდეს ნიმუშთა გარშემო.

ერთი ხალხური გადმოცემით რუსთაველი ეკუთვნის თამარ-მეფის იმ თანამედროვეთა რიცხვს, რომლებიც აშკარად ამჟღავნებდნენ თავის უიმედო სიყვარულს გვირგვინოსანი ქალისადმი. მაგრამ უფრო სარწმუნო

ნო ლეგენდები გადმოგვცემენ რუსთაველის სხვა სასიყვარულო თავგადასავალს. რომ სიყვარულს უდიდესი ადგილი სჭერია რუსთაველის ცხოვრებაში, ამას არა მარტო პოემის საერთო ხასიათი ადასტურებს, არამედ პოემის შესავალის ერთერთი სტროფი, სადაც პოეტი მწარედ ამბობს: „შეიზომნეს ჭირნი მათნი ჭირთა ჩემთა მეთედმან“.

ხალხური გადმოცემანი მოგვითხრობენ, რომ რუსთაველს პირველად განათლება იყალთოს აკადემიაში მიუღია, შემდეგ კი სხვა ჭაბუკებთან ერთად განათლების დასამთავრებლად საბერძნეთს ყოფილა გაგზავნილი. ხანში რომ შესულა იგი, ვითომც იერუსალიმს გამგზავრებულა და იქ ერთერთ ქართულ მონასტერში — ღრმად მოხუცებული გარდაცვლილა.

აი, ყოველივე ის, რისი თქმაც შესაძლებელია რუსთაველის ცხოვრებისა და ვინაობის შესახებ თვით ავტორის მიერ პოემაში ნათქვამისა და ხალხში დარჩენილი ლეგენდების საფუძველზე. ამ საკითხის გარშემო მეტი რამის თქმა, — ფანტაზიის სფეროში შეჭრას მოასწავებს. ამგვარად, შესაძლოა დავასკვნათ, რომ რუსთაველის ბიოგრაფია არ მოგვეპოვება. მისი ბიოგრაფია — მისივე პოემაა.

ერთის თქმა კი თითქმის უცილობლად შეიძლება: რუსთაველი მისი თანამედროვე საზოგადოების თვალში არ იყო სახელმორკმული, რადგან წინააღმდეგ შემთხვევაში იგი უეჭველად მოხვდებოდა იმდროინდელ ისტორიულ ქრონიკებში. გენიალური პოეტი დიდებით უთუოდ უფრო გვიან, მისი გარდაცვალების შემდეგ შეიმოსა, და ეს განსაკუთრებული დიდება და სახელი მან სამუდამოდ დაიმკვიდრა თავის სამშობლოში.

სამი საუკუნის განმავლობაში (მე-13 — 15 საუკ.) საქართველო განანადგურებელ შემოსევას, მუსგრასა და რბევას განიცდიდა; ამის შემდეგ მისი კულტურული ცხოვრება სავსებით ჩაკვდა. ამ საუკუნეებმა არ დავიტოვეს მხატვრული ლიტერატურის არცერთი ძეგლი. მაგრამ მე-16 საუკუნიდან ქვეყანა კვლავ ფეხზე სდგება, იწყება სულიერი კულტურის აღორძინების ხანა; ამ ხანამ წარმოშვა მთელი რიგი პოემები, რომელთა ნაწარმოებნი გვიჩვენებენ, თუ რა კოლოსალური პოპულარობით სარგებლობდა რუსთაველი მათ დროს:

ამ ეპოქის თითქმის ყველა პოეტი მოწიწებით მოიხსენიებს რუსთაველის სახელს, მიმართავს მას, როგორც შთამოგონებელს, მუზას, სთხოვს ნებარფვას ლექსის თქმისათვის. რუსთაველს თითქოს დესპოტური ძალით შეეპყრო მათი შემოქმედება, რუსთაველის გავლენა მათზე ღრმა და გარდუვალაია. მხოლოდ მე-18 საუკუნის დამლევს რუსთაველის პოემა, როგორც შემოქმედების დაუძლეველი ნიმუში, აღარ წარმოადგენს უშუალო მიბაძვის საგანს, ათავისუფლებს ქართულ ლიტერატურას თავის ტყვეობიდან და ამ დროიდან მხოლოდ მისი განვითარების საერთო გზებს ანათებს.

მე-17 საუკუნის პოეტი, მეფე თეიმურაზისა და რუსთაველის გაბაასებაში შემდეგ მედიდურ სიტყვებს ათქმევინებს უკანასკნელს:

„მე ვარ ძირი ლექსთა თქმისა, მელექსენი ჩემზედ შენობს,
საქართველო სავსე არის, ჩემი წიგნი ყველგან გაქუხს,
ვის ლხინი აქვს მას უბნობენ, ანუ გული ვისაც უწუხს“.

ამ პოეტური დისკუსიის დასასრულს არჩილი შენიშნავს:

„თუმც უხვია თეიმურაზ, მაგრამ სიბრძნეს კი არ ვასცემს,
ერკინება ტუსფველს მედგრად, შეიტყვევით თუ ვინ დასცემს“.

ამის „შეტყობა“ იოლი საქმეა და არჩილმა თვით ეს მშვენივრად იცის. მან მეტად მოხდენილად დასვა საკითხი „სიბრძნეთა ვაცემის“ შესახებ. მართლაც, იმავე არჩილის დამოწმებით რუსთაველის სახელის გარშემო ატეხილ დავის გამო მამა-შვილს შეეძლო ერთიმეორე გაეწირათ და სახლიდან გამოეგდოთ; რუსთაველის ეს განსაკუთრებული პოპულარობა ხალხის უფართოეს მასებში აიხსნება სწორედ იმ სიუხვით, რომლითაც იგი „ვასცემდა სიბრძნეს“ თავისი პოემის წყალობით.

ჩვენ არ გვეგულება სხვა პოეტი, რომელსაც ისე მკაფიოდ და ძაფრად გამოეხატოს თავის შემოქმედებაში ერთსა და იმავე დროს აზრი და გრძნობა, როგორც რუსთაველს. რუსთაველი მსჯელობს ადამიანის ცხოვრებისა და არსებობის სხვადასხვა მოვლენებზე, აზოგადებს თავის აზრებს, გამოჰყავს დასკვნები. ამავე დროს პოემა გაუღენთილია მძაფრი ლირიზმით და მაღალი პათოსით, რაც ხშირად ნამდვილ ექსტაზში გადადის. ერთის მხრივ, იგი უქადაგებს თავის გმირებსა და მკითხველებს კეთილგონიერებას, მეორე მხრით კი გამოდის ყოვლის შემძლე სიყვარულის აბოლოგეტად, სიყვარულის, რომელიც ამსხვრევს კეთილგონიერების ყველა ზღუდეს. რუსთაველი სრულიადაც არ გვევლინება — როგორც მარტივი ხასიათის დიდაქტიკოსი და ზნეობის მოძღვრების თანმიმდევრობითი განტარებელი, მსგავსად, მაგალითად, გურამიშვილისა. სილამაზე რუსთაველი სათვის სიხარულის წყაროსა და ცხოვრების მთავარ აზრს წარმოადგენს. მისი გაგებით სიყვარულისაზვის ისევე აუცილებელია სილამაზე, როგორც ჰაერი ამ გრძნობებით შეპყრობილ ადამიანისათვის. მომხიბლავი სილამაზით არიან დაჯილდოვებულნი პოემის არა მარტო გმირი-ქალები, არამედ კიდევ უფრო ვაყებიც. არც ერთ პოეტს არც რუსთაველამდე და არც მის შემდეგ არ შეუხსამს ქება მამაკაცის სილამაზისათვის იმ სიძლიერით, როგორც რუსთაველს. ასეთი გატაცება სილამაზით უკვე წარმოადგენს საშიშროებას სულიერი წონასწორობისათვის, და თუ კეთილგონიერებას შეუძლია მის გვერდით იარსებოს, ცხადია ეს გრძნობები მუდმივ ანტაგონიზმში უნდა იყვნენ ერთმანეთთან.

ავტორის იდეების გამომხატველი პოემაში, როდესაც უშუალოდ მათ თვითონ არ გამოსთქვამს, უმთავრესად ავთანდილია, რომელიც ოდნავ უთმობს ტარიელს პირველი გმირის ადგილს პოემაში; ავთანდილი, ახალგაზრდა სპასპეტი, მშვენიერია, როგორც მერკური, იგი უდიდესი შეგობრობის. ღრმა და თავგანწირული სიყვარულის ენტუზიასტია. ჯერ კიდევ ჭაბუკი, იგი გასაოცარ სიბრძნეს ამჟღავნებს. მისი შესანიშნავი ანდერძი, რომელიც მეფე როსტევანს დაუტოვა, სავსეა მაღალი. ბრწყინვალედ გამოთქმული ბრძნული აზრებით. ავთანდილს სწამს, რომ ადამიანის ყველა საქმეს განგება მართავს; იგი ასწავლის ღრმად მოხუცებულ მეფეს „მოჭირვებას და ჭირთა თმენას“ და განუმარტავს ცრემლთა დენის უსარ-

გებლობას. ყოველ არსებას გარდუვალად მოელის სიკვდილი, ამიტომ მი-
ჯი შიში არ უნდა გვექონდეს:

„რა უარეა მამაცსა, — ომშიგან პირის მღმეჭელსა,
შემკრთალსა, შეშინებულსა და სიკვდილისა მეჭველსა!
კაცი ჯაბანი რითა სჯობს დიაცსა ქსლისა მბეჭველსა?
სჯობს სახელისა მოხვეჭა ყოველსა მოსახვეჭელსა!“

ვერ დაიჭირავს სიკვდილსა გზა ვიწრო, ვერცა კლდოვანი,
მისგან ყოველი გასწორდეს სუსტი და ძალ-გულოვანი;
ბოლოდ შეჭყარნეს მიწამან ერთგან მოყმე და მცხოვანი.
სჯობს სიცოცხლესა ნაზრახსა სიკვდილი სახელოვანი“.

იგივე ავთანდილი საღი აზროვნების გაკვეთილებს აძლევს გახელბულ
ტარიელს. მაგრამ საკმაოა ავთანდილი მარტო დარჩეს, რომ თინათინის
სიყვარულით ცეცხლმოდებულმა მსწრაფლ დაჰკარგოს პრაქტიკული სი-
ბრძნე; მას ეუფლება საოცარი სევდა, იგიც ცხარე ცრემლებს ღვრის.

მაგრამ ზოგჯერ ავთანდილის ცრემლი საერთო საკაცობრიო სევდად
იქცევა. აი, მიაჭროლებს მას მერანი მულღაზნარის უდაბურ ველებზე,
ვარსკვლავიან ღამეში მისი მთელი არსება, გონება შებყრობილია თინა-
თინისადმი უსაზღვრო სიყვარულით, თინათინის დაშორებით გახელბუ-
ლი. სიყვარულით დამწვარი შეჰყურებს ცის მნათობთ, ადამიანის ბედის
გამგებელთ; იგი ცრემლს აფრქვევს და მოშიბლავ სიმღერასაც ამბობს,
თავის უსაზღვრო სევდას ვარსკვლავებს ამცნობს, გაუზიარებს. ეს სიმღე-
რა და კვნესა „მისწვდების ცათაშდის“, მთელ სამყაროს ედება, ადამიანუ-
რი სევდითა და სიხარულით ნაშობი ერთ წარმტაც სიმფონიად იქცევა.

რუსთაველი ხშირად ავთანდილის პირით სოფელს „საწუთროს“ უწო-
დებს, პოეტს იპყრობენ ფიქრები წუთისოფლის გაუტანლობის და ადამიან-
თა ლტოლვის ამაოების შესახებ:

ვა. სოფელო რაშიგან ხარ, რას გვაბრუნებ, რა ზნე გჭირსა.
ყოვლიმც შენი მონდობილი ნიადამცა ჩემებრ სტირსა!
სად წაიყვან სადაურსა, სად აღუფხვრი სადით ძირსა,
მაგრა ღმერთი არ გასწირავს კაცსა შენგან განაწირსა!“

პოეტი ჰგმობს საწუთროს, რადგან იგი მზაკვრულად ექცევა ადამიანს,
აყენებს ტანჯვას და მწუხარებას. მაგრამ პოეტს სწამს, რომ სიკეთე მუ-
ინც დაამარცხებს ბოროტებას.

პრემის მთავარი გმირი არის ტარიელი, ახალგაზრდა მხედარმთავარი—
ინდოეთის ამირბარი. იგი არის ვაჟი ინდოეთის ერთერთ მეფეთავანისა,
რომელმაც ნებაყოფლობით აიღო ხელი თავის ტახტზე ქვეყნის უზენაესი
მბრძანებლის ფარსადანის სასარგებლოდ; ფარსადანი მამაა პრემის გმირი
ქალის ნესტან-დარეჯანისა. ტარიელი აღზარდა ფარსადანმა. ტარიე-
ლის არაჩვეულებრივი ფიზიკური ძალა და შეუღარებელი სილამაზე

იწვევდნენ ხალხის განცვიფრებას და უსაზღვრო აღტაცებას. ტარიელი თვით მოუთხრობს ავთანდილს:

„რა მინდორს შევჯდი, ზარითა ხმა იყვის ბუკთა ცემისა;
თანა მყვის სპისა სიმრავლე, მსგავსი ფუტკრისა ჩემისა;
ქვრეტად ქალ-ყმანი დაჭრილნი დგის თემისა და თემისა;
ვინც მნახის, ეყვის ერთ წლამდის კვება ნახვისა ჩემისა“.

ტარიელი შიშის ზარსა სცემდა ინდოეთის მტრებს. ბრძოლაში იყო უღმობელი და მძვინვარე იყო, მაგრამ დამარცხებულთ წყალობდა, ათავისუფლებდა. მისი ძალა ხიბლავდა, იმონებდა ადამიანებს. უსაზღვრო იყო მისი ნებისყოფის სიძლიერე. ამ ღირსების მიხედვით თითქოს იგი უნდა გამხდარიყო უდიდესი დამპყრობელი, ხალხთა მბრძანებელი, უზარმაზარი იმპერიის შემქმნელი. მაგრამ ამ საქმისათვის მას მაინც ერთი თვისება აკლდა—გულის სიმშვიდე. იგი დაუდგრომელი, მგზნებარე ერთბაშად შეიყვარებს ნესტან-დარეჯანს, და ეს გრძნობა მოიცავს მთელს მის არსებას. როდესაც ამ საბედისწერო სიყვარულმა ტრაგიული მიმართულება მიიღო და ახალგაზრდა ამირბარს უმძიმესი დანაშაული ჩაადენინა, რის გამოც მისი სატრფო სასტიკად დაისაჯა, მაშინ ტარიელი გახელდა, ხოლო შემდეგ საოცარ ტანჯვასა და მწუხარებას მიეცა; მიზანტროპად გადაიქცა; ადამიანებს განშორდა. მთელი ათი წლით ველად გაიჭრა და ამ მდგომარეობაში იყო მანამდე. ვიდრე ამ რაინდის თვდადებულმა მეგობრობმა, ავთანდილმა უმთავრესად და ფრიდონმა, არ იპოვეს უკვალოდ გადაკარგული მეფის ასული და არ დაუბრუნეს ტარიელს თვალთა სინათლე. ტარიელი — ეს უზომო, გასაოცარი ფიზიკური და სულიერი ძალაა; ადამიანის იდეალური სილამაზის განსახიერება, მასში მოცემულია ადამიანის ჰიპერბოლირებული ვნება-გატაცებანი. რუსთაველი პოემის დასაწყისში განმარტავს, რომ სიყვარული სხვადასხვაგვარია და ამბობს: „მიჯნური შმაგსა გვიქვიან არაბულითა ენითა.“ ამგვარი სიყვარულის ილუსტრაციას პოემაში ტარიელის სიყვარული წარმოადგენს: ეს სიყვარული ნამდვილი სიშმაგეა. მოვივონოთ თუნდაც ტარიელის შეხვედრის ვეფხთან, რომელსაც თავის სატრფოს მიამსგავსებს, ხელში აიტაცებს და სურს დაჰკოცნოს — „მის გამო კოცნა მომინდა, ვინ მწვავს ცეცხლითა ცხელითა“:

„რომე ვეფხი მშვენიერი სახედ მისად დამისახავს,
აშად მიყვარს ტყავი მისი, კაბად ჩემად მომინახავს“.—უნამობს ტარიელი ავთანდილს, რომელიც თავისი ხასიათის თვისებებით განსხვავდება მისაგან, ავთანდილი, კეთილგონიერი, უაღრესად ფაქიზი გრძნობებით გამსჭვალული და თავაზიანი რაინდია.

პოემის გმირი-ქალები — ნესტან-დარეჯანი და თინათინიც განსხვავდებიან ერთიმეორისაგან. პირველი მართლაც ვეფხს მოგვაუკონებს, იგი მბრძანებელი, ამაყი და მედიდურია, ჯერ კიდევ სრულიად ახალგაზრდა ახდენს გავლენას ქვეყნის სახელმწიფოებრივ საქმეებზე, სწყვეტს ომისა და

ზავის საკითხებს, თავის ნებაზე ამოქმედებს ამირბარტარიელს— „ბედიტი ბნედა, სიკვდილი რა მიჯნურობა გგონია? სჯობს, საყვარელსა უჩვენო საქმენი საგმირონია, ხატეთს მყოფნი ყოველნი ჩვენნი სახარაჯონია“, „წა, შეები ხატელთა, თავი კარგად გამაჩვენე“, — სწერს ნესტან-დარეჯანი ტარიელს. ნესტან-დარეჯანს უყვარს ტარიელი, არ სურს მისთხოვდეს ხვარაზმშას მეფის შვილს, რომელიც საქმროდ მოუყვანეს. იგი ტარიელს სასიძოს მოკვლას ჩააგონებს. ტარიელი რყევას განიცდის. უფრო გამჭირიან ნესტან-დარეჯანს გამოჰყავს გმირი ამ მდგომარეობიდან — უჩვენს მკვლევლობის მიზეზად თავისი სიყვარული კი არ დაახახელოს, არამედ:

„იგი რა მოჰკლა, ეუბენ პატრონსა ჩემს მამასა;
ჰკადრე თუ: „სპარსთა ვერა ვიქმ ინდოეთისა ჭამასა,
ჩემია მკვიდრი მამული, არ მივსცემ არცა დრამასა;
არ დამეხსნები, გაგიხდი ქალაქსა, ვითა ტრამასა!“

ნესტან-დარეჯანს ახასიათებს მგზნებარე ტემპერამენტი, მაღალი გონება და მტკიცე ნებისყოფა. მას ყველაფერი მოეპოვება იმისათვის, რომ ინდოეთის ნამდვილი მბრძანებელი გახდეს.

სხვაგვარი თვისებებით შემკულია თინათინი, რომელსაც პოემის დასაწყისშივე მამამ სამეფო ტახტი დაუთმო. თინათინი ნათელი, მშვიდი, სულიერი წონასწორობის მქონე, გამკითხავი და გულისხმიერი ადამიანია. ნესტან-დარეჯანისა და თინათინის საერთო დამახასიათებელი თვისებებია — შეუდარებელი სილამაზე, სულიერი კეთილშობილება, ურყევი სიყვარული სატრფოსადმი.

ეს შეყვარებულები გატაცებული არიან იმ დიდი სიყვარულის გრძობებით, რომელსაც რუსთაველი სიძვას და მრუშებას უპირისპირებს:

„მიჯნურობა არის ტურფა, საცოდნელად ძნელი გვარი,
მიჯნურობა სხვა რამეა, არა სიძვისა დასადარი:
იგი სხვაა, სძძვა სხვაა, შუა უზის დიდი ზღვარი,
ნურგინ გარევთ ერთმანეთში, გესმას ჩემი ნაუბარი!“

სხვაგვარად არის მოხაზული პოემაში ფატმანის — დიდი ვაჭრის ცოლის სახე. მას ხორციელი სიტკბოება სწყურია, მთელი გატაცებით და ვნებით შეიყვარებს შემთხვევით მასთან მისულ ავთანდილს, რომელიც ნესტან-დარეჯანის ძებნაში ვაჭრად არის გადაცმული და სავაჭრო ქარავანს მეთაურობს. რუსთაველმა, რომელიც მუდამ რაინდულ სიყვარულს, ღრმა და მაღალ გრძობებს, მათგან გამოწვეულ დიად ტანჯვასა და სიხარულს უმღერის, ავთანდილ-ფატმანის მიჯნურობის ეპიზოდში გენიალური ოსტატობით დაგვისურათა ხორციელი, მდარე სიყვარულიც.

პოემის დასაწყისის ერთერთ სტროფში რუსთაველი ამბობს:
„ესე ამბავი სპარსული, ქართულად ნათარგმანები,
ვით მარგალიტი ობოლი ხელი-ხელ საგოგმანები,
ვპოვე და ლექსად გარდავთქვი, საქმე ვქმენ საქოჭმანები“.

მიუხედავად ბევრი ცდისა, ირანულ ლიტერატურაში და ზეპირსიტყვაობაში დღემდე არ აღმოჩენილა რუსთაველის პოემის მსგავსი რამ. ძნელი დასაშვებია არის, რომ ირანულ პოეტებს, რომლებიც თემებისა და სიუჟეტის ძებნაში ხშირად გადამღერებას, გადამუშავებასა და გადმოღებას მიმართავდნენ, გვერდი აეგლოთ „ვეფხისტყაოსნის“ უაღრესად საინტერესო ფაბულისათვის, თუ კი ის ცნობილი იქნებოდა მათთვის.

საზოგადოდ კი ირანული ლიტერატურის გავლენა რუსთაველის შემოქმედებაზე უდავო ფაქტია. ამის დამადასტურებელია არა მარტო პოეტის ლექსიკა, რომელიც აქა-იქ შეიცავს ირანულსა და არაბულ სიტყვებს, არამედ წერის თვით მანერა, ფერადოვანი და მოზაიკური, მდიდარი მეტაფორებითა და აღმოსავლური წარმოშობის სენტენციებით, აგრეთვე პოემის არქიტექტონიკა და კოლორიტი. თვით პოეტი რამდენიმეჯერ ადარებს თავის გმირებს ირანული ლიტერატურის ცნობილ ნაწარმოებთა, განსაკუთრებით — „შაჰნამესა“ და „ვისრამიანის“ გმირებს. რუსთაველი მსოფლმხედველობით განსხვავდება მუსლიმანური აღმოსავლეთის პოეტებისაგან, მაგრამ მსოფლშეგრძნებით მათთან უეჭველად ბევრი საერთო აქვს. აღსანიშნავია, რომ რუსთაველი იხსენიებს ირანული ლიტერატურის მხოლოდ მხატვრულ ნაწარმოებთ, ხოლო აღმოსავლეთის სამეცნიერო და რელიგიური აზრის არცერთ წარმომადგენელზე არაფერს არ ამბობს; სამაგიეროდ პოემაში ვხვდებით ელინელ ფილოსოფოსთა სახელებს. მაგრამ არ არის ხსენებული ამ ქვეყნის პოეტთა რომელიმე ნაწარმოები.

რუსთაველს თუ ირანულ პოეტებს შევადარებთ, იმ დასკვნამდე მივალთ, რომ ირანული პოეტები თავის შემოქმედებაში, შესაძლოა მხოლოდ ომარ ხაიამის გამოკლებით, უფრო ელემენტარული და მარტივი არიან, ვიდრე „ვეფხისტყაოსნის“ ავტორი. რუსთაველი გაცილებით უფრო რთულ სიუჟეტს და რომანის სიტუაციებს ჰქმნის. იგი ღრმა ცოდნას იჩენს ადამიანთა გრძნობების გამოხატვაში, ეხმაურება ცხოვრების მრავალფეროვან მოვლენებს. თუმცა რუსთაველი მწვავედ განიცდის, რომ სოფელი მხოლოდ „საწუთროა“, რომ ადამიანთ ცხოვრება და ინტერესები ამოვებაა, მაგრამ იგი სრულიადაც არ ასხამს ხოტბას ცინიკურად წუთიერ სიყვარულს, ღვინოსა და თავდავიწყების სხვა ამგვარ საშუალებებს, როგორც ამას ირანული პოეტები სჩადიან. რუსთაველი მხოლოდ მაღალი საერთო-საკაცობრიო სევდით არის შეპყრობილი, ამ სევდაში მას სიკეთის საბოლოო გამარჯვების იმედი ანუგეშებს.

პოემის მთავარი გმირების სიყვარულის აღწერის დროს რუსთაველი როგორც ვიცით, ერიდება ფუქსავატურ ტონს, უხეშ ფიზიკურ ზრახვების გამომქლავებას. ამ მხრივ საინტერესოა პარალელის გავლება რუსთა-

ველსა და ფირდოუსს შორის. როდესაც „შაჰ-ნამეს“ გმირ-ქალ თურანის მეფის ასულთან, ზურაბის მომავალ დედასთან შემთხვევით სტუმრად მიგზნება ვნებით ამ ბუმბერაზისადმი, რომელიც შუბით ღრუბლებსა ჰკვეთს ცაში და სადილობის დროს ვერ ძლება მთელი კანჯრით. მეფის ასული ფარულად შეიპარება ღამით როსტომის საწოლ ოთახში, განუმარტავს მას თავის გრძნობების ბიოლოგიურ მიზეზებს და იზიარებს სტუმრის სარეცელს ერთი ღამით.

რუსთაველის პოემაში ამის მსგავსსაც ვერაფერს ნახავთ. როდესაც ტარიელი პირველად დაინახავს მეფის ასულს ნესტან-დარეჯანს, რომელიც ბავშვობაში მასთან ერთად იზრდებოდა, გაოცდება მისი არაჩვეულებრივი სილამაზით და გონებას ჰკარგავს. რამდენიმე დღის შემდეგ ნესტან-დარეჯანი, თვით გატაცებული ტარიელისადმი შორი-ტრფობით, მოახლის ასმათის დახმარებით საიდუმლოდ მიიწვევს ტარიელს. მათდა უნებურად ეს პირველი სამიჯნურო პაემანი სრულ ღუმელში ჩატარდა: ტარიელი პირველად დაინახავს მეფის ასულს ნესტან-დარეჯანს, რომელიც მიჯნურთან შეხვედრის დროს ისე იბნევა, რომ სიტყვის უნარსაც ჰკარგავს. განსაცდელში რომ ჩაეარდება არაჩვეულებრივ სიმტკიცესა და სულიერ გმირობას იჩენს. შესანიშნავ წერილში ტარიელისადმი ნესტან-დარეჯანი სრულ თავგანწირვამდე მიდის საყვარელი არსების გულისათვის, უმაღლეს სულიერ სილამაზეს აღწევს. იგი სწერს ტარიელს:

„ღმერთსა შემვედრე. ნუთუ კვლა დამხსნას სოფლისა შრომასა,
ცეცხლსა, წყალსა და მიწასა, ჰაერთა თანა ძრომასა;
მომცეს ფრთენი და აღვფრინდე, მივხვდე მას ჩემსა ნდომასა!
დღისით და ღამით ვხედვიდე მზისა ელვათა კრომასა!
მზე უშენოდ ვერ იქნების, რადგან შენ ხარ მისი წილი,
განალაშცა მას იახლე, მისი ეტლი არ თუ წბილი
შენა გნახო, მანდვე გსახო, განმინათლო გული ჩრდილი.
თუ სიცოცხლე მწარე მქონდა, სიკვდილიმცა მქონდეს ტკბილი.“

ნესტან-დარეჯანის ეს წერილი, რომლის მსგავსი არ დაუწერია არცერთ ლიტერატურულ გმირ-ქალს, საუკეთესო ილუსტრაციაა რუსთაველის ერთი მოკლე ფრაზისა: „სიყვარული აგვამაღლებს“.

„ვეფხისტყაოსანში“ დახატული სიყვარულის უმაღლესი გრძნობები, ღიადი მეგობრობის კულტი, ადამიანთა სიქველე, ადამიანური ღირსებისა და სახელისათვის თავგანწირული ბრძოლა, პოეტის მახვილი დაკვირვებანი და შეფასება ცხოვრების მოვლენებისა, რაც ხშირად თანამედროვეობის რელიგიურ ცრუმორწმუნოებისა და ფანატიზმის წინააღმდეგაა მიმართული, უფლებას იძლევიან რუსთაველი ჩაითვალოს იმ დიდი ეპოქის წინამორბედად, რომელმაც თავისი ჰუმანიტარული იდეების შუქით ეპოქობრიობა საშუალო საუკუნოებრივი წყვედიადიდან გამოიყვანა და შემდგომი განვითარების გზაზე დააყენა.

რუსთაველის პოემის გმირები — მაჰმადიანებად არიან გამოყვანილნი მაგრამ ეს მხოლოდ ნომინალურად, ვინაიდან პოეტი სრულიად ინდიფერენტულად უცქერის რელიგიის ყოველგვარ გარეგან წესებს.

რუსთაველის ნაწარმოების მიხედვით ძნელია წარმოდგენა იმისა, თუ როგორი იყო მისი თანამედროვე, რეალური ცხოვრება. რუსთაველი მაგალითად, არ დაიწყებს, ჰომეროსის მსგავსად, აღწერას, თუ რისგან და როგორ არის გაკეთებული მისი გმირის ფარი ან შუბი. ის არა ჰგავს ამ მხრით არც „ნიბელუნგების“ ავტორს, რომელიც თავისი პოემის მრავალ ადგილას დაწვრილებით ასახავს ჩვეულებრივი ცხოვრების სხვადასხვა მხარეს: გვაცნობს რას სჭამენ მისი გმირები, როგორი წესით სხდებიან სუფრაზე, როდის წვებიან და დგებიან ლოგინიდან, რას წარმოადგენს მათი საწოლი, და აქვს თუ არა ძვირფასი ქსოვილის მარაგი, ამა თუ იმ შემთხვევისათვის კარგი ტანისამოსი რომ შეიკერონ. მისტიური და განყენებული დანტეც კი თავის კომედიაში თანამედროვე ეპოქის უფრო კონკრეტულ სახეებს იძლევა, ვიდრე რუსთაველი. რუსთაველი საზოგადოდ გვერდს უვლის ყოველდღიურობის საკითხებს. მას აინტერესებს მხოლოდ წმინდა სახით მოცემულ ადამიანთა ურთიერთობა და ადამიანის ძირითად გრძობათა ხასიათი. ჰიპერბოლისა და საღებავთა გამუქების ზნით რუსთაველი მუდამ ცდილობს ხაზგასმით გვიჩვენოს მთავარი მხარე მის მიერ ასახულ მოვლენებისა და აიყვანოს იგი პრინციპიალურ სიმალღემდის. მხოლოდ შემთხვევით თუ წამოსცდება მას ესა თუ ის ფრაზა, რომელიც თანამედროვე ცხოვრების რომელიმე მხარეს შეეხება.

მაგრამ მაინც რით უნდა აიხსნას „ვეფხისტყაოსნის“ გამძლეობა და მარადი სიახლე? ამ საკითხზე პასუხის მისაცემად ჩამოვთვალოთ ამ უკვდავი პოემის ყველა ღირსება: მომქმედ პირთა გრძობების სიძლიერე და სიღრმე, წარმტაცი ფაბულა, სიუჟეტის ოსტატური დამუშავება, და, ბოლოს, ლექსის ბრწყინვალე ფორმა.

რუსთაველი „ვეფხისტყაოსნის“ დასაწყისში, იმდროინდელ პოეტებისათვის სავალდებულო ღვთისა და მეფის ქებადიდების შემდეგ, საკმარის ვრცლად გამრსთქვამს თავის შეხედულებებს სიყვარულზე, რომელიც მთელი პოემის ლეიტმოტივს წარმოადგენს, აგრეთვე პოეზიაზედაც.

პოეზიის შესახებ რუსთაველი ამბობს: „შაირობა პირველადვე სიბრძნისაა ერთი დარგი, საღმრთო საღმრთოდ გასაგონი, მსმენელთათვის დიდი მარგი.“ პოეზიის დამახასიათებელ თვისებად სთვლის დიდი აზრის მოკლედ გამოკვეთას: „გრძელი სიტყვა მოკლედ ითქმის, შაირია ამაღ კარგი“.

თუმცა რუსთაველი პოეზიის განსაკუთრებულ ღირსებად სთვლის აზრთა გამოთქმის ლაკონიურობას, მაგრამ ამავე დროს მას მხედველობაში აქვს პოეტური ნაწარმოების მთელი მოცულობა და ის ამბობს:

„ვითა ცხენსა შარა გრძელი და გამოსცდის დიდი რბევა,
მობურთალსა მრედანი, მართლად ცემა, მარჯვედ ქნევა,
მართ აგრეთვე მელექსეთა ლექსთა გრძელთა თქმა და ხევა,

რა მისჭირდეს საუბარი და დაუწყოს ლექსმა ლევა“..
„მოზაირე არა ჰქვიან, თუ სადმე სთქვა ერთი, ორი“..

პოეტის მოწოდებად და ტალანტად იგი სთვლის უნარს — გააღვიძოს მაღალი გრძნობები, პოეტური სიტყვით ადამიანთა გული აღანთოს.

თუმცა რუსთაველი მკვეთრად მიჯნავს პოეზიაში დიდსა და მცირეს, მაგრამ ამასთანავე აღნიშნავს: „სანადიმოდ, სამღერალად, სააშვიკოდ, სალალობოდ, ამხანაგთა სათრეველად“ ნათქვამი ლექსიც სასიამოვნოა, თუკი აზრი ნათლად იქნება გამოთქმულიო. რუსთაველი ასწავლის პოეტებს განიმსჭვალონ ძლიერი ვნებით და უანგაროდ, გატაცებით ემსახურონ მას თავის პოეტური შემოქმედებით.

თავის შეხედულებას პოეზიაზე, მის ამოცანებსა და დანიშნულებაზე რუსთაველი თანმიმდევრულად ანხორციელებს თავის პოემის მთელ მანძილზე. მისი ენა ლაკონიურია, პოეტი მართლაც იშვიათი ოსტატობით აღწევს ვრცელი აზრის მოკლედ გამოთქმას.

უამრავი აფორიზმები, საღი აზრები, რომლებიც უხვადაა გაფანტული პოემაში, „ვეფხისტყაოსანს“ ანდაზათა და თქმულებათა საგანძურად აქცევენ. არსებითად მთელი პოემა ფოლკლორში გადღვივდა თავისებურად სახეშეცვლილი და დღემდე პარალელურად განაგრძობს არსებობას ხალხურ ზეპირსიტყვაობაში.

უდიდეს ყურადღებას იპყრობს რუსთაველის სტილის მეტაფორულობა. რუსთაველი მეტაფორის ისეთივე დიდი ოსტატია, როგორც შედარებისა დანტე და პუშკინი. არისტოტელი თავის პოეტიკაში ამბობს: „განსაკუთრებით მნიშვნელოვანია მეტაფორებში იყო დახელოვნებული, სხვებისაგან მხოლოდ ამის გადმოღებაა შესაძლებელი, და ეს უნარი არის ტალანტის ნიშანი. კარგი მეტაფორების შექმნა ხომ მსგავსების მიგნებას ნიშნავს.“ რუსთაველის გაშლილი მეტაფორა ხანდახან პოემის მთელ სტრიქონებს ჰფარავს, მაგრამ არის შემთხვევები, როდესაც მეტაფორა მთელ სტროფას ავსებს თავიდან ბოლომდე, და მაშინ არც ისე ადვილია მისი შინაარსის მიხედვა. მაგალითად, მტირალ ნესტან-დარეჯანს პოეტი ასე აგვიწერს:

„შინა შევედი, მას წინა ედგა ცრემლისა გუბები,
შიგან მელნისა მორევსა, ეყარის გიშრის შუბები,
მელნისა ტბათათ იღვრების სავსე სათისა რუბები,
შუა ძოწსა და აყიყსა სჭვირს მარგალიტი ტყუბები“.

პოემა თექვსმეტმარცვლოვანი დაბალი და მაღალი შაბრით არის დაწერილი, რომელიც კანონზომიერების დაუცველად ენაცვლებიან ერთმანეთს. რუსთაველი შაბრის იშვიათი ოსტატია, რაში გამოიხატება ეს ოსტატობა? განსაკუთრებით, ლექსის ხმოვან ორკესტრობაში, ალიტერაციებსა, ასონანსებსა და მდიდარ რითმებში.

რუსთაველი დიდ ყურადღებას აქცევს ლექსის მუსიკას, მაგრამ იმავე დროს თითქმის არასოდეს არ იფიქრებს, რომ ჰემმარიტ ჰარმონიულ სიტ-

ყვათა წყობაში მუსიკა უნდა ემყარებოდეს სიტყვების ფრთხილად შერჩევას მათი აზრობრივი მნიშვნელობის მიხედვით.

რუსთაველის პოემაში განსაკუთრებულ ყურადღებას იქცევს აგრეთვე ეტიმოლოგიური ფორმებისა და ლექსიკის სიმდიდრე. მთელი პოემა, დაახლოვებით შეიცავს 45.000 სიტყვას, რომლიდანაც 15.000-ზე მეტი სიტყვა არის ძირითადი მორფოლოგიურად.

რუსთაველს თუ შევადარებთ თამარ-მეფის ეპოქის ცნობილ მეზობლებს ჩახრუნხაძესა და შავთელს, უნდა აღვნიშნოთ, რომ პირველმა მათი მაღალფარდოვანი სტილი შესცვალა ნამდვილი მაღალი სტილით და გააბატონა შაირი, რომელიც შემდგომ ხუთი საუკუნის მანძილზე ძირითადი მეტრი იყო მთელ ქართულ პოეზიაში.

რუსთაველმა გაამარტივა თავისი დროის პოეტური ენა. მას ემარჯვება, როგორც მაღალი სტილი, ისე ბრწყინვალე ხალხური გამოთქმები, რომელიც გვხვდება მისი დროის არა თუ პოეზიაში, არამედ პროზაშიაც.

ისევ უნდა აღვნიშნოთ, რომ ყველა ეს ღირსება სტილისა და ლექსთაწყობის ოსტატობა, რუსთაველის პოემაში გამოყენებულია მხოლოდ დიდ და ღრმა შინაარსის გასაფორმებლად. რუსთაველი იმით განსხვავდება მრავალ, შეიძლება დიდი ეპიკურ პოეტებისაგან, რომ ყოველ სტროფს ავსებს შინაარსით და აძლევს გარკვეულ მიზანსწრაფვას პოემის სიუჟეტურ სისტემაში.

მსოფლმხედველობის მხრივ რუსთაველი, ჩვენის აზრით, არ არის რომელიმე განსაზღვრული ფილოსოფიური სკოლის მოძღვრების გამტარებელი. ის მხოლოდ ღრმად განათლებული პოეტია, რომელიც არა თუ სდგას თავის ეპოქის სიმალეზე, დიდად უსწრებდა მას წინ, ამასთანავე ის ანტიურ და მუსლიმანურ-ქრისტიანულ საშუალო საუკუნეთა ადრინდელ პერიოდის სულიერი მემკვიდრეა.

პოეტის ამ ფართო განათლებით და დიდი ნიჭით პინსნება მისი აზრთა სიუხვე და მომნიბლავი მრავალფეროვნება ადამიანის ძირითად გრძნობათა ასახვაში.

ბრძოლა „ვეფხისტყაოსნის“ გარშემო

ამ სამოცდაათი წლის წინად, ჯერ კიდევ ილია ჭავჭავაძემ აღნიშნა მონასტრებსა და ფეოდალების სასახლეებში შემუშავებული ისტორიული ქრონიკების შეზღუდულობა და სიმაბრტლეს აცდენილი ტენდენციურობა. 1880 წ. ილიას ერთ-ერთ საგაზეთო წერილში ნათქვამი აქვს: „ქართლის ცხოვრება“ ხალხის ისტორია კი არ არის, მეფეთა ისტორიაა და ხალხი კი, როგორც მომქმედ პირი ისტორიისა, ჩრდილშია მიყენებული“ (ტ. V, გვ. 201). — ეს შეხედულება, რომ სრულიად მართებულია, ამის დასადასტურებლად ისიც კმარა, რომ არც სახალხოდ გავრცელებულ „ვეფხისტყაოსანს“ და არც მის ბრძენ შემომქმედს, სახელმწიფოველის რუსთაველს მემატრიანეები და ძველი ისტორიკოსები არ იხსენიებენ.

იქნებ ომიანობისა და მეფეების მატრიანეში შაირობისა და ლექსის-მთქმელის მოხსენება უღირსად იყო მიჩნეული არა, აქ სულ სხვა რამ მიზეზი უნდა იყოს, თორემ მემატრიანეს, რუსთაველის თანამედროვე, მასთან შედარებით უფრო მცირე მოშაირეც კი ჰყავს მოხსენებული. მებრტე იოანე შევეთელს „ქართლის ცხოვრება“ დიდი პატივით იხსენიებს: „მეფეთამარ მოიქცა სამცხესა, და მოვიდა ოძრეხს, და მოიცალა ლოცვად და მარხვად. მუნ იყო წინაშე მისსა თევდორე, ქართლისა ქათალიკოზი, კაცი წმინდა და სახიერი და მასთანა მრავალნი ეპისკოპოსნი და მონაზონნი, ღვთისა სათნონი. რომელთა თანა იყო იოანე, კაცი შავთელი, ყოვლად განთქმული და საკვირველი მოღვაწებათა შინა, და ლექსთა გამომთქმელი, და ხელოვანი (კურთხეული). ქრისტეს-თვის სულელი, რომელსა მიეღო მადლი წინასწარ-მცნობელობისა“ („ქართ. ცხ.“, ზ. ჭიჭინაძის გამოც. გვ. 469). — არა თუ შევეთელს, თამარ მეფის ისტორიკოსი მემაროწლე (მეჯოგე) ლექსის მთქმელებსაც კი იხსენიებს (იქ. გვ. 489) და „ვეფხისტყაოსანზე“ კი სულაც არა აქვს დაცდენილი. ცხადია, რომ რუსთაველისადმი ასეთ მიკერძობას, ამოჩვენებას, ისტორიაში მის მოუხსენებლობას თავის საბაბი და მიზეზი უნდა ჰქონოდა. შევეთელის აქ მოყვანილ დახასიათებობიდან თვალნათლივ სჩანს, რომ იმ დროის მემატრიანე. ისტორიკოსი მოშაირეს კლოერიკალური თვალსაზრისით აფასებდა; მემატრიანეთა თვალში რუსთაველს რაღაც დიდი „შეცოდება“ უნდა ჰქონოდა, რის გამოც იგი ათვალისწინეს, შეაჩვენეს და მატრიანეში მოხსენების უღირსად სცნეს.

სწორად აღნიშნავს აკ. გაწერელია, რომ რუსთაველის მოუხსენებლობა ისტორიულ ქრონიკებში დიდი პოეტის დევნის, მისი უკვდავი ნაწარმოების გარშემო ატეხილი ბრძოლის ერთერთი ნიშანდობლივი მომენტია.

ეკლესია, საუკუნოების მანძილზე სცდილობს ხალხის მეხსიერებაში რუსთაველის ხსენება წაშალოს, ხოლო მისი პოემა მოსპოს, ხელნაწერი და დაბეჭდილი „ვეფხისტყაოსანი“ ცეცხლს მისცეს, „დაუხვევლი არ გაუშვას“. თუ რას ემართლებოდნენ ცოფმორეული, ჭკუადამბხვეული ხუცები ხალხის სიბრძნის გამომხატველს — ენამზე შოთა რუსთაველს, ამის პასუხს ვპოულობთ „ვეფხისტყაოსნის“ უძველეს ხელნაწერებში, რომელთაც წინ უძღვის პოემის კლერიკალებისაგან შემაჩვენებელი, „კეთილმორწმუნეთა“ გამაფრთხილებელი სტროფი:

„პირველ თავი დასაწყისი
ნათქვამია იგ სპარსულად,
უხმობთ „ვეფხისტყაოსნობით“,
არას შეიქმს ხორცს არ სულად,
საეროა, არ ახსენებს
სამებასა ერთარსულად,
თუ უყურა მონოზანმა,
შეიქნების გაპარსულად“.

ხუცების ამ ანათემისაგან კარგათ ირკვევა, თუ რას აუშხედრებია კლერიკალური წრეები რუსთაველის წინააღმდეგ. ეკლესიას ვერ უპატიებია დიდი პოეტისათვის, რომ მან თავისი პოემა სპარსულ-აღმოსავლური თხრობის ყაიდაზე გამართა. ეკლესიამ რუსთაველი „ქრისტესაგან განდგომილ მოშაირედ მიიჩნია და „ვეფხისტყაოსანი“ მკრებელობად გამოაცხადა და შეაჩვენა. შევანაფორიანის ფეოდალები ასეული წლების მანძილზე სცდილობდნენ, ხალხისათვის ამ ძვირფასს და შეუღლებელ პოეტური განძისათვის სახელი გაეტეხათ — „არას შეიქმს ხორცს არ სულად“, მოშაირე სცოდავს, — პოემაში ღმერთი ერთსამებად არ არის მოხსენებულიო, ამდენად წარმწყმედია და თვით გამუღმებელი ლოცვა-მარხვით და მეტანიებით ეშმაკეულისაგან დაცულ მონაზონსაც კი წარსწყმენდს მისი წარკითხვა ან მოსმენაო („შეიქნების გაპარსულად“).

ცხადია, რომ ბნელეთის მოციქულები პოემის შემაჩვენებელ სტროფების შეთხზვით არ დაკმაყოფილდებოდნენ. ვახტანგის კომენტარიებიდან ჩვენ ვტყობილობთ, რომ საქართველოში, ძველთაგანვე, ეკლესია მწვალებლურად მიჩნეულ ნაწერებს და წიგნებს სდევნიდა, სპობდა და ანადგურებდა. ვახტანგ VI-ს სიტყვით: თვით რუსთაველის დროს „ორი კათალიკოზი, რამთ-ნი უდაბნო აშენებული იყო ისენი თუცა რუსთაველს მეძაობის სიტყვა მოენდომებია როდის აქნევინებდნენ და ნათქვამს დაუხვეველს არ გაუშვებდნენ“ („ვახტანგისეული ვეფხისტყაოსანი“, გვ. 288).

რაკი ეკლესიას „ვეფხისტყაოსანი“ ქრისტიანობის შემრყვენელ ნაწარმოებად ჰქონდა შეჩვენებული, ცხადია, რუსთაველის „ნათქვამსაც დაუ-

წვევებს არ გაუშვებდნენ“ უნდა ვიგულისხმოთ, რომ პოემის ხელნაწერ-
სა და მეთვრამეტე საუკუნეზე ბევრით ადრეც ნადგურდებოდა და ამითაც
უნდა აიხსნას, რომ პოემის მეთექვსმეტე-მეჩვიდმეტე საუკუნეზე ადრინ-
დელმა ხელნაწერებმა ჩვენ დრომდე ვეღარ მოაღწიეს.

მიუხედავად ასეთი დევნისა, „ვეფხისტყაოსანი“ მაინც ნამდვილ ხალ-
ხურ ნაწარმოებად იქცა და მისი ცხოველმყოფელი ზეგავლენის კვალი
სჩანს ხელოვნების ყოველ დარგში. ლიტერატურისა და მხატვრობის
აღორძინებამ რუსთაველის ბრძნული პოეზიით ჩაიღდა სული, პოეტების
ოსტატობის საზომად რუსთაველური შაირი იქცა. „ვეფხისტყაოსნის“
ლექსები ხალხში გადავიდა: თეიმურაზ მეორის „დღისა და ღამის გა-
ბაასებიდან“ ვტყობილობთ, რომ მე 17 — 18 საუკუნეში სიმღერად ქცე-
ული რუსთაველის ლექსები სახალხოდ იყვნენ გავრცელებულნი. „სიმღერა
რუსთაველის ხანებისა („რუსთაველის მუნასიბები“) მიღებული ყოფილა
ძველი ქართული ქორწილის რიტუალში. ასე, როდესაც სასძიო („მეფე“)
მაცერიონით სასძლოსთან („დედოფალთან“) წასასვლელად ემზადებოდა:

მეფის წასვლის დროს ასტეხონ
ხმამაღლად თვით მაყრულები,
თქვან მუნასიბი ლექსები,
რუსთველისაგან თქმულები.

აგრეთვე, როდესაც ქორწილი დასრულდებოდა და მეფე ასადგომად
მოემზადებოდა —

მემაყრულეთ თქვან რუსთავლისა
მუნასიბები ქებისა

შემდეგ, როდესაც დედოფალს ვაჟის სახლში წაიყვანდნენ და მეფე-
დედოფალი მაცერიონის თანხლებით დაიძვროდა

მოაგონდეს რუსთავლის ლექსი,
შემოსძახონ წამ ისია,
„მოიყვანეს იგი პარმზე“
და შემდეგი ამისია.

ქულტი ვეფხისტყაოსნისა მოსჩანს ყოფა-ცხოვრების წერილმანებში.
(პ. ინგოროყვა — „შოთა რუსთაველი და მისი პოემა“ — „ვეფხისტყაო-
სანი“, სახელგამის გამოც. 1937 წ. გვ. XLIX — ს).

დღემდე, დ. არაყიშვილს და ჩხიკვაძეს დაგროვილი აქვთ 21 ძველი
ხალხური სიმღერა რუსთაველის ლექსით, რომელნიც სხვადასხვა დროს
ჩაუწერიათ: დ. არაყიშვილს, ზ. ჩხიკვაძეს, ია კარგარეთელს და სხვ.

შემოსიულ ურდოებთან გამუდმებულ ბრძოლებში, მტარვალ ფეო-
დალების წინააღმდეგ ამბოხებებსა და აჯანყებებში „ვეფხისტყაოსანი“
შთააგონებდა ხალხს ქირსა შიგან გამაგრებას, საწადელის ქირის დაუ-
რდებლად ძებნას და პოვნას, მართლის ქმნას, ვაჟკაცობით სახელის მო-

ხვეჭას, საკუთარ მეობის პატივისცემას („თუ შენი თავი შენ გახლავს ღარიბად არ იხსენები“), უმესავსოების ბოლომოდლებ იმედსა და რწმენას, („უმსგავსო საქმე ყოველი მოკლეა მით ოხერია“), ჭირში გამტან ძმობასა და მეგობრობას („ხამს მოყვარე მოყვრისათვის, თავი ჭირსა არ დამრიდად“), ღალატისა და ორპირობისადმი გამანადგურებელ სიმკაცრეს („კაცი ცრუ და მოღალატე ხამს ლახვრისა დასაქრელად“), ნაძრახ სიცოცხლიდან სახელოვანი თავგანწირვით მოქმეთა დახსნას. რუსთაველის სიბრძნე ჩაგრულთა წყვილიადით მოცულ ცხოვრებას მანათობელ სხივებს ჰფენდა და ხალხს ამ ქვეყნად ბედნიერების მოპოების რწმენას უმტკიცებდა („ვცან სიმოკლე ბოროტისა, კეთილია შენი გრძელი“). — ეკლესია კი ხალხს მონობაში მოთმინებას ნეტარებად უსახავდა: — „მოთმინებითა თქვენითა მოიპოვეთ სული თქვენიო“, „ნეტარ-იყუნენ გლახაკნი სულითა, რამეთუ მათი არს სასუფეველი ცათაო“. თუ რამდენად ახლოს იყო ხალხის გულთან ბერ-მონაზანთა ქადაგება—ეს, ამ ხალხური ლექსიდანაც კარგად სჩანს:

„ხუცები დამჩინებენ,
შენ რათ გინდა ქონებაო,
რაც იშოვო, ჩვენ მოგვეცი,
შენ მიიღე ცხონებაო“.

ხალხისათვის რუსთაველის ოქროსიტყვები უფრო სასიამო, უფრო მშობლიური და ახლო იყო: „მიეც გლახაკთა საქურჭლე, ანთავისვფლე მონებო“.

მიტომაც იყო, რამდ არამც თუ ეკლესიისათვის, არამედ თვით საერო ფეოდალურ წრეებისთვისაც კი საშიშრად იყო გამხდარი რუსთაველის აზრების ხალხში გავრცელება. მეფე გიორგი მეცამეტეს უთქვამს: „შოთას თქმულნი ატკბობენ სულსა, ასუქებენ გონებასა, ამალღებენ გრძობასა, ავრცელებენ გულსა, ამხიარულებენ კაცსა, დიდებულ ჰყოფენ ქართველთა ენასა, ამუსიკებენ ქალთა და კაცთა, თუმცა არ არის ზევრთათვის დაწერილი“ (პლ. იოსელიანი. — „ცხოვრება გიორგი მეცამეტისა“, გვ. 181).

ეკლესიამ გააფთრებული ბრძოლა დაიწყო „ვეფხის-ტყაოსნის“ გავრცელებისა და მისი ზეგავლენის აღსაკვეთავად. კლერიკალური წრეები ვერას ვხვით ვერ შეერიგებოდნენ იმ აზრებს, რომ მთელი მხატვრული ლიტერატურა რუსთაველის პოეზიის ზეგავლენის ქვეშ მოექცა, „ვეფხის-ტყაოსნის“ უმანისტური იდეებით ზიარებული საეროდ იქცა. ბნელეთის მოციქულებმა ალორძინების ხანის ლიტერატურა მძვინვარე რეაქციის სუსხქვეშ დააყენეს და თვით მამუკა ბარათაშვილი, ქართული ლექსის კანონმდებელი ამ ლექსით ალაპარაკეს: „მართებს, კაცმა ავი ამბავი არ გაღექოს, თუ სააშიყო ლექსი უნდა, ღვთის სააშიყო (სთქვას) ეკლესიასა წმინდათა“ („კაშნიკი“, გვ. 2).

ეკლესია, რუსთაველის პოემის „მსმენელთა საზიანოდ“, „მთქმელთა საურთიგოდ“, „სამეძაო სიტყვად“, აცხადებს და რუსთაველს ჩირქს სცხე-

ბენ: „საბოზრად გარჯილათ“. ხუცები ყოველნაირად სახელს უტეხენ დიდ პოეტსა და მის შესანიშნავ ქმნილებას („ვახტანგისეული ვეფხის-ტყაოსანი“ გვ. 337).

საჭირო გახდა რუსთაველის დაცვა კლერიკალების გააფთრებულ დევნისაგან. „ვეფხის-ტყაოსანის“ დამცველის როლში გვევლინება პირველი რუსთაველოგი, პოემის პირველი ბეჭდვით გამომცემელი ვახტანგ VI. დიდად გამწვავებული უნდა ყოფილიყო ბრძოლა „ვეფხის-ტყაოსანის“ გარშემო, თუ კი პოემის კომენტატორს ასეთი მკაცრი სიტყვები შემოეხარჯა: „უცოდინაროებითა და სოფლის ნივითა შემსჭვალითა სამეძაოდ სთარგმნიდნენ (განმარტავდნენ) მის რიტორისა და ბრძენ მეცნიერისა კეთილად ნამუშავევისა სამუშაოსა: მსგავსად თვალთა, რომელთა ვერა სცნობენ მცნობელნი: და ჭიქასა ქედ პატიოსნად სახელ სდებენ და მარგალიტთა მძივად პატივ სცემენ“. ვახტანგმა შოთას ქმნილების „სამეძაოდ“ განმარტებული ხუცები ჭიქებს შეადარა: „მსგავსად ჭიისა მის რომელი არს გვამთა მფრინველისათა გემოვნებისა და განძლომისა თვისისათვის სჭამს ფრინველსა მას, ჭამითა მით მასცა მოჰკლავს და თვითცა მოჰკუდების; აწ მე ამისათვის დავშვერ, ეს ხომ ყოველთა მეცნიერთაგან საცნაურ არს, რომ ესე ვითარი მეცნიერი კაცი (რუსთაველი) არცა დაშვრებოდა წარსაწყმედელად“. (იქვე გვ. 286).

ვახტანგმა, ხუცები და მათი დამქაში კალმონები, რომელნიც „სამეძაოდ“ და „წარსაწყმედელად“ განმარტავდნენ „ვეფხის-ტყაოსანს“, უვიცებად დასახა, ისინი ჭიქას შვირფასი ქვისაგან და უბრალო მძივს მარგალიტისაგან ვერ არჩევენო, როგორც ჭიები ასე შეუჩნდნენ „ვეფხის-ტყაოსანს“ — „გემოვნებისა და განძლომისათვის“, ოღონდ კი გულის ზრახვა აისრულონ და არ დაგიდევნენ, რომ შლოთს დიდ ქმნილებას შოაკვდინებენო.

კლერიკალების გავლენა მაინც იმდენად ძლიერი იყო, რომ ვახტანგი ცდილობს ეკლესიის, მართალ-მადიდებლობის პოზიციებიდან დატოვას რუსთაველი და მით ხელშეუხებელ ჰყოს მისი პოეტური ქმნილება. ვახტანგი განმარტავს „ვეფხის-ტყაოსანს“, როგორც „ღვთისა და ეკლესიის სააშიყო ლექსებს“ და ამ მხრით მისი კომენტარები სრულიად არ უდგება რუსთაველის ტექსტს. — აი, როგორ განმარტავს რუსთაველის ერთ-ერთ სტროფს ვახტანგი:

რუსთაველი:

„ამა საქმესა მიჯნური
ნუ უხმობს მიჯნურობასა,
დღეს ერთი უნდა ზვალე სხვა,
სთმობდეს გაყრისა თმობასა.

ესე მღერასა ბედითსა
გავს ვაჟთა ყმაწვილობასა,
და კარგი მიჯნური იგია
ვინ იქმს სოფლისა თმობასა“

ვახტანგის განმარტება: „ესეც სამღვდელთაია. ამ საქმეს მიჯნურნი მიჯნურობას არ უძახით: დღეს რომ სასუფეველის მიჯნურნი შეიქნათ ზვალ სოფლისა: და სოფლის სიყვარულით ზვალ მისი გაყრა დასთმოთ: ბედითი ცუდსა ჰქვიან და მღერა თამაშობასა და იმას უბნობს: ეს ცუდის ყმაწვილის თამაშობას გავსო და კაი მიჯნურისასო და იმას ამბობს ვინც სოფელს დასთმობს და მუდამ სასუფეველს ამბობსო“ (გვ. 295 — 6). — ერთი სიტყვით, ვახტანგი ისე გაუტაცია „ვეფხის-ტყაოსანის“ საღვთო-საეკლესიო აზიოკობის წიგნად განმარტებას, რომ წარმოუდგენელ უკიდურესობამდე მიდის. ჰკითხულობთ და გგონიათ, რომ რომელიმე მიხრწნილი ღვთისმეტყველის კომენტარიებს შესდგომია და არა რუსთაველის ცხოველმყოფელი სიბრძნის განმარტებას.

ცხადია, ეკლესია ვერ აპატიებდა ვახტანგს, რომ მან „ვეფხის ტყაოსანი“ გამოსცა და მის ზედმეტად გავრცელებას ხელი შეუწყო, ღვთისმეტყველთა უმეცრება ამხილა და ისინი ქიებს შეადარა, ხოლო ეკლესიისგან შეჩვენებული და დაგმობილი, „წარსაწყმედი“, „სამეძაო“ და „საბოზარი“ შაირი ღვთისა და ეკლესიის სამიჯნურო ნაწარმოებად რომ გამოაცხადა. — ეკლესია არ დაერიდა ვახტანგის მეფურ ღირსებას, ბნულეთის მეციქულებმა აღორძინების ხანის ამ განათლებულ მოღვაწეს, მეცნიერებისა და მწერლობის სახელოვან მოამაგეს უმეცრება დასწამეს. ქართლის მთავარ-ეპისკოპოსი ტიმოთე (XVIII ს.) გაცოფებით სწერდა: „რუსთაველი ესე იყო მთქმელი ლექსთა ბოროტთა, რომელმან ასწავლა ქართველ სიწმინდის წილ ბოროტი ბილწება, და განჰყურნა ქრისტიანობა. ხოლო უწინარეს ჩუენთა უმეცართა სამღვთოდ სთარგმნეს ლექსი მისი: და ამის გამო დედანი საქართველოისანი ხატად ლუთისა შექმნილისა, სახისა წილ ფერადთა წამალთა იცხებენ და მიცვალებულთა თმათა მოიბმენ საფრხედ სულთა“ („მოხილვა წმიდათა და სხუათა აღმოსავლეთის ადგილთა“, გვ. 154).

ქართლის მთავარ-ეპისკოპოსმა მეფე ვახტანგი უმეცარად გამოაცხადა, ეს შეჩვენებას უდრიდა, და მაჩვენებელი იყო „ვეფხის-ტყაოსანის“ გარშემო ატეხილი ბრძოლის უაღრესად გამწვავებისა.

ანტონ ქათალიკოსმა (XVIII ს.) ხუცური ცბიერებით და ორპირობით, ერთ-ერთ თავის თხზულებაში, თუმც შეაქო რუსთაველის სიბრძნე, მაგრამ მისი „ვეფხის-ტყაოსანი“ კი ამაო შრომის ნაყოფად მიიჩნია და მით შეაჩვენა კიდევ:

„შოთა ბრძენ იყო სიბრძნის მოყუარე ფრიად ფილოსოფოსი მეტყველი სპარსთა ენის, თუ სამ სწადოდა ღვთისმეტყველიცა მაღალი, უცხო საკვირველ პიტიკოს მესტინე, მაგრამ ამაოდ დაშვრა საწუხ არს ესე.

(„წყობილისტეობა“, 802).

ეტყობა „ვეფხისტყაოსანის“ წინააღმდეგ ხუცების გააფთრებულ ბრძოლას საერო-ჰეროდოლოგურ წრეებზე ზეგავლენა მოუხდენია და შემდეგში წინანდელი შეუპოვრობით ველარ იცავენ რუსთაველსა და მის ნაწარმოებს, რაც ნათლად სჩანს იოანე ბატონიშვილის კომპრომისული განცხადებიდან: „ვეფხისტყაოსანი“ სწორედ ზნეთ სწავლულება არს და ვინც როგორ იხმარებს, იმ ნაყოფს გამოიღებს“ („კალმასობა“ გვ. 53).

ხოლო, ბევრით უფრო ადრე პოეტის ფეშანგის გალაშქრება რუსთაველის პოეზიის წინააღმდეგ, არა მარტო ახალი ლიტერატურული სკოლის თვალ საზრისით აიხსნება, არამედ მის სიტყვებში სჩანს ეკლესიისადმი მიკერძოების ელემენტიც, ყოველ შემთხვევაში ფეშანგის გამოსვლა „ვეფხისტყაოსანის“ დამცველთა ფრონტის გარღვევას მოასწავებდა და ხუცების მიერ რუსთაველს წინააღმდეგ ატეხილ ბრძოლას ეხმარებოდა. აი, ფეშანგის სიტყვებიც:

„რას ხელყოფის საქებრად
ტარიელ და ავთანდილი?
სად იცნობდეს უცხოს უცხო, —
ან რა ნახეს მათგან ქმნილი?
ყველა ტყუილი შეატმასნეს,
ყოფილიყო გარდავლილი;
აქეს ვინმე უმეცარი,
ვაიმწარეს მათთვის ძილი“

(„შაჰნავაზიანი“ გვ. 6).

თუ, რამდენად აღშფოთებული იყო რუსთაველით ეკლესია, რაოდენი სიძულვილით იყენენ აღვსილნი ხუცები „ვეფხისტყაოსანისადმი“ ეს კარგად სჩანს ნიკოლაოზ ღვდელის მიმართვიდან რუსთაველისადმი:

„რუსთველო, ან თუ დრო გაქვს,
მიტომ აგეთ ლექსთა ჩმახავ...
ლაგაზივით წამოგწვდები,
ეს კი ვიცი ვერ გაგლახავ,
და ამას წინად, შენს დროებში
დაგავიწყებ რაც გინახავს“.

მაგრამ, ცხადია, ეკლესია „ვეფხისტყაოსანის“ სიტყვიერი შეჩვენებით, წყევლა-კრულვით არ დაკმაყოფილდებოდა და მართლაც მე-18 საუკუნეში ვპოულობთ ცნობებს, რომ რუსთაველის პოემა ხუცებმა ცეცხლს მისცეს. პირველ ცნობას ამის შესახებ, ევგენ მიტროპოლიტის წიგნში ვპოულობთ: поэма сия при царе Вахтанге была в Тифлисе напечатана, однакож вскоре истреблена так, что ныне весьма редко можно видеть печатные оной экземпляры („Историческое изображение Грузии“, СПб. 1802, стр. 86).

„ვეფხისტყაოსნის“ დაბეჭდილი წიგნები ბნელეთის მოციქულებმა შეაგროვეს და ცეცხლს მისცეს, ხოლო მისი კითხვა სასტიკად აკრძალეს: „ქათალიკოსმა ანტონმა მრავალნი დაბეჭდილნი მეფის ვახტანგის დროსა „ვეფხისტყაოსანი“ დაჰსწუნა და შთააყრევინა მტკუარში და აღუკრძალა კითხუა წიგნისა ამისა ქართულთა“ („მოხილუა წმინდათა და სხუათა ადგილთა“, გვ. 154).

პლატონ იოსელიანის ცნობითვე ანტონ ქათალიკოსმა: „დღესა ერთსა 80 დაბეჭდილი წიგნი ვახტანგ მეფისვე დროისა, შთააყრევინა მტკუარსა ვითარცა წიგნი მავნებელი მკითხველთათვის და მომწამვლელი ქრისტიანთა გონებისა და გრძნობისა“ („ცხოვრება გიორგი მეცამეტისა“ 1936 წ. გვ. 181).

და მიუხედავად იმისა, რომ ბნელეთის მოციქულები ცეცხლში სწვავენ და მდინარეში ნთქავდნენ „ვეფხისტყაოსანს“ ხალხმა მაინც დაიცვა და შეინარჩუნა იგი.

საღმრთო წიგნი ბევრი წახდა
უყდოთა და უბუდობით,
საშაიროს ინახავენ
სტავრის ბუდით და ნახლობით“.

(თეიმურაზ პირველი)

„ვეფხისტყაოსნის“ ტევნას და დამცირებას მხოლოდ ოქტომბრის რევოლუციამ მოუღო ბოლო. გამარჯვებული სოციალიზმის ქვეყანა სახალხოდ ზეიმობს დიდი პოეტის 750 წლის იუბილეს.

რუსთაველის იუბილე ხდება ხალხთა ძმობისა და მეგობრობის მძლავრ გამოხატულებად. ლენინ-სტალინის პარტიამ, მისმა გმირულმა ბრძოლამ და ბრძულმა ქმედობამ გამოიყვანა, სხვა მოძმე ხალხებთან ერთად, ქართველთა ხალხიც, მისი დიდი კულტურული მემკვიდრეობით კომუნიზმის მშენებლობის ისტორიულ სარბიელზე და დღეს წელზე გამართული მშრომელთა მილიონები უმღერიან ბრძენსა და ენამზე შოთა რუსთაველს:

„საუკუნეთა ხლართულში
ბინდი გადასჭრა თენებამ,
თავში ელექტროდ იელვა
შოთას სახელის ხსენებამ,
მასაც მოჰფინა ნათელი
სოციალიზმის შენებამ“.

რუსთაველის პოეტიკის საკითხები

(ორი თავი გამოკვლევიდან)

1. დრო „ვეფხისტყაოსანში“

„ვეფხისტყაოსანი“ იშლება ეპიური თხრობისა (მოგონებანი, მოგზაურობანი და სხვ.) და მიმართვის (ემფატიური ინტონაციის) ფორმებში (ლოცვა მნათობებისადმი, წერილები, შესავალი და დასასრული და სხვ.). ადგილები, სადაც ეს უკანასკნელი (ემფატიური მხარე) სჭარბობს, ამხელენ ჩახრუხადის ოდების გავლენას (ფრაზოლოგიასა, შედარებებსა და ლექსიკონში). მეორე მხრივ პოემაში დაძლეულია ირანული ეპოსის სიუჟეტური ტრაფარეტები. ამის გამო, მიუხედავად ცალკეულ შეხვედრებისა, ვეფხისტყაოსანი გამოირჩევა თავისი სიუჟეტის ოსტატური გაშლით აღმოსავლეთის დიდ ეპიურ ნაწარმოებთა შორის.

მიმართვის, ემფატიური ინტონაციის ძლიერ ნაკადს შეეძლო შეესუსტებინა ფაბულის ან სიუჟეტის გაშლის მომენტი, ამბავთა ცხოველი განუითარება. ავტორი თითქოს იძულებული უნდა ყოფილიყო მექანიკურად მიეკერებინა ამბავთა შემცველი ადგილები ლოცვებისა და წერილებისათვის; ამის მაგალიტები საკმარის ბევრია ირანული ეპოსის ზოგიერთს ძეგლებში. ვეფხისტყაოსნისათვის უცნობია ასეთი მექანიკური გადასვლები და სიუჟეტური დერძი არსად სწყდება, — მიმართვის ტონით დაწერილ თავებშიაც კი, პოემის ნაწილები შინაგანი ძაფებით არიან დაკავშირებული ერთმანეთთან: ნესტან-დარეჯანის ცნობილი წერილი, რომელიც ლირიული მეტყველების უმაღლეს მიღწევას წარმოადგენს და რომელშიაც ტარიელი ასტროლოგიურს პლანშია დახასიათებული, იმავე დროს შეიცავს სტროფს, სადაც ნესტანი სთხოვს მას — წავიდეს ინდოეთს და შეებას ხატაელთ. შემდეგ თავებში აღწერილია ამბავი თვითონ ამ შებმისა სრულიად რეალურ პლანში. ეს, ერთის შეხედვით უხილავი ძაფები, ქმნიან „ვეფხისტყაოსნის“ სიუჟეტის იმ სირთულეს, რომლის მსგავსს ჩვენ ამაოდ ვეძებთ კლასიკური ან აღორძინების ხანის ქართველ მწერალთა პოემებში.

„ვეფხისტყაოსანში“ ორი პლანი ერთმანეთს კი არ უშლიან ხელს, არამედ ანვიტარებენ და ავსებენ. ეს წინასწირი პირობა რომ ყოფილიყო

დაცულო საჭირო გახდა სიუჟეტის შეთანხმება ემთავთურ (მიმართვით) ინტონაციასთან, რომელიც ჩვეულებრივ ვერ ითმენს რთულ ფაბულას, რუსთაველმა შესანიშნავად გადასჭრა ეს საკითხი.

* * *

პოემის ფაბულა, სიუჟეტის ყველა ძირეული ნუანსებით, უთუოდ დიდს ადგილს დაიკავებდა, რომ ავტორს ის, ქრონოლოგიური პრინციპის დაცვით ან სწორხაზობრივ სვლით განევითარებინა. ეპიზოდებიდან ეპიზოდ-ზე უშუალო გადასვლა მაშინ მოითხოვდა უფრო ვრცელი პანორამის შექმნას; მივიღებდით ამბავთა კრებულს, რომლის მსგავსი ბევრი მოიძებნება ქართულს, ირანულს და საერთოდ აღმოსავლურ მწერლობაში: — ვეფხის-ტყაოსანი უნდა ჩაგვეთვალა პოემის ისეთ ტიპად, რომელიც შეიცავს თხრობას საინტერესო ამბებზე, — შინაგანი ლაბირინთის უქონლად და ყოველგვარი სიმბოლიური მნიშვნელობის გარეშე.

რუსთაველის თხზულებაში მოცემულია სიუჟეტი, დამუშავებული ლექსის კონსტრუქციის მამოძრავებელი ძალის — რიტმის — თანახმად და ძლიერ განსხვავდება ჩვეულებრივი, პროზაული სიუჟეტისაგან თავისი აგებულების მხრით. ის შეკუმშულია და ჩასმული პოემის ინტონაციის ხარჩობაში.

ამას — უპირველეს ყოვლისა, ადასტურებს „ვეფხის-ტყაოსნის“ დრო ავილოთ ტარიელის საძებრად კაცების გაგზავნის აღწერის სცენა:

122. მოახსნეს კაცნი, გაგზავნეს ოთხთავე ცისა კიდეთა;
უბრძანეს: „წადით, პატიუთა თავიშა რად დაპრიდეთა!
მონახეთ, ძებნეთ იგი ყმა, სხვად ნურად მოიცილიდეთა,
მისწერეთ წიგნი, სადაცა ჭერ მისწვდეთ, ვერ მიხვიდეთა“.
123. კაცნი წავიდეს, იარეს მათ ერთი წელიწადია;
მონახეს, ძებნეს იგი ყმა, ძკითხეს კვლა და კვლა ღია;
ვერცა თუ ნახეს მნახველი, ღმრთისაგან დანაბადია,
ცუდად მაშვრალნი. მოვიდეს, მათსავე გულსა ზადია;
124. მონათა ჰკადრეს: „მეფეო, ჩვენ ხმელნი მოვიარენით,
მაგრა ვერ ვპოვეთ იგი ყმა, მით ვერა გავიხარენით,
მისსა მნახველსა სულტგმულსა კაცსა ვერ შევეყარენით.
ჩვენ ვერა გარგეთ, საქმენი სხვანი რამ მოიგვარენით“.
125. მეფე ბრძანებს... და ა. შ.

აქ შეკვეცილია მოგზაურობის აღწერა და ის ამბები, რომლებიც მოგზაურობასთან დაკავშირებით შეეძლო მოეთხრო ავტორს. მაგრამ რუსთაველის პოემა წარმოადგენს ლირიული, დრამატიული და პლასტიური სურათების დენასა და არა ამბავთა ქრონიკას.

ამიტომ ავთანდილის პირველი გამგზავრებაც აღწერაში ხშირია ასეთი ადგილები:

156. გამოემართა ავთანდილ, მოყმე მხნე ლალად მავალი,
ოც დღე იარა, დამესა დღე ზედა წართო მრავალო

ან:

201. ყოვლი პირი ქვეყანისა მოვლო, სრულად მოიარა,
ასრე რომე ცასა ქვეშე არ დაურჩა არ იარა;
მაგრა იგი მის ამბისა მსმენელსაცა ვერ მიმხვდარა
ამაში გან წელიწადი სამი სამ თვედ მიიყარა.

ან კიდევ:

241. წინა უკანა იარეს ორნი დღენი და ღამენი.

242. დღისით ვლეს და საღამო-უამ გამოუჩნდეს დიდნი
კლდენი.

და. ა. შ. — სხვა თავებშიაც.

პროზაში ეს ხერხი მწერლის სისუსტის მაჩვენებელი იქნებოდა, რადგან სიუჟეტს იქ გადამწყვეტი მნიშვნელობა აქვს. პოემაში კი იგი სავსებით გამართლებულია. რუსთაველის პოემაში დროის ასეთი პერსპექტივა კონსტრუქციის საკითხს სწყვეტს; რაიც კარგად შენიშნა ჯერ კიდევ აკად. მარტი ბროსემ. ის სწერს:

„გამოვიანგარიშით სულ რაოდენი დრო გამოვა ვეფხის-ტყაოსანის მოქმედებაში. ვპოვებთ 13 წელიწადს, 9 თვეს და რაოდენსამე დღეს თუ მეტს ნაკლებს. თუმცა დრო ესე გრძელია, მაგრამ რუსთაველის ხელოვნებითა ასე შემოკლებულია, რომ იმისი ანგარიში წარმოკლებულს დაავიწყდება. მაგალითად ორი მოგზაურობა ავთანდილისა, რომელიც გაგრძელდება ოთხს წელიწადზე მეტს, მხოლოდ რაოდენთამე მუხლთა შეიცავს. თუ სხვა მწერალი ან მუზლაპრე ყოფილიყო, უთუოდ ზღაპარსა თვისსა გმირის დაბადებიდან იწყებდა და გრძლად აღწერდა ზიკრმესსა მისსა. ხოლო რუსთაველი, ტარიელის პირით, ყველას ასე მოგვითხრობს რომ მოქმედების დროში არ შევა არც მისი შობა, არც უღაბნოში ათ წელ დგომა. ამისმებრცა სხვანი გარემოებანი შემოკლებულ არიან“ (იხ: ვეფხის-ტყაოსანი. 1841 წ. სპბ. გვ. IX).

მ. ბროსეს კარგად აქვს დახასიათებული რუსთაველის პოეტიკის ეს უმნიშვნელოვანესი მომენტი. მართლაც — ვეფხის-ტყაოსანში რეალური დროის დინებისას ჩვენ გვაქვს გადახვევანი წარსული დრო, რომელიც ავსებენ ამბავს, მაგრამ რეალურ დროში არ შემოდინან. მათი თანმიმდევრული განვითარება პოემას ძალზე გაზრდიდა.

ვეფხის-ტყაოსანის სიუჟეტის რეალურ დროში ჩვეულებრივ იჭრება მოგონება (ტარიელის მიერ ყრმობის ამბების თხრობა ავთანდილ-უმნიშვნელოვანესი მომენტი. მართლაც — ვეფხის-ტყაოსანში რეალური და პარალელური — თითქმის მთელი პოემის მანძილზე ენაცვლებიან ურთერთს (დომინანტურ როლს ამ მონაცვლეობის დროს, რასაკვირველია, ასრულებს რეალური დრო). ურთერთ ცვლის მომენტს ადგილი აქვს ცალკე თავებსა და სტროფებშიც კი. რუსთაველი,

მაგალითად, არ ივიწყებს მოგონების მთხრობელის მდგომარეობას თვითონ თხრობის პროცესში. ტარიელი ჰყვება.

„მე ხუთისა წლისა ვიყავ დაორსულდა დედოფალი“.
ესე რა სთქვა, ყმაჲან სულთქნა, ცრემლით ბრძანა „შობაჲ ქალი“.
დაბნედასა მიეწურა, ასმათ ასხა გულსა წყალი
თქვა: „მაშინვე მზესა ჰგვანდა აწ მედების ვისგან ალი“.

ამ სტროფში კარგად არის შეთანხმებული პარალელური დრო (მოგონება) პოემის რეალურ დროსთან.

რუსთველს თითქოს ეჩქარება და ისწრაფის თხრობა გადაიტანოს შეკვეცილ დროში: ადგილის, დროისა და სივრცის მთლიანობა მას აძლევს საშუალებას საგნების ყოველმხრივი და პლასტიური დახასიათებისათვის. სწორედ ამიტომ, პოემაში შესანიშნავია განსაკუთრებით ის ადგილები, სადაც რომელიმე ეპიზოდი აღწერილია რამდენიმე დღის ან უფრო ნაკლები დროის ფარგლებში. ვრცელ დროში კი ყოველივე ეს ძნელი მოსახერხებელი იქნებოდა.

დროის ასეთი პერსპექტივა ხელს უწყობს პოემაში მიმართვითი ტონის ძლიერი ნაკადის შეთანხმებას ეპიურ თხრობასთან, მთელი ინტონაციის დინამიურ განვითარებას. ამას კიდევ უფრო აადვილებს პოემის მეტრიული ჩარჩო: ემფატიური ინტონაციით დაწერილ თავებში სჭარბობს დიქორულ და პეონური საზომი (ე. წ. „მაღალი შაირი“) ხოლო ეპიურ ადგილებში — ქორე-დაქტილური მეტრი (ე. წ. „დაბალი შაირი“) თავისი ნელი ტემპით.

ასევე კარგად არის გადაჭრილი პოეტის მიერ ორი პლანის — ასტროლოგიურისა და რეალურის — ურთიერთ მოქმედების საკრთხი.

2. ორი პლანი ვეფხის-ტყაოსანში

ვეფხის-ტყაოსანის ეპილოგში თამარი შედარებულია მზესთან:

3. ვის შეენის, ლომსა, ხმარება შუბისა, ფარშიმშერისა
მეფისა მზის თამარისა ...

ეს არის ზოგადი, ასტროლოგიური პლანი. მე-5 სტროფში კი მოცემულია სრული სურათი თამარის გარეგნობისა:

5. მიბრძანეს მათდა საქებრად თქმა ლექსებისა ტკბილისა,
ქება წარბთა და წამწამთა, თმათა და ბაგე კბილისა,
ბროლ-ბალახშისა თლილისა, მით მიჯრით მიწყობილისა,
გასტეხს ქვასაცა მაგარსა გრდემლი. ტყვიისა ლბილისა.

ეს არის რეალური პლანი.

პროლოგში რუსთველი თამარს მიმართავს, როგორც ერთერთი მჭკვრეტელი („მისთა მჭკვრეტელთა“...), რომლისთვისაც ნაცნობია მეფის სახე ორივე პლანში: როგორც მეფე-მზის, ღვთაების ინკარნაციისა, ისე ადამიანის, ქალის, — ყველა გარეგნული ატრიბუტით.

პოემის ეპიური ნაწილის პირველივე თავში, სადაც თინათინის დახასიათებაა, მოცემული, ეს ორი პლანი ერთად ჰყოფს თავს: შემდეგ მათი საზღვრები ვრცელდება: ასტროლოგიური პლანი უფრო წერილებსა და ლოცვებში სჭარბობს, რეალური კი — თხრობითს, ეპიურ ადგილებში.

აი როგორაა აღწერილი თინათინი პირველად:

35. სხვა ძე არ ესვა მეფესა მართ ოდენ მარტო ასული,
სოფლისა მნათი მნათობი, მზისაცა დასთა დასული;
მან მისთა მჭვრეტთა წაულის გული, გონება და სული;
ბრძენი ხამს მისად საქებრად და ენა ბევრად ასული.

როგორც ვხედავთ, ამ სტროფში გადმოცემულია შორით მჭვრეტელის, სამეფო დარბაზის წევრის („მისთა მჭვრეტთა...“) თვალით ასტროლოგიურ პლანში დანახული მეფის სახე („სოფლისა მნათი მნათობი“). აქ ჯერ კიდევ არ არის ნაჩვენები სახის კონკრეტული ატრიბუტები, მათი დახასიათება. აეტორი — მთხრობელი თავის ადგილს უთმობს ავთანდილს, რომელიც ამბობს:

„ამოა ქ ვ რ ე ტ ა ტურფისა, ს ი ა ხ ლ ე [= სიახლოვე] საყვარელისა“.

ამ სიახლოვის მომენტში — როცა თვითონ თინათინი-მზე მიიწვევს მას თავისთან ავთანდილისა და მკითხველის წინაშე იშლება შემდეგი პლასტიური სურათი:

130. გაცრცივლსა ტანსა ემოსნეს ყარყუმნი უსაპირონი,
ებურნეს მოშლით რიდენი, ფასის თქმად გასაპირონი;
შვენოდეს შავნი წამწამნი, გულისა გასაგმირონი,
მას თეთრსა ყელსა ეხვივნეს გრძლად თმანი არ უხშირონი.

რეალური პლანის (თინათინის გარეგნობის) დაახლოვება მკითხველთან შესაძლებელი გახდა ასტროლოგიური პლანის დაახლოვებით მჭვრეტელთან, ავთანდილთან; ამის შესახებ ნათქვამია პოემაშიაც:

131. „პ ი რ ი ს პ ი რ პ ი რ ს ა უ ჭ ვ რ ე ტ დ ა ; საესე ლხინითა დიდითა“.

ასეთივე დაახლოვება ზოგადი პლანისა მჭვრეტელთან გვხვდება პოემის სხვა ადგილებშიაც; ხატაელებზე გამარჯვებული ტარიელი ბრუნდება ინდოეთს და მეფესთან ერთად შედის დარბაზში, სადაც პირისპირ შეხვდება ნესტანს:

521. . . .

მეფე გარდახდა, დარბაზსა შევედით ჩემთა მზრდელთასა,
შევხედენ, დავკრთი ელვასა დაწვთა მზეებრ ნათელთასა.

522. მას მზესა ტანსა ემოსნეს ნარინჯის ფერნი ჯუბანი,
ზურგით უთქს ჯარი ხადუმთა, დას-დასახ, უბან-უბანი,
სრულად ნათლითა აევსო სწული, შუკა და უბანი;
მუნ ვარდა შუა შვენოდეს ძოწ-მარგალიტი ტყუბანი.

524. „პ ი რ ი ს პ ი რ მ ი ჯ დ ა ი გ ი მ ზ ე ; გული ვისთვისცა კვდებოდა.“

526. რა უამეა პ ი რ ი ს-პ ი რ საყვარელისა ქ ვ რ ე ტ ა ს ა .

როგორც მკითხველი ხედავს, აქ თითქოს განმეორებულია სურათი თინათინთან ავთანდილის შეხვედრისა. ერთნაირია ლექსიკონიც კი (...ტანსუ ემოსნეს...).

ეს სტილიური ხერხი ამოძრავებს აგრეთვე სიუჟეტის სათანადო აღგილებს.

ტარგიელის პირველი გამოჩენის აღწერისას რუსთველი განზრახ მალავს მის გარეგნობას:

90. მოვიდა მონა საუბრად მის ყმისა გულმდღუღარისად,
თაჯამოგდებით მტირლისა არ ჭვრეტით მოლიწლარისად.

„უცხო მოყმის“ საძებრად წასულ ავთანდილს მუზავრები აცნობებენ:

238. რადგან ისი [ტარგიელი] არის სადმე უცნობო და ისრუ რეტად;

რომე კაცსა არ მიუშვებს საუბრად და მისად ჭვრეტად.

გამოქვაპულში კი სულ სხვა სურათი იშლება:

291,1: „ავთანდილ სარკმლით უმზერდა ჭვრეტითა იდუმალითა:“

292. „ამარტის ფერად შესცვალა ბროლი ცრემლისა ბანამან,
დიდხანს იტირეს ყმამან და მან ქალმან შოსანამან;
შესხნა, შეილო აბჯარი, ცხენიცა მოიყვანა მან;
დადუმდეს, ცრემლინ მოჰკვეთნა შავმან გიშრისა დანამან“.

საკითხავია, რატომ აგვიანებს რუსთველი რეალური პლანის ჩვენებას? ნუთუ პოეტი აქ პერსპექტივის ჩვეულებრივ კანონს იცავს მხოლოდ?

ასტროლოგიური პლანი მოითხოვს მეფე-მზე ზოგად ხანებში იქნას დახასიათებული. თინათინი ამ პლანში ნაჩვენებია, როგორც მზის ბადალი, მზის სწორი; აი ტაეპები, რომელნიც მას ახასიათებენ:

36,1-2 მისი სახელი თინათინ, არს ესტ საცოდნაჩია,
რა გაიზარდა, გაივსო, მზე მისგან საწუნარია:

41,3 შუქთა მისთაებრ საქმეცა მისი მზებრ განაცხადია.

45,3 მან განანათლნეს ყოველნი, ვით მზემან მანათობელმან.

53,1 თინათინ მზესა სწუნობდა, მაგრამ მზე თინათინებდა.

68,2 ფიცა მზე თინათინისა, მის მზისა მოწუნარისა.

106. ადგა და კარსა მივიდა, ჰქონდა მზისაცა ცილობა;

ამ სიტყვიერ ატმოსფეროში თითქოს იკარგება ხორცშესხმული ადამიანის განცდა; პოეტი არ მიმართავს ნიღაბის სრული რელიეფის გამოკვეთას: მჭვრეტელი და დარბაზი აქ მოცემულია თ; ვითონ მეფე-მზის შუქის ქვეშ; ამიტომ არც ნათქვამი თინათინზე:

47,1: „ქალი მზებრ უჭვრეტს ყოველთა ცნობით ზემხედველითა“.

რეალურ პლანში კი იგივე მზე-თინათინი ჩვეულებრივი ადამიანის ატრიბუტებს იძენს და თუ აქაც ხშირად ისმის სიტყვა „მზე“, არა როგორც მეფე ღვთაების შემცველი ცნება, არამედ, როგორც ეპიტეტი. საერთოდ მკითხველმა უნდა გაარჩიოს სად როგორი მნიშვნელობით იხმარება ეს სიტყვა. „მზე“ ხშირად მიემართება მამაკაცებსაც (მაგ. ავთანდილს და ტარიელს), რაიც სავსებით ბუნებრივია: რეალურ პლანში სიტყვა „მზე“ ამოვარდნილია იმ ლექსიკურ ატმოსფეროდან, რომელშიაც მას უხდებოდა მოძრაობა ასტროლოგიური პლანის დინებისას. რეალურ პლანში ის მოხვედრილია სულ სხვა ლექსიკურ რიგში, ასრულებს სხვადასხვა მნიშვნელობას. „მზე“ აქ გვხვდება, როგორც აღწერის საშუალება, შედარების ელემენტი და სწორედ ამიტომ მის გვერდით ჩნდებიან სიტყვები: „ღარი“, „მსგავსი“, „ჰგვანდა“ და სხვ.

ტარიელი ამბობს:

351,რ: „მოვიმწიფე, და ვემზგავსე მზესა თვალად ლომსა ნაკვთად“.
ხოლო ნესტან-დარეჯანს ასეა დახასიათებული ტარიელის მოგონებაში, სადაც პირველად ჩნდება მისი სახელი:

355,ა: „თქვა: „მაშინვე მზესა ჰგვანდა, აწ მდების ვისგან ალი“.

358,ა: მართ მაშინვე ჰგვანდა იგი მზესა შუქთა ნასამალსა“.

360,ა: „მთვარისა მსგავსი, მზისაგან შვენებით არ შეფრობილი“.

და მრ. სხვ.

მკითხველს უნდა მოვაგონოთ, რომ ნესტანი თვითონ არ არის მეფე (როგორც, მაგალითად, თინათინი). ამიტომ კონკრეტულ პლანში მისი დახასიათება სავსებით ლოგიკურია. მაგრამ საკმარისია რუსთველმა ის ასტროლოგიურ პლანში მოაქციოს. (პოემის შემდგომს თავებში), რომ სიტყვა „მზემ“ სულ სხვა მნიშვნელობა შეიძინოს. ემფატიური ინტონაცია ამ მომენტს უფრო აძლიერებს. მაგ. მიმართვა ნესტანისადმი ტარიელის წერილში:

546,ა: „მივუწერე: „მზეო, შუქი შენი, შენგან მონაფენი“.

ან კიდევ ფატმანი ნესტანს:

1333,ა: „ფატმან წერს: „აჰა, მნათობო, სოფლისა მზეო ზენაო!“

და სხვ.

როგორც ვსთქვით, ასტროლოგიური პლანი განსაკუთრებით ძლიერია იმ ადგილებში, რომლებიც მიმართვის ტონებშია დაწერილი. რუსთველი ამ ადგილებში აღწევს შინაგანი სიმბოლიკის იშვიათ ინტენსივაციას: მნათობებთან დაკავშირებულია ბედის სხვადასხვა საფეხური (ლოცვა მნათობებისადმი), ნესტანის ცნობილ წერილში ტარიელი „მზის წილად“ არის მიჩნეული და სხვ.

ჩახრუხადის ოდებშიაც, რომლებიც მიმართვის ფორმებს წარმოადგე-
ნენ, თამარი დახასიათებელია ისეთს ზოგადს, ასტროლოგიურს პლანში:

თამარ! შენ გიცნობ, ასულად გიცნობ მზე დაუვალი შუქ მომფინარი!
(ქება 21).

არსნი მზედ გხმობენ... (ქ. 23).

მან ცათამ არის, მან ცა თამარის და მზე აბნელა მაცისკროვნებად (25).
შენსა სად არსა? შენსა საღორსა ვერა ვსჭვრეტ ცხადად და ნახსოვარად!
თქვენ ას ენათა, მზეო ზენათა! (28).

ზევსმან მზედ გიცნა, უმზესად ზესა მით რომელ უცხო ხარ
სახილველი (70).

შენ მწუნობი ხარ მნათობთა... (85).

[შდრ. რუსთველი: „თინათინ მზესა სწუნობდა“].

ჭვრეტის მომენტს ჩახრუხადეც აქცევს ყურადღებას; ის მიმართავს თა-
მარს:

„მჭვრეტნი ვინ იყო სხვა დაუწველად“ (46).

ან

„ვერვინ გიხილა, ნახვად გიხილა ანუ გიჭვრეტდეს გარეტებულად“ (53).

აქ მკითხველის ყურადღებას მივაქცევთ შემდეგს დეტალზე: „ჭვრე-
ტა“ და „ხილვა“ (ან „ნახვა“) სხვადასხვა მდგომარეობაა. რუსთველსაც
აქვს ესენი გამიჯნული:

„...უ მ ზ ე რ და ჭ ვ რ ე ტ ი თ ა იღუმალითა“ ამბობს ის ავთანდილ-
ზე (ხომ არ შეიძლება თქმა: „უცქერდა ცქერითა“?). სიტყვა „ჭვრეტა-
სთან“ დაკავშირებულია აგრეთვე ემოციური მომენტი.

მოყვანილ ტაეპებში დაცულია დისტანცია მზე-მეფესა და მჭვრეტელს
შორის. რეალურ პლანში, როგორც ვსთქვით, რუსთველი აასლოვებს
გმირთა ამ ზოგად პლანს და მიმართავს გარეგნობის დაწვრილებით
აღწერას. ამ მხრითაც რუსთველს ბევრი საერთო აქვს ჩახრუხადესთან,
რომელმაც პირველად შემოიღო „მელნის ტბის“ პოეტიკა. მაგრამ აღსა-
ნიშნავია, რომ სიტყვა „მზე“-ს ჩახრუხადე აღარ ხმარობს ეპიტეტის მნიშ-
ვნელობით, რადგან მიმართვის ტონი მის ოდებში არსად იცვლება ეპი-
ური თხრობით და ლექსიკურ ატმოსფეროს ხასიათი ბოლომდე ერთფე-
როვანი რჩება.

სამაგიეროდ რეალურ პლანში ვეფხის-ტყაოსანი სხვა მხრით ენათე-
საება ჩახრუხადის ოდებს,

ვეფხის-ტყაოსანში სატრფოს სიყვარულით „დაბნედილი“ და „ველად
გაჭრილი“ მიჯნურს ეწოდება „ხელი“. ასეთია, მაგალითად, ტარიელი,
რომელსაც ავთანდილი ნახავს დახოცილ ლომისა და ვეფხის გვამებთან
ერთად შამშნარში. პოემის ამ ადგილის პოეტიკა მოცემულია ჩახრუხა-
დის ოდების შემდეგს ოთხ ტაეპში:

ჩემსა მოყმესა, ლომთა მოძმესა, ვის არად უჩნდის სახლი და კარი,
დამმეტეს მქმნელად: გაიჭრეს ველად, სადგურად ქონდეს ლომთა
შამშნარი (59).

ასეთი შეხვედრები კიდევ ერთხელ ცხადყოფს ერთსა და იმავე ლიტერატურულ სკოლას, ეპოქას. მაგრამ არ უნდა დაგვაიწყდეს, რომ რუსთველი აღრმავებს ამ სკოლის კულტურას, აჰყავს იგი უმაღლეს საფეხურზე.

რუსთველი ხშირად მიმართავს მხატვრულ გადაჭარბებას: მისი გოლიათი გმირები ცრემლს აფრქვევენ, ვეფხთან მორკინალი ტარიელი ხშირად იჩენს გულჩვილობას. რუსთველი აქ სრულიად შეგნებულ მეთოდს მიმართავს და არ შეიძლება ის პოეტის მხატვრული მანერის სისუსტით აიხსნას რუსთველი ამართლებს პოემის პროლოგში გამოთქმულ მიჯნურობის კოდექსს:

„ხაშ მიჯნური ხანიერი, არ მეძავი, ბილწი, მრუწი,
რა მოშორდეს მოყვარესა, გაამრავლოს სულთქნა, უში“ (26).

ამ სრულიად შეგნებულ მხატვრულ პრინციპთან ერთად (აქვე უნდა მოვიგონოთ პოემის ფანტასტიკური ადგილები. გრძნეული, დევები და სხვ.). ვეფხის-ტყაოსანი შეიცავს უაღრესად რეალისტურ ადგილებს, ყოფის დამახასიათებელი შტრიხებით (მაგ. ფატმანის თხრობაში).

რუსთველისათვის ობიექტურ სამყაროს („რეალურ პლანს“) დამოუკიდებელი აღწერის მნიშვნელობა მარტო როდი ჰქონდა. პოეტი იმავე დროს იძლევა მის ახსნას სიმბოლიურ ხაზებში“. („ასტროლოგიურ პლანში“) თავის გმირებს რუსთველი ხშირად უკავშირებს კოსმიურ სისტემას; აქ ის სწორუბოვარია; ამიტომ ასე ხშირია პარალელები ვარსკვლავებთან, მზესთან და მთლიანად ცასთან.

ტარიელის ნახვის შემდეგ არაბეთს მიქცეული ავთანდილი შედის სასახლის დარბაზში და ხედავს თინათინს:

732. „მას ავთანდილ თაყვანი სცა, ლომთა ლომმან მზეთა მზესა,
მუნ ბროლი და ვარდგიშერი გაეტურფა სინაზესა!
პირი მისი უნათლეა სინათლესა ზესთა-ზესა,
საზლ სამყოფი არა მართებს, ცამცა გაიდარბაზესა“.

რუსთველისათვის ადამიანის ცხოვრება ნაწილია კოსმიური ანსაბლისა; მისი პოემის ქვეყანა გაშუქებულია მზით, თვითონ ადამიანებიც მზის სახეებად არიან გამოცხადებული მიწაზე (ტარიელზე — „ვთქვათ თუ მზეთაო ქვეყანად“ ან ნესტანზე — „აწუ მზე იყო ქვეყანად...“), რომელნიც ბოლოს უბრუნდებიან მთავარ, კოსმიურ მზეს.

ნესტანი ამბობს ტარიელზე:

„მუნა [მზეში] ვნახო, მანდვე გასახო, განმინათლო გული ჩრდილი,
თუ სიცოცხლე მწარე მქონდა, სოკვილიმცა მქონდეს ტაბილი“.

ასე, — მზე არის სიცოცხლის საწყისი და მისი დასასრულის შემცველიც.

სიყვარული, მეგობრობა და გმირობა

„ვეფხისტყაოსანში“

ბევრი ხელით ნაწერი „ვეფხისტყაოსნისა“ გადაუგდია ქართველ სა-
მღვდლობებს მდინარეში და საგრძნობი რიცხვი პოემისა ჩაუნთქავს კლე-
რიკალების კარნახით ანთებულ კოცონს.

აღორძინების ხანის ზოგიერთი პოეტიც ცდილა „ვეფხისტყაოსნის“
ავტორთან შეტოქებას, და რუსთველისთვის პირველობის ჩამორთმევას;
მაგრამ მდინარეს ვერ ჩაუქვრია პოეტური გენიით ანთებული სტრიქონები
და ცეცხლს ვერ დაუწვავს ქართველი ხალხის გულში მღელვარე პოემა,
ხოლო ვერც ერთი აღორძინების და შემდეგი ხანის პოეტი ვერ გათანას-
წიერებია რუსთველის ავარდნილ გენიას.

გურამიშვილის სიტყვით რომ ვსთქვათ, ლექსი რუსთველისებრ ნათქ-
ვამი შემდგომში არავის მოუსმენია ქართულ სიტყვა-ჯამულ მწერლო-
ბაში. ვერც ჩახრუხადის ვირტუოზულ ლექსალურ ფორმას გაუწევია რუს-
თველის ღრმა შინაარსიანი და ფოლადივით მოწკრიალე სტრიქონებისა-
თვის შეტოქება. არც შავთელის დარბაისლური სულით გაჟღენთილი
ოდები ჩაწვდენია ხალხის გულის-თქმას ასეთი სიძლიერით. „ვეფხისტყა-
ოსანი“, მიუხედავად მისი დიდი ინტელექტური პორიზონტისა, მიუხედა-
ვად მის ლექსიური დიდი ოსტატობის სიმაღლისა, ხალხის მენსიერებას
შეუნახავს და მრავალი საუკუნეების ქარიშხალი გადაუტანია პოემის
ხერხემალს. პოემაში ხალხს უგრძენია ოსტატის ჯადოსნური ხელი და
ადამიანის სულიერი სიფაქიზის გამოხატვა. ხალხს უგრძენია პოემის ხალ-
ხურობა პოეტურ გამოთქმის ოსტატობასთან, დიდი შინაარსობრივი სიბ-
რძნის შეთავსება. ქართველი პოეტები არჩილი, ვახტანგი, გურამიშვილი,
ილია, აკაკი და ვაჟა მოჯადოებულან რუსთველის მხატვრული სიძლი-
ერით. ვეფხისტყაოსანს აუხსნია შემდგომი თაობის პოეტებისათვის, რომ
პოეზია არის სიბრძნის ერთი დარგი. ქართულ მწერლობას ხალხთან ერ-
თად, გამოუცხადებია რუსთველი სიბრძნის პოეტათ და ქართული ლექ-
სის თქმის ფუძემდებელად.

„მე ვარ ძირი ლექსის თქმისა, მეღექსენი ჩემზე შენობსო“ ათქმევინა
არჩილმა რუსთველს და ამით განმარტა რუსთველის როლი ქართულ
პოეტურ მეტყველებაში.

„ვეფხისტყაოსანში“ მკითხველს დაუნახავს ადამიანის სამქვეყნო ცხოვრობის მხატვრული დახასიათება და ჰიქნი მეგობრობისა, სიყვარულისა და ვაჟკაცობისა. მას გაუხსნია ახალი სამყარო ჰუმანიზმისა ქართულ პოეტურ აზროვნებაში. მამასადამე ეს წიგნი ქართველთათვის ყოველთვის დიდი საგანძური ყოფილა, მისი ზნეობრივი ამაღლების კეთილხმოვანად მქადაგებელი და მხატვრული გემოვნების მწვრთნელი. ჯერ კიდევ მე-20 საუკუნემდღა „ვეფხისტყაოსანი“ ქალის მზითველში ელვა-რებდა და განსაკუთრებულ მომხიბლაობას აძლევდა პატარძლის შემოსვლას ოჯახში. სიძვე დიდი სიამაყით მოელოდა „ვეფხისტყაოსანიან“ ქალს თავის ჭერქვეშ. უნდა ვიფიქროთ, ოჯახში ეს წიგნი სულიერი კულტურის საწინდარი უნდა ყოფილიყო და ოჯახის წევრთა ესტეტიური კულტურის მახვენებელი.

წიგნი ყოფილა მოძრავი აკადემია და „ვეფხისტყაოსანიან“ ოჯახში „რუსთველის კუთხეს“ განსაკუთრებული ადგილი სჭერია. თუ გავიხსენებთ ჯერ კიდევ ჩვენს მოხუცებს და მათ შეჯგობრს რუსთველის კითხვაში ან კამათს რუსთველის აფორიზმების გამო, ჩვენთვის ერთხელ კიდევ ნათელი გახდება, რომ რუსთველი წარმოადგენდა ქართველი ხალხის ზნეობისა და მხატვრული კულტურის დაუშრეტელ წყაროს. მთელი რიგი აფორიზმებისა. ისე გავრცელებულა ხალხში, რომ ავტორის ვნაობა დაშორებია აფორიზმს და ხალხს, როგორც ხალხური სიბრძნე მიუღია იგი. განსაკუთრებული სიყვარული მაინც რუსთველის სამ გამოთქმას რეგება სა-ქართველოში. ეს სამი საანდერძო თქმა პოეტისა, ყველას სცოდნია, რომ რუსთველს ეკუთვნის და ხალხსაც დაუმახსოვრებია მცნებანი ოსტატისა:

„სიყვარული აგვამაღლებს“

„სჯობს სიცოცხლესა ნაძრახსა სიკვდილი სახელოვანი...“

და „ხამს მოყვარე მოყვრისათვის თავი ჭირსა არ დამრიდად.

გული მისცეს გულისათვის, სიყვარული გზად და ხიდად“-ო.

მართლაც „ვეფხისტყაოსანი“ ხსენებული სტრიქონების სიუჟეტური დადასტურებაა და მათი ქადაგება საყოველთაოდ. ამ გრძნობებით შეიარაღებულ პოემას გადაუტანია მონღოლების შემოსვლა, შაჰაბაზისა და ალამაჰმადხანის მიერ აოხრება ქვეყნისა, ფეოდალების არევა-დარევა და ჩარჩენილა ხალხის გულში, რათა დღევანდელ საუკუნისათვის გადმოეცა წარსულ საუკუნეების ადამიანის სულის მღელვარება, როგორც ბირველი წყარო უახლოესი რენესანსისა.

რუსთველმა იცოდა მკაფიო ხაზებით ადამიანის გრძნობების მდინარების გადმოცემა და ნათელი რეალისტური განჭვრეტა ხალხის ცხოვრობისა. პოეტს გააჩნდა ოსტატის ხელი, რომელიც ანტიური ოსტატების მკლავის შესაძლებლობას გვაგონებს, ხოლო ხელთ ეპყრა დიდი პალიტრა, მსგავსო ვენეციულ მხატვრებისა და პოემაში გაბნეული ფერების ურია მული დაუსრულებელია და მარადიული: როგორც ეტყობა პოეტმა შეითვისა არაბულ და სპარსულ პოეზიიდან წერის მანერა და სიფაქიზე სახისა და ფერადების აღმოსავლური მინიატურების მსგავსად და-

ბეჭდა პოემის სურათებში. რუსთაველს შეუთვისებია აგრეთვე ბიზანტიელ ოსტატების ხელოვნება. პოეტური ნახატიანების მოზაიურობა შეენარჩუნებინა და ძვირფას თვლებად განსახიერებული მეტაფორები ეთალა დიად იუველირის მსგავსად. ზედმიწევნით უნდა ჰქონოდა შესწავლილი ანტიური ფილოსოფია და უნდა ვიფიქროთ „Он долго беседовал с Гомером-один“.

ყველაფერი ეს, როგორც ვთქვით პოეტს გამოუყენებია ადამიანის უმაღლესი გრძნობების გამოსახატავად და სიყვარული, გმირობა და რაინდობა პოემაში ჩამოუძვრწავს შთაგონებული მღელვარებით, ხალხსაც სრულიად სამართლიანად მიუღია „ვეფხისტყაოსანი“, როგორც ტრფიალების ჰიმნი და რუსთველის პოეტურ პიროვნებაში და ეპიკოსი და ლირიკოსი ერთ მთლიანობაში მოუქცევია.

სიყვარული აგვამაღლებსო, — უთქვამს პოეტს ავთანდილის ანდერძში და მართლაც პოემის მთლიან სიუჟეტს სიყვარული ამოძრავებს, როგორც ამოვარდნილი ქარაშხალი ზღვის მიმოქცევას. ქართული ნეოპლატონიკოსი იოანე პეტრიწონელის ფილოსოფიური მოძღვრება და აღმოსავლური სიბრძნე პოეტმა მხატვრულ სახეებით დაიმორჩილა, შექმნა საკუთარი პოეტური ხილვა სამყაროსი ქართულ სინამდვილესთან შეფარდებული და დაუტოვა საკუნეებს შეუდარებელი საგალობელი სიყვარულისა.

I

სიყვარულის გრძნობის მთავარ გამომხატველ გმირებად ავტორმა ტარიელი და ნესტანი წარმოგვიდგინა. ტარიელი ავტორმა შემოსა ვეფხისტყავეთ და ნაწარმოებს და გმირს ორივეს „ვეფხისტყაოსანი“ უწოდა. ეს უსათუოდ დამახასიათებელია პოემისათვის, მთავარი გმირის თვისება მთელი პოემის სახეობაც არის. გმირი და ნაწარმოები ერთნაირ ვნებიანობით არიან გაყენებული.

მართალია, „შაჰ-ნამეში“ როსტომს სპილოს ტანზე ვეფხისტყავე აქვს შემოსხმული და ჯავშანის მაგიერობას უწევს ბრძოლაში გამოსულ მეომარს. ილიადაში „ღვთაებრივ პარისის“ პირველ გამოჩენასაც ამშვენებს გავაზის წამოსასხამი, მაგრამ ხსენებულ პოემებში წამოსასხამს იმდენი აზრობრივი დატვირთვა არ გააჩნია, რამდენიც რუსთაველის ვეფხისტყავეს.

როდესაც ტარიელმა გაგულისებული ნესტანი ნახა „ქვე წვა ვიოკლდისა ნაპირსა, ვეფხი პირგამეხებული“.

ხოლო ნესტანის დაკარგვის შემდეგ ეს უკანასკნელი სურათი ჩარჩა გმირს მიჯნურის მოსაგონებლად და ტარიელმაც ნესტანი წარმოიდგინა ვეფხისტყავეს სახეობაში. ხოლო ტარიელი დანაშაულს გრძნობდა სატრფოს წინაშე და ტანზე შემოიხვია მიჯნურის მშვენება, რათა ყოველდღე ეტანჯნა სატრფოზე ფიქრით.

„რომე ვეფხი მშვენიერი სახედ მისად დამისახავს;

ამად მიყვარს ტყავი მისი, კაბად ჩემად მომინახავს“...

განდევნილმა 'ნესტანმა' ოდიესს გვარად. გამოიარა ბევრ განსაცდელში და უკუღმართ სივრცეებზე წრიალის შემდეგ დატყვევებული იქნა ქაჯეთის ციხეში, მაგრამ ტარიელის ნაჩუქარი რიდე მუდამ თან ახლდა სასურველს და ნესტანისთვის ეს იყო ნაწილი ტარიელის სიყვარულისა და ვაჟკაცობისა:

„გეთქვა ნიშნისა გაგზავნა, ან ესე გაამჟღავნია,
მისეულთავე რიდეთა ნაკვეთი გამიგზავნია;
ესენი ჩემთვის მის გამო ტურფანი სანახავნია;
თუცა თუ ფერად ბედისა, ჩემისა მსგავსად შეენია“.

სწერდა ნესტანი ქაჯეთის ციხიდან ფატმანს. ხოლო ტარიელისადმი გაგზავნილ წერილში ნესტანი კიდევ უფრო დიდი ინტიმით გამსჭვალულია ტარიელის ნაჩუქარ რიდის მიმართ:

„აჰა ინიშნე, ნიშანი შენეულისა რიდისა,
გარდმიკვეთია ალაში, ჩემო, ერთისა კიდისა;
ესელა დაგრჩეს სანაცვლოდ მის იმედისა დიდისა“.

და სატრფიალო შეტყუებულების მოსაგონებლად დაუბრუნდა ტარიელს რიდის ნაკვეთი.

სიყვარულის დრამატული დენა პოემაში გამოხატულია სრულიად რეალისტური სურათებით და რუსთაველს არ სჭირია დააღვეინოს თავის გმირებს გრძნეულის მომზადებული წამალი, რომ სიყვარულმა აღიტაცოს ორივე სქესა. სიყვარულის გრძნობის აღწერასაც ავტორს სრულიად განდევნილი აქვს ზღაპრული ელემენტი და გმირების პირადი მშვენება და მათგან გამოწვეული შთაბეჭდილება საკმარისია სიყვარულის დრამატული კვანძის გასახლართავად.

როდესაც ასმათმა ფარდაგი ასწია და ტარიელმა იხილა ნესტანის მშვენება „ეცა ლახვარი მის ცნობას და გულსა“, ამავე დროს ნესტანი მოიხიბლა ტარიელის მშვენებით და დაიბადა უმძაფრესი დრამა ტრფიალებისა; როგორც ტრისტან და იზოლდაში გრძნეულის წამალი აღიტაცებს სიყვარულის გრძნობებით ქალსა და ვაჟს, ისე ვარეგნული მშვენება „ვეფხის-ტყაოსანის“ გმირებისა ანთებს სიყვარულის უცარ ცეცხლს და კოდავს მიჯნურების გულსა და ცნობას. კიდევ უფრო რეალისტური უბრალოებით და მიმზიდველი ფსიქოლოგიური სიმართლით დაგვიხატა ავტორმა მათი შემდეგი შეხვედრა. ტრფიალების გასამჟღავნებლად ნესტანმა დაიბარა ტარიელი, დასვა ახლოს და უცქირა ერთ ხანს, მაგრამ მოზღვაულ გზრძნობამ დასძლია და თავის რაინდს ვერაფერი უთხრა გამეფებული სიჩუმის შემდეგ ასმათმა შეატყობინა ტარიელს „აწ წადიო, ვერას გითხრობსო“. ხოლო შემფოთებულ ტარიელს ასმათმავე აუხსნა „სირცხვილი აქვთ საუბრისა, მერე თავსა კრძალავს დადიო“. რამოდენიმე ხნის შემდეგ ნესტანმა მოიკრიბა ძალა და ტარიელი ისევ მოიხიბო. ქალმა უკვე შესძლო გამოეხატა თავისი სიყვარული და ბაგეებისაფვის მიეტა უფლება. რათა ამეტყველებულიყვნენ მიჯნურის წინაშე:

„მიბრძანა: ძულან გეწყინა გაგზავნა უუბარისა,
მზემან გაყროთა დაგაქნე, ვითა ყვავილი ბარისა,
დადგვიდა დენა ცრემლისა ნარგიზთათ ნაგუბარისა,
მაგრამ ხამს ჩემგან სირცხვილი და რიდი ამილბარისა.
თუცა მართებს დედაკაცსა მამაკაცის დიდი კრძალვა,
მაგრამ მეტი უარეა, არა თქმა და ქირთა მალვა“.

მოყვანილ სტრიქონებში რუსთაველმა გამოხატა არა მარტო ქალის ლირიული მონოლოგი სიყვარულისა; არამედ გაგვიხსნა ქალის ღირსება და უფლებაც მიჯნურობაში.

ინიციატივა სიყვარულისა არა მარტო მამაკაცისაგან მომდინარეობს, არამედ ხშირად ქალი ხსნის კვანძს სიყვარულის დრამაში. გამბედაობა ქალისა მიჯნურობაში არა ნაკლებია, ვიდრე მამაკაცისა: „მან დამიწყო ქვე-ქვე წვევა; მწაღდა, მაგრა ვერ შეემართე შემოქდომა, შემოხვევაო“, ამბობს ტარიელი.

თინათინმაც პირველად გაუმხილა ავთანდილს თავისი გულის თქმა, — გამოიწვია რაინდი სამიჯნუროდ და მისამდე დამალული გრძნობა გაამჟღავნებინა „მაგრა შორით სიყვარული შენგან ჩემი შემიტყვია“ — და მოყმეს გაუადვილა მისდამი სიყვარულის გამოხატვის წადილი.

ქართველი ხალხიც სწორედ განმარტავდა რუსთაველის აფორიზმს „ლეკვი ლომისა სწორია, ძუ იყოს. თუნდა ხვადია“, ხალხი ადასტურებდა, რომ ხსენებულ სტრიქონში რუსთაველმა გამოხატა ქალისა და ვაჟის თანასწორობის იდეა, ხსენებული აფორიზმის სიუჟეტური გახსნა რუსთაველმა მართლაც მოგვცა, რომ აღმოსავლეთის ტახტზე მჯდვე თინათინი აიყვანა და გაიმეორა პოემაში გიორგი მესამის ასულის თამარის ტახტზე ასვლის ამბავი.

ბევრჯერ ყოფილა შედარებული დასავლეთ ევროპის ტრუბადურებს სპოეზიაში გამოხატული ქალის კულტი და „გვეფხის-ტყაოსნის“ ქალის სრულქმნილების იდეალი, მაგრამ საშუალო საუკუნეთა ტრუბადურთა სატრფიალო ქალები ვერ არიან იმგვარად ხორცშესხმული, როგორც რუსთაველის „გვეფხის-ტყაოსნის“ ჩამოძვრნილ ასულები. ნესტანი და თინათინი მომქმედი და მოთაბიბრე ადამიანები არიან, ისინი პოემის სიუჟეტის დენაზე არა მარტო თავიანთი მშვენიერებით ახდენენ გავლენას, არამედ თავიანთი იდეებით და თავიანთი მოქმედებით ახერხებენ პოემის სიუჟეტის გაშლას. ისინი ხშირად მოქმედებენ, როგორც რაინდები, და სახელმწიფო გამგებლობაში მოწინავე ადგილები უჭირავთ.

ამგვარად რუსთაველის ქალები არა მარტო მდგომარეობით და მშვენიებით უსწორდებიან მოტრფიალე რაინდებს, არამედ მათი სულიერი კულტურა პოემაში გამოხატულ მამაკაცების სულიერ კულტურას უსწორდება.

ხასიათის სილამაზეს გარეგნული სილამაზეც უნდა ამკობდეს აუცილებლად და პოემის გმირები ყოველმხრივ მშვენიერები. ჰარმონიულ არსებებს უნდა წარმოადგენდნენ. ავტორი, თუ გმირთა შინაგან ცხოვრე-

შას გვიხსნის, როგორც დიადი დოსტაქარი ადამიანის გრძნობისა, არა-
ნაკლები ძალაა დახარჯული პოემაში გამოყვანილ ქალების გარეგნულ
სიმშვენიერის გასაშუქებლად. გარეგნული სიმშვენიერის გადმოცემისას,
რუსთაველი არაბულ და ირანულ პოეტიკის ტრადიციებთან ერთად ბი-
ზანტიელ ოსტატების გარკვეული გზის მიმდევარიც არის. პოეტურ სურათს
სამიჯნუროდ განწესებულ ქალებისას, პოეტი ხშირად მოზაიკურად ხა-
ტავს და ძვირფას თვლების ელვარებას დიდსდგაოს უთმობს პოეტურ ნა-
ხატში, ამავე დროს ვიზიონერულად ათამაშებს ჩრდილსა და სინათლეს
და მოულოდნელ შთაბეჭდილებას სტოვებს მკითხველში. ყოველივე ნათ-
ქვამი დადასტურებულია ავთანდილის და თინათინის შეხვედრის სცენა-
ში, სადაც თინათინის გარეგნული სილამაზეა მოხაზული.

„გაძრცვილსა ტანსა ემოსნენ ყარყუმნი უსაპირონი,
ებურნეს მოშლით რიდენი, ფასის თქმად გასაჭირონი,
შვენოდეს შავნი წამწამნი, გულისა გასაგმირონი,
მას თეთრსა ყელსა ეხვიენეს გრძლათ თმანი არ უხშირონი“.

და შემდეგ: „მთვარესა მისთა შუქთაგან უკუნი გადაფენოდა“, ხოლო ნეს-
ტანის მშვენიება პოეტს მთვარის შუქივით გადმოღვრილი აქვს პოემაში
და მისი სილამაზე ადგას მთელ პოემის ცხოვრებას, როგორც ნათელი.

„ქალი გადმოსვეს, სისხონი ვნახენ მისისა თმისანი,
მას, რომე ელვა ჰკრთებოდა, ფერნიცა ჰგვანდეს რისანი!
მან განანათლა სამყარო, გატუდდეს შუქნი მზისანი“.

ჰყვება ფრიდონი ნესტანის მშვენიებით მოხიბლული. მონა ქაჯი თავის
მოთხრობაში უფრო აძლიერებს ბნელ ღამეში მოვლენილ ნესტანის სი-
ლამაზის ძალას:

„ვუჭვრიტეთ პირსა მნათობსა, ელვათა მოელვარებსა,
მისი ციმციმი მზისაებრ ეფინებოდა არებსა,
ძვირ-ძვირად გვეუბნებოდა სიტყვასა რასმე წყნარებსა,
კბილთაგან შუქი შიადგა ზედან გიშრისა სარებსა“.

ხოლო სიმორცხვე და მოკრძალებაც, წამწამთა ჩოდილივით ადგია ნეს-
ტანს და თინათინის სახეებს და ისინი პოემაში ცხოვრობენ ძვირფასი
თვლების ელვარებით.

რუსთაველი საყვარლის გრძნობის გამოხატვაში მრავალფეროვანია,
როგორც ბუნება და ბუნებისათვის ახალი და ახალი სახეებს შემომჭმე-
და. გმირების სულიერ სამყაროს პოეტი მრავალი პოეტური ხეობით აქან-
დაკებს მკითხველის წინაშე, ხშირათ დრამატული სცენით იწყებს პოეტი
საყვარლის გრძნობის გამოხატვას და შემდეგ სცელის ლირიკული მონო-
ლოგი.

ნესტან-დარეჯანმა საყვარლის გრძნობის დასაგვირგვინებლად ბევ-
რი წვალება და ტანჯვა გამოიარა. რუსთაველიც ოსტატურად მოგვიხს-

რობს ნესტანის თავგადასავალს, მაგრამ ნესტანის სიყვარულის ძალის მაჩვენებელი მაინც მისი წერილებია. ლირიული მონოლოგის სახეობითა დაწერილი ნესტანის წერილი ქაჯეთის ციხიდან ტარიელისადმი გამოგზავნილი. შეიძლება გადაჭრით ითქვას, ასეთი სიძლიერის მონოლოგი სიყვარულისა, საშუალო საუკუნეებში, არ თქმულა არც აღმოსავლეთის, და არც დასავლეთის პოეზიაში.

„დაწერა წიგნი, მსმენელთა გულისა ვასაგმორალი, ვარდი გააპის, გამოჩნდის მუნ ბროლი გამომჭირვალიო“ გვეუბნევა პოეტი და თავის წინასწარ დახასიათებას ნესტანის წიგნისას, მართლაც ადასტურებს წერილის მღელვარე სტრიქონებით.

მე სიკვდილი აღარ მიმძიმსო, ამბობს ქაჯეთში დამწყვდეული ნესტანი და უმატებს:

„აქა თავსა გარდავიქცევ, ახლოს ვახლავს დიდი კლდენი“.

რუსთაველი ახალი საუკუნეების რომანის წინამორბედია და მოტრფილე ქალის ახალი სახის გამომქანდაკებელი, ნესტანის პიროვნებაში დიდი სულიერი ქარიშხალი დააქროლა ავტორმა და ნესტანის მონოლოგით ახსნა მაშინდელ პოეზიისათვის უცნობი შინაგანი სამყარო მოტრფილე ქალწულისა.

ტარიელი უფრო მომყოლია თავის ტკივილებისა, თავის დრამატიულ ცხოვრებასა, მაგრამ თავის ტრფილულების გადმოცემაში გმირი უბედურ შემთხვევების მოყოლით არ კმაყოფილდება, სიყვარული ტარიელის გონებაში იწვევს საოცარ ხილვებს და მოულოდნელ ასოციაციებს, ხოლო ეს ხილვები აძლიერებენ და ხსნიან მკითხველის წინაშე ვეფხის ტყავიან გმირის სულიერ ტანჯვას.

მეტაფორა ვეფხის ტყავისა ბადებს ერთ უშესანიშნავეს სცენას პოემაში: ერთხელ ტარიელმა იხილა ლომი და ვეფხი ეთამაშებოდნენ ერთმანეთს. მაგრამ ლომი მედგრად გაეკიდა. „ვეფხი და იგი ვერვინ დაამშენდეს“. ტარიელს ეწყინა სატრფოსადმი ასეთი ცუდი ქცევა რაინდისა და მოკლა გაბრაზებული ლომი, ხოლო ვეფხმა გმირს მაშინვე მოაგონა თავისი სატრფოს მშვენება. შეიპყრო იგი ხელით და მოუწა და სატრფოს კოცნა. „მის გამო კოცნა მომინდა, ვინ მწვავეს ცეცხლითა ცხელითაო“, მაგრამ ვეფხი გაუძალიანდა და

„რაზომსაცა ვამშფიდებდი, ვეფხი ვერა დავამშვიდე,

გავგულისდი, მოვიქნივე. ვკარ მიწასა, დავაწყვიდე;

მომეგონა, ოდეს ჩემსა, საყვარელსა წავეკიდე.

სული სრულად არ ამომხდეს, რა ვიკვირს, თუ ცრემლსა

ვღვრიდეო“.

ბუნების შეილმა და მოყმის ტრადიციების მატარებელმა ტარიელმა ვერ მოითმინა, რომ ლომი ასე უხეშად ეპყრობოდა თავის ტურფას, ხოლო ლომიდან განთავისუფლებულმა ვეფხმა ვერ გაიგო რაინდის გულის ნადები და მისი ხელებით დახრჩობილ იქნა. მაშინ გაახსენდა გმირს, რომ

შის მოქმედების შედეგად დაიღუპა ნესტანი და სასოწარკვეთილებაში
ჭაგარდა.

ტარიელის ბუნებაში ყოფნა ნაწილობრივ ენათესავება პოემა მეჯნუ-
ნიანის გმირის მეჯნუნის ველად გაქრას; მაგრამ მეჯნუნი-ბუნებაში დაგ-
ლანებულა და მისი სულიერი სამყარო უფეროვნა. ტარიელს ბუნებაში
ყოფნისას, შენარჩუნებულ აქვს რაინდის იერი და გმირული მშვენება.
მოსასხამით თანა სდევს სასოწარკვეთილ რაინდს, ლეილ მიჯნუნიაანის
ქართული ვერსია თეიმურაზისა, ისეთი ღრმა მხატვრულ სურათს ვერ
გვაძლევს სიყვარულის გრძნობისას, როგორც ნესტანისა და ტარიელის
გულში ანთებულა.

ტარიელმა ბუნებაში ნესტანის სახე მონახა, მაგრამ ბუნებამ ვერ
დაამშვიდა იგი, რადგან თვით ბუნების სიმშვენიერე ნესტანი, ქაჯეთის
ციხეში იყო დატყვევებული და როგორც „მთვარე ჩანთქმული გეგლსა“
იტანჯებოდა ბუნების ბნელ ძალებით შეპყრობილი, ასე აკავშირებს რუ-
თაველი ბუნების ძალებს და ადამიანის სულიერ ცხოვრებას. ბუნება-ს
ძახებების საშუალებით ხსნის გმირების შინაგან ხასიათს, ადამიანის და
ბუნების შორის ხედავს დაურღვეველ კავშირს და მთლიანობას.

კოლორიტი პოემისა გვეუბნება, რომ პოემის დრამა უსათუოდ უნდა
გათავდეს კეთილის გამარჯვებით და ქვეყნად ვაჟაკობის და სიყვარუ-
ლის განმტკიცებით. რუსთაველის გმირების ტირილიც არ არის მჩვე-
ნებელი მათი სულიერი დაცემულობისა და სისუსტისა.

„ილიადაში“; „სლოვო ო პოლკუ იგორევე“-ში და „ვეფხისტყაოსან-
ში“ გმირები ტირიან, რათა გვიჩვენონ დიდი სულიერი ენერგია უბედური
შემთხვევით გამოწვეული, რომელიც გმირებს თავიანთი მოქმედებით
ჯერ კიდევ ვერ დაუხარჯავთ სიუჟეტის დენაში.

პოემის შესავალში რუსთაველმა საერთოდ მიჯნურის მოვალეობა და
შისი ყოფაქცევა დაგვიხატა:

„მიჯნურსა თვალად სიტურფე მართებს მართ ვითა მზეობა,
სიბრძნე, სიმდიდრე, სიუხვე, სიყმე და მოცალეობა,
ენა, გონება, დათმობა, მძლეთა შებრძოლთა მძლევობა, —
ვისცა ეს სრულად არა სჭირს, აკლია მიჯნურთ ზნეობა“

ამბობს ავტორი და ყოველივე თქმულს ადასტურებს ავთანდილის, ტარი-
ელის, თინათინისა და ნესტანის ბიოგრაფია, მაგრამ სიბრძნის მჭონე
და მიჯნურობის სახე ყველაზე მკაფიოდ ავტორმა გამოხატა ავთანდილის
ხასიათში. ავთანდილი რუსთაველის განმარტებით ბრძენია და სიყვა-
რულიც მოყმისათვის სიბრძნის ერთი დარგია. ავთანდილსვე ათქმევინა
პოეტმა „სიყვარული აგვამალლებსო“ და ავთანდილმა მოგვცა ფილოსო-
ფიური დახასიათება რუსთაველის მიჯნურობისა.

ავთანდილისა და თინათინის სიყვარული სრულიად სხვაგვარ ფერებ-
შია ავტორის მიერ წარმოდგენილი და გაშლილი. გრძნობათა მოჭარბება
ქალსა და ვაჟს შორის გონივრული სიღინჯია და მოფიქრების სადავითად.

შენელებული, ტრფიალების ალიც უეცრივ არ ანთებულა ავთანდილის და თინათინის „ცნობასა და გულსა“ შინა. ისინი ერთმანეთს თითქოს შეჩვეულად და ფარულად უტარებიათ ტრფიალების ცეცხლი გულში, გულსა მისსა მიჯნურობა მისი (თინათინის) ქრნდა დამალულადო, გვეუბნება ავტორი ავთანდილის სიყვარულზე და დიდა ხნის შემდეგ თინათინიც ეუბნება: „მაგრამ შორით სიყვარული შენგან ჩემი შემიტყვია“-ო.

მართალია უცხო ყმის ძებნად წასულ ავთანდილს „მოეგონოს საყვარელი, გაუაზრდეს ცეცხლი ალთა და მელნის თვალთაგან სისხლის-ცრემლი სდის“, მაგრამ ავთანდილი ბრძენია და ფილოსოფიურად ამხსნელი სამყაროსი; თავის სიყვარული ავთანდილს წარმოუდგენია, როგორც კოსმიურ ჰარმონიაში შემავალი მოვლენა, ამიტომ გვამალებს სიყვარული და სიყვარულის ობიექტი თინათინი ხსენებულ ჰარმონიის მთავარ სახეობის მზის დარია და ცხოვრებაში გზის მანათობელი. „მზეო, გიტყვი თინათინის ღაწვთა დარად: შენ მას ჰგავ და იგი შენ გგავს, თქვენ ანათებთ მთა და ბარად“... თინათინის შესაფერი მეტაფორა კოსმიურ სურათიდანაა აღებული ავთანდილის მიერ, თინათინი მოყმისათვის მზეს წარმადგენს და გზას უნათებს უცხოეთში გადავარდნილ მოყმეს. მზე ხშირად მეგობრის წინაშე მოვალეობის შესრულებაში ეხმარება შეყვარებულ ავთანდილს. მოყმეც მეგობრისათვის თავდადებას პირველ ადგილს უთმობს ცხოვრებაში, მაგრამ სატრფოს სახეობა მზესავით ყოველთვის თან სდევს ავთანდილს და შესანიშნავ ლირიულ მონოლოგს ათქმევინებს ქვეყნად მონავარდე რაინდს. მულაზანზარის ველზედ მართოდ მიმავალი ავთანდილი პირისპირ რჩება მნათობებთან, ხოლო მნათობები მოაგონებენ რაინდს თინათინის მშვენიებას. ავთანდილიც მაშინვე გაუზიარებს თავის გულის საიდუმლოს და როგორც ბარათაშვილი ამბობდა, „მხოლოდ ვარსკვლავთა თანამავალთა ვამცნო გულისა მე საიდუმლოო“, მასთან თანამავალ მნათობებს: მზე, მთვარე, ასპიროზ, მარსხ. ზუალ, ოტარიდ და მუშთარის მიმართ ავთანდილი და მნათობებისადმი მიმართვაში თანდათანობით ამჟღავნებს თავის სიყვარულის ძღვერებას თინათინისადმი.

უნებურად გვაგონდება „ღვთაებრივ კომედიაში“ დანტეს მოგზაურობა სამოთხეში, დანტეს ზემო ხსენებული მნათობები უჩვენებდნენ გზას და ყოველი მნათობის გავლისას ბეატრიჩეს სახე უფრო და უფრო ნათელი ხდებოდა. ორივე პოეტს კოსმიურ სურათიდან აქვთ აღებული სატრფოს მშვენიება და ორივე გმირის მოგზაურობას მნათობები უკვლევენ გზას სატრფოს მშვენიერსაკენ; ავთანდილის სიმღერა ბაინც ლირიული ძახილია და მიმართვა სატრფოს დასამშვენიებლად არჩეულ მეტაფორისადმი; მნათობები აახლოვებენ გმირს თავის სატრფოსთან, მზე, მთვარე, ოტარიდი და სხვა ირხევიან კოსმიურ ბადეში, ამღერებენ, გმირის გრძნობას და აკიაუვებენ სატრფოს მშვენიებას, რათა ავთანდილის გრძნობა შეუერთოს კოსმიურ ჰარმონიის დენას. ამგვარად სიყვარული აფაქზებს გმირის ცხოვრებას, უახლოვებს ბუნების მაღალ ძალებს და

გაქირვება, სიყვარულის გრძნობისათვის გადატანილი, ამაგრებს გმირის სულიერ სამყაროს.

ავთანდილის სიმღერა ხსნის ბუნების კარებს. თუ ბუნების მალაქმა სახეებმა, მნათობებმა მრავონეს მოჰმეს თავისი ტურფა და მიუახლოვეს თინათინის მშვენებას, თვით ბუნებამაც მიიღო გმირის გულის ნადები და მთელი ბუნება გამოდის ავთანდილის სიმღერის ზოსასმენად.

„რა ესმოდის მღერა ყმისა, სმენად მხეცნი შოვიდიან,
მისვე ხმისა სიტკბოსაგან წყლით ქვანიცა გამოსხდიან,
ისმენდიან, გაჰკვირდიან, რა ატირდის, ატირდიან,
იმღერს ლექსთა საბრალოთა, ღვარისაებრ ცრემლნი სდიან.“

ავთანდილის მიმართვა მნათობებისადმი ორფეოსის სიმღერასავით გადაღვრილია ბუნების წიაღში და მთელ ბუნებას ასულიერებს სატრფიალო ძახილი.

ასეთია გმირის წარმოდგენა საყვარელ არსებაზე და გმირი შთაგრენებული ბუნების სიმშვენიერით ასე უახლოვდება თინათინის მშვენებას... მაგრამ ჩვეულებრივ ყოფაში ავთანდილს შეუძლია უღალატოს საყვარელ თინათინს... ამ სახეობას ბუნებისას და ფატმანის სარეკელი გაიზიაროს... ფატმანთან ავთანდილის დაკავშირებით უფრო აძლიერებს ავტორი ავთანდილის სიყვარულის ძალას თინათინისადმი... ფატმანის სახე ავტორის მიერ მოხსზუღია, შეიძლება ითქვას, უფრო გროტესკიულ ხაზებში.

როგორც ზემოდ აღწერილი სცენები და მონოლოგები გვიმტკიცებს, ისეთი განცდაა პოემის კითხვის დროს, თითქოს ავტორი გმირების მიმოქცევას თან ახლავს და ისე დაუკავშირებია ლექსის ლირიული ელერა ამბის თხრობასთან, რომ გმირები და ავტორი ერთად მიექანებიან ნესტანის დასახსნელად. შეიძლება ამის შედეგი იყოს, რომ ხალხურ ზეპირუბნებში რუსთაველის პიროვნება და მისი გმირები ხშირად გაიგივებული არიან ხალხის წარმოდგენით რუსთაველი იყო მაჯნური, უმესანიშნავესი მოსარი და ტარიელის მსგავსი მეომარი.

„ვეფხისტყაოსანი“ ვრცელდებოდა ხალხში და ყოველი ახალი გამჭვრეტი ტექსტისა, ახალ თვისებას მატებდა პოემის ავტორს. ავთანდილის და თინათინის რომანიდან ხალხს უნდოდა დაენახა რუსთაველის ბიოგრაფიის მთავარი წყაროები: რომანის მიღმა ეხილა რაინდი, მოჯირითე და ლექსის ჯადოქარი. ასეთი სიახლოვე ხალხისა რუსთაველის პოემასთან უნდა მიღწეროს ავტორის უდიდეს ხალხურობის გრძნობას; ეს ხალხურობა ქმნიდა დიდ ინტიმობას პოემის გმირთა ცხოვრებასა და მკითხველთა შორის. როგორც პოეტს არჩილი ამბობდა, რუსთაველმა შესძლო მაღალი და დაბალი ხმის შეერთება და პოემა ხალხური განცდებით გაჟღერა, „ყოველი არსი შეგიყრია დაბალიცა და მაღალიცა“, ათქმევინა არჩილმა თეიმურაზ პარველს რუსთაველის მიმართ.

რუსთაველი მართალია საოცარი მხატვრული სიძლიერით ჩამომსხმელია სტრიქონისა, მოულოდნელი მეტაფორისტია და პოეტური სურათის რეველირივით დამამუშავებელი, მაგრამ ის ცრუ კლასიციზმებით მკითხ-

ველის ვაკვირებას არასოდეს არ ცდლობს. მას უყვარს ადამიანის სულის კუნჭულებში შეიხედოს ქეშმარიტი რეალისტი მხატვრის თვალით და ხაძიძეოვოს ადამიანის გრძნობები სკულპტურულ ფორმებში. ამასთანავე ავტორს გახსნილი აქვს პოემის კარები და მკითხველი შეჰყავს პოემის ცხოვრებაში, როგორც მონაწილე და სიუჟეტის თანამშრომელი. ავტორი ამბავის თხრობის ეპიუროზიდან ხშირად ლირიულ მღვლეარებაში გადადის და ხშირად გამოანთხევს ხოლმე ლირიულ გრძნობას თავისი გმირების ბედის მსვლელობაზე. ის ვპიკოსიც არის და წმინდა ლირიკოსიც, მაგრამ პოემის მოცემულ სამყაროს გაშუქებაში პოეტი არ კმაყოფილება ლირიულ ამოკენსით და მოყოლით დრამატიზმით. პოეტისათვის აუცილებელია ფილოსოფიური საყრდენი ჰქონდეს პოემის მსვლელობას, რადგან რუსთაველის ხურვილია დეტალების მხატვრულ გამომყდავნიებასთან ერთად, მონახოს კანონი დეტალების ერთმანეთში გადასვლის და კოსმიური მთლიანობის სურათი დაინახოს. ამიტომ პოეტს შეჰყვარებია არა მარტო დრამატიულ სცენებში და სახეებში გამოხატოს თავისი ცხოვრების ფილოსოფია, არამედ პირდაპირ ლექსალური თქმით გამოამჟღავნოს თავისი შეხედულება სიყვარულზე, მეგობრობაზე და საერთოდ სამყაროს მღვლეარე მიმოქცევის შესახებ. დიდ ოსტატს აქაც მოუნახავს ფორმა თავისი პოეტური ნააზრებისათვის და სიუჟეტის დენაში, ზოგი ანდერძის, ზოგი წერილის სახით, ეს ფილოსოფიური გადახვევები, და აფორიზმები აუშოქმედებია, როგორც დრამატიული სცენები პოემისა. ისინი სიუჟეტს ჯქმნიან მიწისქვეშა მდინარეებს.

ხსენებულიდან ნათლად სჩანს, რომ პოეტი რამოდენიმე მიმართებით გვიხატავს სიყვარულის გრძნობას ადამიანთა შორის... პირველად მოცემულა მოტრფიალეთა შორის ყოფა-ცხოვრებაში ერთმანეთისადმი დამოკიდებულება, შეხვედრები, პაემნეში, წერილები, ერთმანეთისათვის თავდადება და ყოველდღიური სცენები სიყვარულისა, ხოლო მეორე მიმართულებაში გადმოცემულია ავტორის წარმოდგენა სიყვარულის ბუნებაზე, მისი როლი სამყაროს მიმოქცევაში და სიყვარულის გრძნობის დაკავშირება სამყაროს მთლიან მდინარებასთან. გმირის ნააზრები სიყვარულის გრძნობაზე და საყვარელ არსებაზე აკავშირებს რაინდს ბუნებასთან და მთლიან სამყაროს მიმართებასთან. სიყვარული ამოძრავებს მთლიან ცხოვრებას, ადამიანსა და ბუნებას აახლოვებს სამუდამოდ.

სიყვარული ორ სქესთა შორის ამშვენებს ცხოვრებას და მზიურობის სახით გვევლინება ადამიანთა შორის. სიყვარული აგრეთვე საფუძველია მეგობრობისა, ხოლო მეგობრობა მოყმეთა შორის საწინდარია კეთილის გამარჯვების და ბოროტის დამარცხებისა.

ერთის შეხედვით რომანის სიუჟეტი ამეგობრებს მხოლოდ მიჯნურებს და ბედის ერთნაირობა აახლოვებს სხვადასხვა ხალხთა შვილებს. თინათინის სიყვარულმა გადაადგო ავთანდილი ტარიელის საძებნელად, მაგრამ როდესაც იხილა მიჯნურობით დასნეულებული მშვენიერი ტარიელი, მოყმემ შეიყვარა იგი და გახდა მისი განუყრელი მეგობარი. ასმათმა და ტარიელმაც სიყვარულით მიიღეს ავთანდილი, რადგან ავთანდილი იყო მიჯ-

ნური მზისდარისა და ტარიელის ნახვით უმსუბუქდებოდა ცხოვრებს. ტარიელმა და ავთანდილმა მიჯნურობით ხელათქმნილებმა, სულთა ნათესაობა გრძნეს და საფუძველი დაუდეს სამუდამო მეგობრობას. ერთ ბედ ქვეშ ყოფნამ პირველი გასაღები მისცა მოყმეთა მეგობრობას, მაგრამ შეცდომა იქნებოდა გვეფიქრა, რომ ბედის მხოლოდ ერთ-ნაირობა აახლოებდა პოემის მიხედვით მოყმებს. პოემის მიხედვით დასახლებული საფუძველი მეგობრობისა, მხოლოდ ერთი სახეა რაინდთა შორის სიახლოვისა. რუსთაველი ქადაგებს მოყმეთა შორის მეგობრობის აუცილებლობას. და საერთოდ სულთა სიახლოვე ადამიანის მოვალეობად მიიჩნია: „ვინც მოყვარესა არ ეძებს იგი თავისა მტერია“. გვეუბნება ავტორი და რაინდის ვალდებულებაა „მოდმესა თვისსა სიძნელე გზისა გაუადვილოს“ და დახმარება გაუწიოს ყოველ ღირსეულ ადამიანს.

ფრიდონის და ტარიელის ბედში თითქმის არაფერია საერთო. მაგრამ, იხილა რა ტარიელმა დაჭრილი მოყმე, რომელიც „აძაყად ყიოდა“, შეაყვარა იგი, განუკურნა ჭრილობა და შემდეგ ფრიდონის მტრებს თავგზაუბრებით შეებრძოლა. ფრიდონი არ დაუჯილდოებია ავტორს მიჯნურობის გრძნობით, ყოველ შემთხვევაში პოემაში ეს მხარე ჩვენთვის არ არის ცნობილი, მაგრამ ფრიდონის სულეერ ცხოვრებაში დიდი მღელვარება შეაქვს ტარიელის სატრფოს დაკარგვას და ტარიელის ტანჯვას დაკარგული მიჯნურის გამო. ავთანდილს მეგობრობის შესახებ მთელი ანდერძი დაუწერია და მეგობრობა გაუხდია ცხოვრებაში წამყვან გრძნობად. არა მარტო გაულის კარნახით იბადება მეგობრობა ადამიანთა ყოფაში, არამედ თვით სიბრძნე გვასწავლის ადამიანთა სიახლოვეს და ადამიანთა შორის მეგობრობის განმტკიცების საჭიროებას. ავთანდილი განსაკუთრებით აღნიშნავს „ბრძენი კაცო ვერ გასწირავს მოყვარესა“ — ან „არ დაიწყებო მოყვარესა აროდეს გიზამს ზიანსა“ და თავის შეხედულებას მეგობრობაზე ასრულებს გულწრფელობის და ზნეობრივი სიფაქიზის ქადაგებით. „მე სიტყვასა ერთსა გკადრებ პლატონისგან სწავლათქმულსა, სიცრუე და ორპირობა ავნებს ზორცსა მერე სულისა“-ო. ავთანდილისათვის სიბრძნის საუკეთესო საბუთად ისმის მიმართვა როსტევიანისადმი:

„მე რად გავწირო მოყვარე, ძმა უმტკიცესი ძმობისა?
არა ვიქმ, ცოდნა რას მარგებს ფილოსოფოსთა ბრძნობისა?
მით ვისწავლებით, მოგვეცეს შერთვა ზეკთ მწყობრთა მწყობისა“

სიბრძნე ხალხს სჭირია მეგობრობის გასამტკიცებლად და სულეერი სიფაქიზის გამოსამჟღავნებლად. მეგობრობა აუცილებელია მოყმისათვის, როგორც სიბრძნის შეთვისება და როგორც მიჯნურისათვის თავდადება. მეგობრობა არა უბრალო სიახლოვეა მეორე პიროვნებასთან, არამედ საფუძველი მაღალი და ფაქიზი ცხოვრების ჩამოსაყალიბებლად. ზნობრივად ეს გრძნობა ბრძენ კაცში ჩრდილავს მიჯნურის სიყვარულსაც და პირველ მოვალეობად მეგობრობისათვის თავდადებას აკისრებს.

როგორც პოემის პირველ ნაწილებიდან ვიცით, ავთანდილმა გაიხარა თინათინის ტახტზე, ასევე, რადგან სპასპეტს საშუალება ეძლეოდა ხშირად ენახა თავისი ტურფა, ხოლო სამ წელიწადს ნახეტილებ ავთანდილს ტარიელის ნახვის შემდეგ ძლიერ უნდა დასჩქარებოდა სამშობლოში დაბრუნება და თინათინთან სამუდამოდ შეუღლება, მაგრამ, როდესაც ტარიელმა დაასრულა შოგოლა თავის თავგადასავალისა და უთხრა „აწ წადი, ნახე შენი მზე, ნახვისა, მოყამებულმან“, მან უპასუხა: „თუ გაგეყრები თვალთავან, ცრემლიცა დამედინებისო“.

და კიდევ გააკვირვა მოყმემ, — ტარიელი ასეთი უეცარი მეგობრული გრძნობის გამოხატვით და ზეჟმეინა „უცხო უცხოს ევრე ვითა შტე-გიყვარდიო“.

მაგრამ, როგორც ზემოთ ვთქვით. ავთანდილისათვის მეგობრობა გონებისა და გულის წადილია ერთგვარად. სახელმწიფოებრივი მოვლენებაც დაივიწყა ავთანდილმა მეგობრის სიყვარულით და თავის აღმზრდელ როსტევანს გაეპარა და დაუბრუნდა ტარიელს, რადგან „ოდეს წამოვიღე, შეგფიცე ფიცითა საშინელითაო“... ხოლო როსტევანსა და ვეზირს წარმოედგინათ, რომ ავთანდილის მიერ ჯარის და სახელმწიფოს დატოვება არ შეიძლებოდა. მაგრამ ავთანდილისათვის

„სამი არის მოყვრისაგან მოყვრობისა გამოჩენა“

პირველ ნდობა სიხლისა, სიშოჩისა ვერ მოთმენა,
მრცემა და არა შური, ჩუქებისა არ მოწყენა,
გავლენა და მოხმარება, მისად რგებად ველთა რბენა“.

მეგობრობის ამ სამი თვისების გამოჩენის ჯეროვანად დამტკიცებისათვის ავთანდილი გამოეთხოვა თავის აღმზრდელ შერმადინს და გაეგზავრა ნესტანის დასახსნელად. ამ სამი თვისების გამოამყავენებისათვის შეუწირავს ავთანდილს მთელი ცხოვრება. ამგვარი თვისებებით შეიარაღებული მიემგზავრება იგი ტარიელის დასახმარებლად. გულის ტკივილით სტოვებს იგი მის აღმზრდელს როსტევანს, და გაზრდილს შერმადინს. ავთანდილის ცხოვრებას და მოქმედებას საფუძვლად უდევს უდიდესი აღზრდა. რომელიც მიუღია რაინდს ახალგაზრდობაში, რომლიდან გამომდინარეობს მისი მოქმედება ცხოვრების ასპარეზზე. ამიტომ ავთანდილის, ტარიელის და საერთოდ „ვეფხისტყაოსნის“ სხვა გმირების დახასიათებისას უნდა მიექცეს ყურადღება გმირების აღზრდას პოემაში და გმირების შეხედულებას საერთოდ ადამიანის აღზრდაზე. განსაკუთრებული ყურადღება ექცევა პოემაში მოყმის აღზრდასა და რაინდული ტრადიციების ბავშვობიდან ჩამოყალიბებას.

პოემის მიხედვით მოყმის აღზრდაზეა დამოკიდებული მისი შემდეგი ზნეობრივი სიმაღლე, ვაჟაკობის კულტი და ხშირად გარეგნული მშვენებაც.

„ბრძენთა მიმცეს სასწავლებლად ხელმწიფეთა ქცევა ქმნათად“ — გვეუბნება ტარიელი, ხოლო ანდერძიდან ვიცით, ავთანდილს უსწავლია

ფილოსოფია და თვით ფარსადანი ყოფილა აღმზრდელი ნესტანის მოყ-
მისა. თვით ნესტანის აღზრდაც განსაკუთრებულია და ბრძნული. ტა-
რიელი მოგვითხრობს: „დავარს სიბრძნის სასწავლებლად თვით მეფე-
მან მისცა შვილი“.

საერთოდ მოყმის აღზრდამ უნდა ჩაუყაროს საფუძველი მომავალი
ადამიანის ვაჟეცობას. თანხმად პლატონის მოძღვრებისა, რუსთაველის
გმირები ახალგაზრდობაში ბუნებასთანაც დაახლოვებულან. იარაღით
უვარჯიშნიათ და განსაკუთრებული მზრუნველობა გამოუჩენიათ მათ
უფროსებს. მოყმეების აღსაზრდელად. ამიტომ არ ამწუხრებს როსტევეანს
ნადირობაში დამარცხება და მის აღზრდილ ავთანდილის გამარჯვება.

„მეფესა ესე ამბავი უჩნს, ვითა მღერა ნარდისა,
უხაროს ეგრე სიკეთე მისისა განაზარდისა“.

აღზრდა საზოგადოებრივ ფენებში თითქოს საფეხურებს სპობს და
ათანაბრებს თითქმის სხვადასხვა წრის ადამიანებს, მეგობრულ იერს აძ-
ლევს მეფესა და მოყმის დამოკიდებულებას.

მეფეს თავისი აღზრდილი ავთანდილი უყვარს შვილივით. ის არის
მეფის უახლოესი ადამიანი და რუსთაველი ხშირად სპობს მათ შორის
არსებულ საზღვარს.

„მეფე ყელსა მოეკიდა, გარდაკოცნა ვითა შვილი,
სხვა მათებრი არ ყოფილა არც გამზრდელი, არც გაზრდილი“

ხოლო, როდესაც შეიტყო როსტევეანმა ავთანდილის ხელახლა წასე-
ლის ჭურვილი „დადრკა, სკამნი შემოსტყორცნა, ჰკრა კედელსა, შეა-
ლენწა“.. სიყვარული აღზრდილისა აღმზრდილისადმი პოემაში. სპობს
წრეთა შორის საზღვრებს და სხვადასხვებ ფენის ადამიანთა ყვეზირს მე-
გობრულ იერს ანიჭებს.

საკმარისია გავიხსენოთ „მონა შერმადინის“ და ავთანდილის დამო-
კიდებულება.

„ესეა მონა შერმადინ, ზემოდცა სახელდებული,
თანა შერდილი, ერთგული და მისთვის თავდადებული“.

ავთანდილი ამბობს შერმადინის დასახასიათებლად და შემდეგ დას-
ძენს:

„თქვენცა იცით, გამიზრდია, ვითა ძმა და ვითა შვილი,
ამას ასრე მორჩილებდე, არის ვითამც ავთანდილი“..

შერმადინიც რაინდული თვისებებითაა შემკული და სურს ავთან-
დილთან ერთად წავიდეს ვეფხის ტყაიდან მოყმესთან.

რუსთაველის აზრით განსაკუთრებული აღზრდა და გონებრივი სი-
მაღლე უღვეს საფუძველად საზოგადო მოღვაწეობის საქმიანობას. სიბო-

ძნის სწავლიდან გამომდინარეობს მეგობრული გრძნობის გავრცელება. ადამიანთა შორის, ხოლო სიბრძნეა აგრეთვე საფუძველი სახელმწიფო გამგებლობისა; გონივრული სიმაღლე და მეგობრობა მომდინარეობს ადამიანის აღზრდიდან და მთელი პოემის ცხოვრება ორკესტრირებულია ადამიანის ამ ორი თვისებით. პოემის ამგვარი შინაარსის შედეგია, რომ ხალხს მიუკუთვნებია რუსთაველისათვის ოთხი სტრიქონი:

„ფილოსოფოსნი შემოკრბენ, ამაზედ ქონდათ ცილობა:
პატრონი კაცსა ასაქმებს და ჭკუას გამოცდილობა,
ათასად კაცი დაფასდა, ათი ათასად ზრდილობა,
თუ კაცი თავად არ ვარგა, ცუდია გვარიშვილობა“.

ავთანდილი მთავარი სახეა პოემაში, რომელიც მეგობრობის გრძნობის გამხსნელია და დამადასტურებელი. მეგობრული გრძნობის აღწერა პოემაში გაბნეულია ავთანდილის აფორიზმებით და საქმიანობით.

თავის მოყვრის ბედის შესამსუბუქებლად მოყმემ პირველ შეხვედრისთანავე გადასწყვიტა თავდადება. ავთანდილმა მართლაც მრავლად განსაცდელში გამოიარა, გადაიარა ზღვებზე და ქალაქები. ვაჟკაცობით და გონივრული გამჭირახობით ნესტანის კვალს მიაგნო და ტარიელს სიცოცხლის გამომწვევად ძალა დაუბრუნა. მეგობრის სიყვარულმა ბევრ ცდუნებაში გაატარა გმირი და ერთხელ „უფულო სიყვარულით“ ფატმანის საწოლში შეიყვანა თინათინის ერთგული მოყმე.

როგორც ტრფიალების გამოხატვაში მრავალფეროვანია და აღზნებული რუსთაველი, ისე მრავალფეროვანია და უცნაური ინტიმობითაა გამსჭვალული პოეტი რაინდთა მეგობრობის დასურათებაში. საოცარია რუსთაველის პალიტრა, რომლიდანაც იბადება მოულოდნელი შეხამება ფერებისა და მეგობრობის გრძნობა სრულიად ახალ და ახალ სახეებში იქედება.

როდესაც ავთანდილმა ნესტანის წერილი და რიდის ნაკვეთი მიიღო, საჩქაროთ გამოეშურა ტარიელისაკენ, მოდიოდა რაინდი და ფიქრობდა თავის საყვარელ მეგობრის ბედზე; ამ დროს

„ქვებანი გამოჩნდეს, იამა: იცნა, თქვა: „იგი კლდენია,
სადაა ჩემი მოყვარე და ვისთვის ცრემლი მდენია;
ღირს-ვარმცა ვნახო პირის-პირ, უამბო, რაცა მსმენია;
არ მოსრულიყოს, რაღა ვქნა, ცუდ ჩემი განაგლენია!“

და

„მართ სახელდებით უყვივის ხმითა მით მხიარულითა“...
ამ დროს შამბისა პირასა ტარიელ დგას ხმლითა მომახულითა.

ქვილი ავთანდილისა, ესმოდა, ეოცებოდა

შენდნა, იცნა, გაიქცა, მისკენ მიზნობდა, ხლტებოდა
და რა ნახეს მეგობარ-რაინდებმა ერთმანეთი....

მათ ერთმანეთსა აკოცეს, ჰგვანან ყელ-გარდაქცობილსა;
ხმა შაქრის ფერად გაუხდა ვარდსა, ხშირ-ხშირად პობილსა-ო“

გვეუბნება ავტორი და ხმის „შაქრის“ ფერად“ გახდომა უცნაურად ანა-
თებს რაინდების შეხვედრას. უდიდესი სიფაქიზე და უშუალო სმენა მხატ-
ვრისა რაინდების ხმას ფერს ანიჭებს და აუცხოვებს მათ შეყრის სცენას.
მოულოდნელ მხატვრულ სიმართლეს აღწევს ოსტატი რაინდის ხმის
ამგვარ დახასიათებით და გასაოცარ მხატვრულ ნიუანსებში მოულოდნე-
ლად შეჰყავს მკითხველი, როგორც ყოველ დღიურ ყოფაში.

ტარიელი გაშმაგებულია მიჯნურის დაკარგვით და თითქოს არ უნდა
შეეძლოს მეგობრისადმი განსაკუთრებული გრძნობის გამომჟღავნება,
მაგრამ თუ გავისხენებთ რაინდის თავდადებულ ბრძოლას ფრიდონის
მტრების წინააღმდეგ, ან რა სიყვარულით ზღონებს თავის მოთხრობაში
ფრიდონის მოყვებობას, წათელი გახდება ტარიელის მეგობრული გრძნობა
მოყვასისადმი. ტარიელივე ეუბნება თინათინს, რომ „შენი ქმარი ძმა
ჩემია“ და ყოველთვის მზადაა დაუმტკიცოს მეგობრებს თავისი ერთგუ-
ლება: ავთანდილი და ფრიდონი სრულიად დაშორებულნი არიან ერთმა-
ნეთს თავიანთი ცხოვრებით, მაგრამ ტარიელის სიყვარულით ხვდებან ერ-
თმანეთს უერთგულესნი და ერთნაირად განიცდიან ვეფხის ტყავიან მოყ-
მის სულიერ ქარიშხალს. სამი გმირის მეგობრულ დაკავშირებით
რუსთაველი აღწილად ამარცხებს ბოროტს და კეთილის გამარჯვებას აღი-
არებს. ჩვენ არ უნდა დაგვავიწყდეს ისიც, რომ სამი გმირი „ვეფხის-
ტყავისნი“ სხვადასხვა ხალხის შვილები არაა. ყოველი მათგანი ამა-
ყოფს თავისი ქვეყნის მშენებლებით და სამხედრო შესაძლებლობით. რუს-
თაველს დიდი სიყვარულით აქვს დახატული სხვადასხვა ქვეყნის შვილები
და ძვირფას ფვლებივით თავიანთი ქვეყნებიდან ამოყვანილი

„ავთანდილ მკერდსა დაასხა. მას ლომსა ზისხლი ლომისა,
ტარიელ შეკრთა, შეინძრა რაზმი ინდოთა ტომისა“.

მოყვანილი სტრიქონებით ავტორი ტარიელის წამწამებს ადარებს ინდო-
თა რაზმს და ამით ახასიათებს არა მარტო ტარიელის მშენებებს, არამედ
ტარიელს წარმოგვიდგენს იგი, როგორც პლასტიურ გამოხატულებას ინ-
დოეთის სამხედრო ძლიერებისა და ინდოეთის ხალხისა.

მეგობრული გრძნობა მათ პატრონულ გრძნობას კიდევ უფრო აღ-
ვივებს და სხვადასხვა ქვეყნის შვილებს მაინც ებადებათ ერთი საერთო
მიზანი: ნესტანის განთავისუფლებისა ქაჯეთის ციხიდან და კეთილი, მე-
გობრული გრძნობით ბოროტის აღმოფხვრა ქვეყნად. მეგობრების გრძნო-
ბის ასე, ყოველმხრივ გამოხატვა საშუალო საუკუნის სიტყვაკაზმულ
მწერლობაში ძნელად მოიპოვება და ამ მხრივ „ვეფხის-ტყავისნი“ პა-
რალელი საშუალო საუკუნეების პოეზიაში არ უნდა მოიძებნებოდეს.
მართალია, ტრისტანმა იპოვა მეგობარი კამერდინის სახით უცხო ქვე-

ყანაში, მაგრამ ტრისტანს არ გააჩნდა რუსთაველის გმირისებური სიყვარული თავის სამშობლოსადმი და ასეთი ორგანიზლობა საკუთარ ქვეყანასთან.

ვერც ფრანგი რაინდების როლანდისა და ოლივერის მეგობრობაა ისეთი სრულყოფილი, როგორც ვეფხის-ტყაოსნის სამი გმირისა. რუსთაველის გმირები ერთი, ხალხის შვილები არ არიან და მიიწვიან ნაირხუნებენ დიად პატრიოტულ გრძნობას და ამავე დროს მეგობრდებიან სამუდამოდ. რუსთაველი თავის გმირების მეგობრობას გვიჩვენებს ომში, მიჯნურობაში, ზეიმში და მათი მეგობრული საქმიანობა ბევრად უფრო ვრცელი და მრავალფეროვანია, ვიდრე ფრანგულ ეპოსში გამოხატულ გმირების ძმობა...

ხოლო ვისრამიანი სრულიად არაფერს გვეუბნება მეგობრობის კულტის შესახებ და მის შინაგან წყობაში სიყვარულის კულტთან ერთად არ კიანფობს „ვეფხის-ტყაოსნისებური“ სიმალღე ადამიანის ზნეობისა: რუსთაველის გმირები ორგანიზული ნაწილებია თავიანთი ქვეყნებისა და ამავე დროს საერთო სამქვეყნო ზნეობისთვის მებრძოლნი. მეგობრობით შეიარაღებული გმირები იღებენ აუღებელ ციხეებს და საუკუნეებს უანღერძებენ მოყვასისადმი თავდადებას. რუსთაველი წინ უსწრებს იტალიელ ჰუმანისტების ბოკაჩიოს და პეტრარკას ანტიურობაზე ოცნებას და საზოგადოებრივ ყოფაში მეგობრობის განმტკიცების სურვილს.

„ხამს მოყვარე მოყვრისათვის თავი ჭირსა არ დამრიდად.

გული მისცეს გულისათვის, სიყვარული გზად და ხიდად“.

გვეუბნება პოეტი და ის უბრალო ლირიული ამოძახილი კი არ არის შესანიშნავი რაინდისა, არამედ ცხოვრებაზე დაკვირვების, სიბრძნის შეთვისება და მოფიქრების ნაყოფი.

„ვეფხის-ტყაოსანმა“ გააოჯიდა ძლიერება მეგობრობის გრძნობისა, რომელიც ანტიურობაში გამოხატეს დიდმა ეპიკოსებმა. ფეხმარდი აქილესის სიყვარული პატროკლისადმი „ილიადაში“ ან ევრილის თანგანწირვა ნინიასთვის მეგობრობის დასამტკიცებლად (ენეიდაში) რუსთაველი თავის გასაგების საფესვით. ტარიელის და ავთანდილის ძმობით პოეტი ამტკიცებს მეგობრობის კულტს საშუალო საუკუნეებში და პოეტურ ნახატში მეგობრობას გვისურათებს ანტიურ ოსტატების სიძლიერით.

ხსენებული მტკიცებით რუსთაველის პოემის სიუჟეტის შინაარსი უპირისპირდება სასულიერო მწერლობის მთავარ იდეას. სასულიერო მწერლობაში ღმერთის ჩარევით უფრო ხშირად ღმერთისთვის კეთდებოდა საღმრთო საქმე. ბოროტის დაძლევაში ღმერთი უნდა შეშველებოდა ადამიანის შემოქმედებით ენერგიას. რუსთაველმა ბოროტის დაძლევად ინიციატივა გადასცა ადამიანს და ღმერთის ჩაურევლად სცადა „საღმერთ“ საქმის გაკეთება, ე. ი. უმაღლეს ზნეობრივ სიმალღემდე აიყვანა ადამიანი. დიდი ოსტატის ხელით გამოძერწილმა სამმა გმირმა, შეკავშირებულმა მეგობრობის გრძნობით, აიღეს ქაჯეთის ციხე და გაანთავისუფლეს „გველის შეპყრობილი მნათობი“.

მე-12 საუკუნის სახელმწიფოებრივ ძლიერებას, კულტურულ ჰორიზონტის გაშლას და მოყმეთა კულტის გავრცელებას საქართველოში უნდა მიეცა საზრდო რუსთაველის გენიალურ ქმნილებისათვის. ამხანად ქართველ ყოფაში რაინდობა ძლიერ გავრცელებული ყოფილა. რუსთაველის ხანისთვის მოყმეობა პროგრესიულ და კულტურულ მოვლენად უნდა მივიჩნიოთ. მოყმეთა ყოფას, მათ მიერ შექმნილებულ ფიზიკურ და სულიერ კულტურას მოუხდენია დიდი გავლენა რუსთაველის შემოქმედებით გენიისათვის; მაგრამ რუსთაველმა შესძლო ხსენებულ კულტურის საფუძველზე შეექმნა მსოფლიო მნიშვნელობის ლექსად თქმული რომანი და წინ გაესწრო საშუალო საუკუნეების პოეტური იდეებისათვის. ბეჟა ოპიზარის მსგავს ხელოვნებით გამოკვეთილ სახეებში პოეტმა ახალი საწყარო გამოხატა და ქართველთა სულიერი კულტურა საუკუნეებით გაამდიდრა. მაინც პოემაში გაშლილი მეგობრობის, სიყვარულის და ვაჟაკობის საფუძვლები მე-12 საუკუნის გაძლიერებულ სახელმწიფოებრივ ყოფაში უნდა ვეძიოთ. რაინდობას თამარის დროს დიდი გასავალი ჰქონია. რუსთველი — რომელიც ცდილობდა აღედგინა თავის დროის მოწონავე გრძნობა, არ შეეძლო დიდეს ოსტატობით არ გადაწვდინოდა ვაჟაკობის გრძნობას და სიყვარულს და მიგობრობის გრძნობასთან ვაჟაკობა არ დაეკავშირებინა. თუ რუსთაველმა მეგობრობის და სიყვარულის გრძნობა დიდი თსჯოლოგიური სიმართლითა და ხვეულებით დაგვიხატა, არა ნაკლები სიმძლავრე გამოიჩინა გმირობის გამოხატვაში და მთლიანად ვაჟაკობის პლასტიკურ განსხეულებაში. ისევ ავთანდილის ანდერძის საშუალებით მოგვცა ავტორმა საგალობელი ვაჟაკობისა და საერთოდ გმირის სამოქმედო პროგრამა. ავთანდილმა აქაც გამოიჩინა სიბრძნე და დაგვიხანსათა მოვალეობა და თვსებანი რაინდისა. მან, როგორც რაინდმა და რაინდობის მოძღვარმა, ბარიელფივით გამოკვეთილ აფორიზმებში გვამცნო „სჯობს სიცოცხლესა ნაძრახსა სიკვდილი სახელოვანი“ და დაგვიჩვენა რა სილაჩქე აღაშინისა, განაცხადა მომავალ საუკუნოების გასაგონად:

„რა უარეა მამაცსა, ომშიგან პირის მხმეკელსა.

შემდრკალსა, შეშინებულსა და სიკვდილისა მეჭველსა!

ვაჟი ჯაბანი რითა სჯობს დიატსა, ქსლისა მბეჭვილსა?

სჯობს სახელისა მოხვეჭა ყოველსა მოსახვეჭელსა!“

ამრობი რუსთაველის გმირებს წინასწარ გამოუმუშავებულნი აქვთ თვისებები რაინდისა. ცხოვრების ასპარეზზე გამოსვლისას ისინი კიდევ აღასრულებენ თავიანთ სურვილებს და ვაჟაკური საქმიანობით მართლაც ხდებიან რაინდები. სახელის მოხვეჭა რაინდისათვის აუცილებელია კეთილი საქმიანობის შედეგად. რუსთაველის შეხედულებით რაინდის ცხოვრება უნდა შეწყვიტოს მოყვასთა მეგობრობას და საერთოდ კთოლის ვაბაჰონებას ქვეყნად, მოყმე უნდა იყოს უშიშარი და ყოველ შემთხვევაში მზად უნდა იყოს დაამტკიცოს თავის ვაჟაკობა. ავთანდილიც ამიტომ ბედავს და ნადირობაში ეჯიბრება თავის აღმზრდელ მეფეს. ტა

რიელი ებრძვის ხატაელებს, რათა დაუმტკიცოს სატროფოს თავის გმირობა და რაინდის მოვალეობა შეასრულოს. ავტორისათვის ვაჟკაცობა ერთი მთავარი საფუძველია ცხოვრების მდინარეშია. პოემის გმირებიც ცხოვრებას იწყებენ ვაჟკაცური მოქმედებით და საერთოდ გმირების სცენები წინ უძღვის გმირის ფართო ცხოვრების დაწყებას პოემაში. ავთანდილის პიროვნების მხატვრულ გამომქლავებას წინ უძღვის რაინდის გამარჯვება ნადირობაში. ტარიელმაც პირველ გამოჩენისთანავე „მკლავნი გაიმამაცურნა“ და თორმეტ მონას სძლია, შაჭი ტაიჭით გაჰქუსლა, და გახდა უჩინარი. ფრიდონიც, პირველ გამოსვლისას, ომში დაჭრილი მოჰქროდა ზღვის პირას და „ამაყად ყიოდა“. რუსთაველი თავის გმირების ცხოვრებას იწყებს მათი ვაჟკაცური ეპიზოდებით და ვაჟკაცობის თვისებებს თავის გმირებს უნარჩუნებს მთელ პოემის სივრცეზე.

ნათქვამიდან ნათელი ხდება: პოემის გმირები გამოჩენისთანავე ვაჟკაცობის სახელს იმტკიცებენ და ანხორციელებენ ავთანდილის მოწოდებას, რომ სახელისა მოხვეჭა სჯობს ყოველსა მოსახვეჭელსა.

„გაქვავდა ევრიალ გაცეხული, რომ სახელისა მოხვეჭა ასე სწყუროდა მის მეგობარს ნასიას“ — გვეუბნება ფრიდონის „ენეიდაში“.

ახალგაზრდა ნასიასმა გადასწყვიტა მარტო გაერღვია მტრის ბანაკი და ენეიდისთვის შეეტყობინებინა ტროადელების განსაცდელი. გმირმა იცოდა, რომ სიკვდილი მოელოდა, მაგრამ მას წინასწარ ხიბლავდა სიკვდილის შემდეგ დარჩენილი სახელი. ავთანდილიც, რუსთაველის პოემაში, სახელოვანი სიკვდილის მქადაგებელია და სახელის მოსახვეჭად მებრძოლი. რუსთაველის რაინდები ანტიურობაში „ჰპოვებენ თავიანთ წინამორბედებს და ხასიათით მონათესავე ვაჟკაცებს.

სახელმოხვეჭილი ტარიელი მიჰქრის პოემის სივრცეზე და გმირულ საქმიანობის კვალს სტოვებს გზადაგზა, როგორც ჩრდილებს თავის ვაჟკაცობისას. ავთანდილიც ნახულობს დაკარგულ ტარიელს, მის ნავაჟკაცარის მიყოლით.

მართალია ილიიდან გმირებივით „ვეფხის-ტყაოსნის“ გმირებსაც უყვართ მოგონება თავიანთ წარსულისა, მაგრამ როგორც ზემოთ დავინახეთ, ისინიც უპირველესად პოემაში მ-მდინარე ვაჟკაცობით იმსახურებენ გმირის სახელწოდებას, ტარიელს სიამაყით აგონდება თავის ახალგაზრდობაში ჩატარებული გმირობა და მოუთხოვს ავთანდილს ხატაელებთან შეტაკებას დიდი აღზნებით:

„ახლოს მიველ, შემომხედეს, შმაგაო, ესე ექვესა,
მუნ მივმართე მკლავ-მაგარმუნ. სად უფროსი ჯარი დგესა;
კაცს შუბი ვკარ, ცხენი დავეც, მართ ორნივე მიჰხდეს მზესა;
შუბი გატყდა, ხელი ჩავეყავ, — ვაქებ ხრმალო, ვინცა გლესა!“

და სხვა.

მაგრამ არა მარტო საკუთარ რაინდობის მოგონება უყვარს ტარიელს, იგი ალტაცებით უამბობს ავთანდილს ფრიდონის საგმირო საქმეებს:

„მუნ მომეწონა ურიდონის სიქველე-სიფიცენია,
იბრძვის ლომი და პირად მზე, იგი ალვისა ხენია“.

ტარიელის მოთხოვნაში ფრიდონის ვაჟკაცობა და გარეგნული სილამაზე დაკავშირებულია ერთიმეორესთან.

რუსთაველის ყოველი რაინდი ვაჟკაცობასთან ერთად გარეგნული სიმშვენიერითაც არის დაჯილდოებული. პოეტს არ უყვარს მახინჯი ადამიანის სიუხუტის წინა პლანზე დაყენება და მისთვის ფერადების დახარჯვა. პოემის გმირების მშვენიერება იგივეა, რაც ფეროვნება და კოლორიტი პოემისა. გარეგნულ სილამაზეს გმირებისას ავტორი დახვეწილი და მოხდენილი ხაზებით გადმოგვცემს. ხშირად პოეტი აღწერითი მანერასაც მიმართავს გმირების გარეგნობის გადმოცემაში:

„ავთანდილ იყო სპასპეტი, ძე ამირსპასალარისა,
საოროსა მჯობი, ნაზარდი მსგავსი მზისა და მთეარისა,
ჯერ უწვერული, სადარო ბროლ-მინა საცნობარისა“...

ან კიდევ ტარიელის გარეგნობა გადმოცემულია ავტორის მიერ უდიდესი პლასტიურობით, და საოცარი განათებით:

„იგი ლალი და უკადრი მივა ტანისა მრხეველად,
ტაიჭი მიუქს მერანსა, მიეფინების მზე ველად“.

ზოლო ფრიდონზე მისი მოყმეები ამბობენ:

„ნურადინ ფრიდონ მეფეა ამა ქვეყნისა ჩვენისა,
მოყმე მხნე, უხვი, ძლიერი, ფიცხლავ მომხტომი ცხენისა,
ვნება არავის არ ძალუძს, მის მზის ოდენა მშვენისა,
იგია ჩვენი პატრონი მსგავსი ცით შუქთა მფენისა“.

მართალია, ასეთი სილამაზით არიან დახატული რუსთაველის გმირები, მაგრამ თავიანთ მშვენიერებას ისინი უფრო მოქმედებით გამოხატავენ და რაინდების სილამაზე გმირობის დროს უფრო კიაფობს. გარეგნულ მშვენიერებით და ვაჟკაცური თვისებებით შემკულია მხატვრის მიერ აღებული სამი გმირი. სამივე პოემაში მოეფინებიან, „როგორც მზე ველად“. ყოველი მათგანი საკუთარ ქვეყნის სიმშვენიერის დამახასიათებელია და სამივე ჰქმნიან სხვადასხვა ქვეყნის მეგობრულ გრძნობის გამომხატველ სილამაზეს. ამ სამი გმირის შეერთება საწინდარია მათი აუცილებელი გამარჯვებისა. ქაჯეთის ციხეში გამარჯვებული რაინდების გამოჩენა პოემაში უმესანიშნავესი პლასტიური სურათებითაა დახატული. ავტორის თვით აღტაცებულია თავის გმირების სიმშვენიერით და აგვიწერს:

„იგი ჭაბუკნი შუქითა ვნახენ მზისაცა მეტითა,
მათ სამთა შვილნი მნათობნი ჰფარვენ ნათლისა სვეტითა;
ტარიელ შავსა ზედა ზის ტანითა მოთ წერწეტითა,
დალივნეს მტერნი ომითა, ვითა მჭვრეტელნი ჭვრეტითა.“

ჩემი აწ ესე ნათქვამი მათი სახე და ღარია:
რაზედან წვიმდეს ღრუბელნი და მათი ატყდეს ღვარია,
მოვა და ხევთა მოგრაგნის, ისმის ზათქი და ზარია,
მაგრამ რა ზღვათა შეერთვის, მაშინ ეგრეცა წყნარია“.

პოემაში, საერთოდ, ბატალური სცენები დიდი ეკონომიითაა მოცემული, მაგრამ მაინც ყველაზე უფრო უდიდესი პლასტიურობით და ხმოვანებით აღდგენილია ომისა და სამი გმირის ვაჟკაცობის სურათები; რუსთაველი დიდი მხატვარია ბატალური სცენებისა. როგორც ლექსის ოსტატი, ის უძლიერესი ემფონისტია და ემფონიური დამუშავება სტრიქონისა შესანიშნავად გამოყენებული აქვს ბატალურ სცენების გადმოცემისას. ბატალური სცენების აღწერისას რუსთაველის სტრიქონები, როგორც მწვერვალიდან გადმოვარდნილი მდინარეები მოისწრაფვიან და შხუილით მიგვაქანებენ ბრძოლის ცეცხლში. ასე დამუშავებულია და ორკესტრირებულია ქაჯეთის ციხის ასაღებად ჩატარებული ბრძოლა:

„ანაზღაოთ ცხენი გაჰქუსლეს, მათრახმა შეჰქმნა ცკრიალი,
რა ნანეს, კარნი გაახვინეს, ქალაქით გახდა ზრიალი,
სამთავე სამგნით მიმართეს, თავსა მით უყვეს რიალი,
იკრეს ნობსა და დაბდაბსა, შეიქმნა ბუკთა ტკრციალი“.

და ამ შეტევაში მოსჩანს როგორ:

„კაცსა უკრავად დაბნედის ხმა ტარიელის ხაფისა,
აბჯარსა ფრეწდის, გაცუდდეს სიმაგრე ჯავშან-ქაფისა“.

ხოლო:

„ავთანდილ და ლომი ტვირთონ შიგნით ერთგან შეიყარნეს,
მტერნი სრულად აეწყვიტნეს, სისხლი მათნი მოელღარნეს“.

რუსთაველის ქალებიც თავიანთ მოყმეებისათვის სავალდებულოდ სთვლიან საგმირო საქმის ჩადენას და მოითხოვენ მათგან ვაჟკაცურ და გმირობის დამტკიცებას. ნესტანი სწერს ტარიელს:

„ბედითი ბნედა, სიკვდილი რა მიჯნურობა გგონია?
სჯობს საყვარელსა უჩვენო საქმენი საგმირონია“.

და შემდეგ დასძენს: „წა, შეები ხატაელთა, თავი კარგად გამაჩვენე“-ო. თინათინი დარწმუნებულია ავთანდილის გმირობაში და ამაყოფს კიდევ თავის მიჯნურის გმირობით. „პირველ ყმა ხარ ხორციელი, არავინ გეყავს შენად სწორად“ და ამიტომ თინათინის აზრით ავთანდილმა თავი უნდა გამოიჩინოს და მონახოს ვეფხის ტყავიანი მოყმე.

„ვეფხის-ტყაოსნის“ ქალები ერთგვარ გამოცდას უნიშნავენ თავიანთ მოყმეებს და ყოველი რაინდიც დიდი სიხარულით ასრულებს სატრფობ დავალებას. გმირის უპირველესი მოვალეობაა რუსთაველის ქალთა შე-

ხედულებით თავის ქვეყნის სიყვარული და სამშობლოსთვის თავდადება. ნესტანი ქაჯეთში დამწყვდეული იტანჯება ტარიელის სიყვარულით, მაგრამ არ ივიწყებს თავის სამშობლო ქვეყანას და სატრფიალო ტკივილებთან ერთად ატყობინებს ტარიელს თავის ქვეყნის აოხრებას. შემდეგ სთხოვს რაინდს დაბრუნდეს ინდოეთში და აღუდგინოს სამშობლო ქვეყანას ძველი დიდება. რაინდებსაც უდიდესად შეგნებული აქვთ ვაჟაკას მოვალეობა თავის ქვეყნის წინაშე. სამივე გმირი უდადესად შეყვარებულნი არიან თავიანთ ქვეყნებზე და ამავე დროს ებადებათ მთლიან რენტერესი მთელ სამყაროში კეთილის გამარჯვებისა. თავიანთი ვაჟაკაობით რუსთაველის გმირები ამალლებენ თავიანთი ქვეყნების ავტორიტეტს და საერთაშორისო მეგობრულ გრძნობას ამტკიცებენ თავიანთი ძმობითა და ერთგულებით.

შეცდომა იქნებოდა გეგეფიქრნა, თითქოს რუსთაველის გმირები უბრალო ბუნების შვილები არიან, ჯანსაღი და ღონიერი და მათი გმირობა გამომდინარეობს მხოლოდ მათი ფიზიკური შესაძლებლობიდან. სრულიადაც არა, ისინი უშესანიშნავესი ცხენოსნებია და აღჭურვილი არიან თავისი დროის საუკეთესო იარაღით. შესანიშნავად იცნობენ მე-12 საუკუნის სამხედრო ხელოვნებას და თვით შეაქვთ სამხედრო კულტურაში თავისი წვლილი. შეთვისებული აქვთ არაბეთის და ბიზანტიის სამხედრო ხელოვნების კულტურა და ბრძოლებში ჩვენ უდიდეს გონივრულ გამჭრიახობას, მონერხებას და მთლიანად სამხედრო საქმის დიდ ცოდნას, რუსთაველის გმირების სამხედრო მომზადება და საქურველი უსწორდება ეგროპის საშუალო საუკუნეების რანდების მორჭმულებასა და სამხედრო გამოცდილებას. საქმარისია გავიხსენოთ ქაჯეთის ციხის ასაღებად გამართული თათბირი სამი გმირისა და ჩვენთვის ნათელი გახდება „ვეფხისტყაოსნის“ გმირების სამხედრო გამოცდილება და სტრატეგია. ქაჯეთის ციხის ასაღებად გამართულ ბრძოლაში ტარიელი მაინც ვაშლირჩევა. როდესაც ტარიელი ქაჯეთის ციხეს უახლოვდება, მის წინ იშლება სამოქმედო ასპარეზი და საშუალება ეძლევა მოყმეს უჩვენოს თავის სატროფს „საქმენი საგმირონია“. მისი გონება ნათლდება და სამხედრო საქმის მოფიქრებაში გადააჭარბებს თავის ბრძენ მეგობრებს. მისი წინადადება ციხეზე სამხრივ მოულოდნელ თავდასხმისა, საჩქაროთ მიღებულ იქნა და შეერთებული ძალით სამმა გმირმა საჩქაროდ აიღო ციხე. და ნახეს „მზის შესაყრილად როგორ გამოეშვა მთვარე გველსა“. ნესტანი გაანთავისუფლეს გმირებმა და ახალი მნათობი დაუბრუნეს ქვეყანას. ასე გამოსტაცეს რუსთაველის გმირებმა ბუნების ბნელ ძალებს ბუნებისავე სილამაზე ნესტანი და გაამშვენირეს ცხოვრება. რუსთაველის წარმოდგენით ცხოვრებაში ნათელი და ბნელი ძალები იბრძვიან... ადამიანი მოწოდებულია ბნელი ძალები დაიმორჩილოს და გაამშვენიეროს ბუნება თავისდა სასარგებლოდ. მართალია, პოეტურ შედარებებს რუსთაველი ყოველთვის ბუნებიდან იღებს, მაგრამ პირველობას ყოველთვის ადამიანის მშვენებას უთმობს და თინათინს მზეს აწუნებინებს. პოეტისათვის

ადამიანი უმადლესი სახეა ბუნებისა, ბუნების მბრძანებელი და გამამშვენ-
ნიერებელი. პოეტი ადამიანის შემოქმედებითი ენერჯის მოთაყვასეა... ნეს-
ტანის განთავისუფლებაც ადამიანის ძლიერების დამტკიცებაა. ნესტანის
განთავისუფლებით მთვარე უბრუნდება ხილულ ქვეყანას და მშვენიერება
ემატება ბუნებას. ასე სრულდება პოემის დრამატიული დენა და იწყება
გამარჯვებულთა ზეიმი და ბედნიერება. პოემა გაშლილი ოდაა რაინდ-
ბის ცხოვრებაზე. მათი სიქველის, ვაჟკაცობის, ტრფიალების და გარეგნუ-
ლი სიმშვენიერის გამოხატვა და სახალხოვრად ქადაგება.

პოეტმა მკაფიოდ გამოხატა თავის დროის მოწინავე გრძნობები და
როგორც გამოძერწილი სხეულები დაგვიტოვა გრძნობათა განსხეულება
პოეტურ სახეებში. ვირტუოზულად დააკავშირა სტრიქონის ხმოვანება
ადამიანის გრძნობის მღელვარებასთან. ამიტომაც მოარღვევდა „ვეფხისტყაოსნის“
სტრიქონები საუკუნეებს და ერთი დაკვრით იმორჩილებდა
შემდგომ თაობის პოეტებს. ებრძოდა კლერიკალურ აზროვნებას და უდი-
დეს გამბედაობას და რაინდობას იჩენდა გარეშე მტრებთან ბრძოლა-
ში, უნერგავდა რა ქართველ ხალხს ვაჟკაცობის გრძნობას. პოემაც და
პოემის ავტორიც ყოველთვის ცოცხლობდა და ცოცხლობს ქართველი
ხალხის გულში, როგორც სიმბოლო სიყვარულისა, მეგობრობისა და გმი-
რობისა.

მართალია საუკუნეების ქარიშხალს გაუძლო პოემამ, მაგრამ მისი
პოეტური ხმოვანება დღემდე მხოლოდ ქართველი ხალხის გულში სცხოვ-
რობდა და „ვეფხისტყაოსნის“ სტრიქონების წკრიალი კავკასიონის მწვერ-
ვლების შიღმა თითქმის არ ისმოდა. ქართველმა ხალხმა კაცობრიობას
შეუნახა რუსთაველის ქმნილება; დღეს დიდი სტალინის გენიით შთაგონე-
ბულ ერთა ოჯახში საქართველოც კიაფობს გონებით, ვაჟკაცობით და თა-
ვის ბუნების სიმშვენიერით; ქართველმა ხალხმა ისტორიული წარსულის და-
დღევანდელი ხანის სულიერი სიმშვენიერის ერთ-ერთ საბუთად გამარჯვე-
ბულ საბჭოთა ქვეყანას „ვეფხისტყაოსანიც“ წარმოუდგინა. რუსთაველი
თავის პოემით მართლაც ეხმარება ვაჟკაცობის, მეგობრობის და სიკუ-
რულის გრძნობით შეთანხმებულ დიად სამშობლოს საბჭოთა ერებისას.
მსოფლიოსათვის ოდესღაც ნისლში მყოფი მწვერვალი რუსთაველის
ქმნილებისა, ეხლა, საბჭოთა მზით განათებული, მოსჩანს საყოველთაოდ,
და, თითქო აკვირვებს კაცობრიობის წარსულ გენიებს ნისლიდან ახლად
გამოსულ მწვერვალის ასეთი სიმაღლე და ასეთი გამომეტყველება.

პ/მგ. რედაქტორი — ალექსანდრა ზეიზვილი

პ/მგ. მდივანი — კონსტანტინე ლორთქიფანიძე

მთავლიტის № 1910. შეკვ. № 1365. ტირაჟი 3000.
სახელგამის პოლიგრაფიული კომბინატი, ჟორესის 5.

**1938 წ. იანვრიდან „ჩვენი თაობა“ გაგზავნის
ყოველთვიურად.**

ხელის მოწერის პირობები:

წლიურად 18 მან.

ნახევარი 9 „

ცალკე ნომერი 1 მ. 50 კ.

ხელის მოწერა მიიღება სახელგამის ყველა მაღაზიაში, სოიუზპეჩატის
რაიბიუროებში და სახელგამის პერიოდ-სექტორში.

რედაქციის მისამართი:

თბილისი, მაჩაბლის ქ. № 13, მწერალთა კავშირი.